





4.5.8.35

# DE TVRCO-

## RVM ORIGINE, RELI

## GIONE, AC IMMANISSIMA EO-

rum in Christianos tyrannide, Deq̃ viis

per quas Christiani Principes Tur-

cos profligare & inuadere facile

possent. Liber iamprimum

natus et ad vtilitatem Rei

publicæ Christia-

næ editus.

Ioanne Cuspiniano autore.

## RES NOVA, ET CHRI

stianis auribus inaudita.

ANTVERPIÆ,

Apud Ioan. Steelsius in scuto

Burgundiæ. Anno

1541.

*Per tutto li 1612 sono anni  
71. ch'è stato stampato &*





# DE TVR-

## CORVM ORIGINE.



**I**NVESTIGANTI mihi accurate originem Turcorum, & neotericorum scripta discutere per necessarium duxi. Quod dum facio, inter Latinos primus occurrit Pōponius Mela, qui in fine Geographiæ libri, cum Scythiæ populos, & qui Tanaidem paludem ac Riphæos mōtes incolunt, describit, Iuxta, inquit, Thullagætæ Turcæq; vastas sylvas occupant, alunturq; venando. Quod Plinius reperit lib. sexto, cap. septimo, Thullagætæ & Turcæ, à quibus hodie, qui latè in Asia imperitant, Turci orti quibusdam iudicantur. Eustathius Dionsysij Poëtæ interpres, aliam originem eorum commemorat: Post Scythas, inquit, eos qui mari Cronio vicini Caspium accolunt, Vnni sunt, quos Simocatus historiarum conditor à Persis vocari Turcos existimat, ad Orientem vernū spectantes. Ob id magis probandos censet, qui scribunt Vnnos sine th, quàm qui illos populos Thunnos vocant. Ptolomæus inter Sarmatas Asiaticos supra Caspias portas Tuscos ponit, qui iidem videntur cum Turcis. Neoterici omnes hanc sequuti opinio nem, illinc prodiiisse Turcos commemorant. Antisthes ille Frisingensis Otho, diui Leopoldi filius, libro quinto Annalium suorum, à Caspiis portis egres sos Turcos scribit, Anno humanæ redemptionis

septingentesimo quinquagesimo nono, & circiter: ac cum Auaribus populis ( qui hodie Hungari dicuntur ) multis profligatis conflixisse, Pipino apud Francos regnante patre Caroli Magni. Martinus Segonius Nouomontanus ex quorundam opinione scribit Turcos ex Caucasii portis egressos, primum finitimas gentes, et in iis Armenios inuasisse. Inde Minorem Asiam ab iis armis occupatam, anno à mundi origine tertio & sexagesimo super noningentesimum ac quinquies millesimum. Anno vero salutis octingentesimo quadragesimo quarto, quum Byzantij imperaret Constantinus Quintus, Leonis Tertij filius, Stephano Tertio Pontifice Maximo. Platyna scribit Turcos meliores sedes postulasse, ac primo Alanos, mox Colchos & Armenios, inde Minoris Asiæ populos, postremo Persas & Saracenos vicisse & oppressisse, Anno Christi septingentesimo, quinquagesimo quinto. Sunt etiam, ut subiungit, qui hos fuisse Scythas scribant, ex iis præsertim, quos Alexander Macedonum rex intra Hyperboreos montes ferreis repagulis clausit: hac metaphora usi, quòd gentem indomitam, in angulum illum, tanquam in ergastulum conclusisset.

Inter Græcos autores Scilix, qui historiam Constantinopolitanam adidit, hæc de Turcis scripta reliquit, quæ cum prioribus conueniunt. Turcorum, inquit, genus Vnnicum est, circa Caucasum montem gens maxima atque libera. Quum Saraceni latè dominarentur in Asia, atque inter se dissiderent. Mauginet Princeps Persidis & Moediæ, contra Imbraclensem Saracenum Babyloniam principem auxilia Turcorum accersuit. Illi, duce Mucaleth victoria potiori, ad Imperium Persis aspirare cœperunt: præsidiaque in Ara

## DE TVRCORVM ORIGINE.

in Araxis ponte constituta à Saracenis, ne Scythæ transirent in Persiam, dum amouere conarentur, prohibiti manu valida pro domo, Duce Strangolipe, contra exercitū Mauginet veniūt, ac tandem potitur totius Persiæ: Stragolix Sultanus efficitur, ruptisque Caucaſi claustris, Turcos alios euocat, vicinisque bellum suscitāt. Babylonem Pissasirio rege superato in potestatem redigit. Contra Carbassen Arabiæ Principem bellum primum per Cuelman legatum, deinde per Asan fratris filium infeliciter gessit, amissis copiis ac profligatis. Verum hi atque alij huius nationis insurgentes, totam Asiam occupare, atque cum Saracenis de vna lege conuenire, quum prius, vti reliqui Scythæ, idola colerent. Insequentibus deinde temporibus, diuersi ex iis duces ac Principes loca diuersa cepere. Solimannus Niceam vsque ad Hellespontum & Tarsum Ciliciæ occupauit. Qui in prima expeditione Hierosolymitana expulsus à nostris cum tota familia fuit. Ducath Damascum, omnemque regionem Decapoleos subegit. Assungur Alapiam, quam nunc Alepum dicunt, olim Epiphania dicta. Anexianus Antiochiam cum modicis finibus. Nam vsque Laodiceam Syriæ Colipha Ægypti è gente Saracenicò possidebat regiones. Post annos deinceps circiter octuaginta, regnante apud Hierosolymas ex nostris Almerico, Syracinus Notandini Damasceni Principis Dux, simulatione ferendi auxiliij Caliphæ Ægyptio, qui tunc à nostris oppugnabatur, eum obtruncauit, Soldanumque se primum Ægypti constituit. Huius Saladinus successor Hierosolymæ Syriæque regnum nostris expulsis in potestatem recepit. Processuque temporis, & ipsi Saracenicum nomen ex Turcis, quòd inter Arabes versarentur

## IO. CVSPINIANI

vsque in hodiernum diē accepere, perpetuāq; postmodum lege sanxere, ne quis Turcus aut in secta Mahometana natus, Sultanus esset, sed aut Christianus fidei desertor, aut alterius nationis captiuus ac seruus.

Zonaras, qui Ioan. Monachus dicitur, in Græcis Imperatoribus de origine Turcorum scribens, tradit eos tenuissimis primordiis & obscuris planè, septingentesimo ab hinc anno ex Caspiis mōtibus natali solo relicto, in Persidem & Minorem Asiam primum impetum fecisse, vagosq; latrocinautes magis quàm belligerantes prouincias vastasse: prima stipendia Basilio Macedone imperante, sub Muchumetio Saracenorum Principe meruisse, quorum opera Babylonios, Indosque ille vicerit. Sed peperit iis virtus inuidiam, prohibitiq; ad sua redire, indignati primo secedunt. Inde vno alteroq; prælio Tangrolipicis Mucaleti Ducis eorum auspiciis foeliciter aduersus Saracenos gesto, tandem egregiè vincunt, Muchumetiumq; profligatū acie obtruncant. Ex quo res Turcica ad Tangrolipicem delata. Is aliis Turcis ad se accersitis, Cucumetium nepotem aduersus Arabas cum paratissimis copiis misit. Qui prælio ab iis victus, cum à patruo per summum contemptum exceptus esset, eius iracundiam veritus, ab illo deficit, & Pasara Chorasmiarum vrbe munitissima sese inclussit. Tangrolipix interea prælio genti funestissimo in Mœdiæ finibus cum Romanis, Asani alterius nepotis ductu, conflixit. Quo victo & caeso indignatus Aleimum fratrem iterum in Romanos misit. Qui egregiam victoriam, capto Liparite Græcorum Duce, & cæsis etiam Iberis Romanorum sociis, retulit. Sed cū Liparitem primum, mox & dona à Principe missa facile

## DE TVRCORVM ORIGINE.

cile Turcus reddidisset, nec præstarent Romani quod promiserant, ingentibus copiis accinctus Tangrolix, Asiam omnem ad Euxinum mare, aut vastat, aut subigit. Variatum deinde in gente factionibus exortis, ad Gallos usque memorabilem illam expeditionem, qua Franci ab iis sæpius magna etiam imperij parte mulctati sunt, donec Othomannus veterem gentis gloriam asserere ausus est.

Pius Senensis in Asia sua, & in libro, quo quæ sub Friderico Tertio gesta sunt, continentur, cui titulus est Europa, errore eos teneri magno docet, qui Turcos Teucros nominant, quod Troiam possident, quorum origo ex Creta commemoratur: cum Turcorum gens Barbara sit ac Scythica. Citatur ab eo Hetichus Philosophus (nescio quis) qui tradit Turcos in Asiatica Scythia ultra Perichios montes & Taracitas insulas contra Aquilonis vbera, id est, ad Septentrionalem Oceanum sedes patrias habuisse: Quæ gens sit truculenta, ignominiosa, & in cunctis stupris ac lupanaribus fornicaria. Comedens quæ cæteri abominentur, iumentorum, luporum, & vulturum carnes, vixque abortiuus hominum abstinet. Diem festum nullum colit, nisi mense Augusto Saturnalia. Rom. Imperium audiuit magis quam sensit, quamvis Octauiano Augusto in auro littorio censum dederit: Et id quidem sponte. Nam cum vicinas undique regiones annua illi tributa reddere animaduertisset, nouum dierum ac temporum exortum esse Deum arbitrata, munera illi quotannis misit. Exin Pontum Cappadociamque transgressa, ad reliquas finitimas gentes sensim illapsa est, more latronum clandestinis excursionibus vires sibi vendicans, occupatis moribus et claustris opportunis, unde facile irruptiones fieri possent, usque adeo emerfit ac sublata est animis, ut palam

# IO. CVSPINIANI

tam & pari Marte aduersum finitimos de agri possessione certaret. Denique tempore succedenti, non solum Pontum & Cappadociam, verum etiam Galatiam, Bythiniam, Pamphyliam, Pisidiam, vtramque Phrygiam, Cilices, Cares, & eam Asiam quæ Minor vocatur, ad oras vsque Ionij & littora Græci maris occupauerit.

600. Nicolaus Euboicus Sagundinus, qui ab alijs Secundinus dicitur, vir Græce ac Latine peritissimus, qui Florentiæ sub Eugenio Quarto, vbi Græcorum causa concilium agebatur, eruditissime disputationes Græcorum interpretabatur, ac illustre nomen fidi interpretis consequutus est. Ad Æneam Syluium Senensem tum præfulem libellum scripsit tersissimum, de origine & familia Othomannorum. In quo disserit Turcorum gentem ab annis sexcentis & supra, è Scythiis, qui trans Tanaim Asiam versus, nulla stabili sede, nullis vrbibus, nullis certis ac perpetuis domiciliis campos patentes, vage passimque coluere, originem traxisse, & tanquam riuulum quendam è fonte inde emanasse. Argumētum autem affert, quod primo Pontum & Cappadociam transgressi, ad reliquas inde finitimas partes sensim illapsi sunt. Accedit vitæ morumque similitudo, habitus, cultus corporis, equitandi sagittandi que ratio, & omnino rei militaris communis quædam & patria disciplina. Et quod sine vlla dubitatione cuiquam probari possit, linguæ ipsius ac vsus loquendi cognatio. Hi parua manu primo latronum more clandestinis quibusdam excursionibus ac insultibus, vires sibi vindicare conati sunt. Confluentēque subinde (vt fit) huiuscemodi generis hominum multitudine, occupatis opportunis quibusdam montibus claustrisque, vnde per occasiones



## DE TVRCORVM ORIGINE.

casiones facile irruptiones fieri possent, usque adeo emerferunt ac sublatis sunt animis, ut palam iam & pari Marte aduersum finitimos de agri possessione certare non vererentur. Denique procedente tempore, siue negligentia Græcorum (quorum de re agebatur) siue fatali quadam necessitate & rerum varietate humanarum, siue permissu cœlestium aliter iam de huiusmodi imperio perscribentium, ob Christianorum crimina hæc crudelia posteris flagella missa sunt: ac ita celeri succrevere cursu, ut opinione omnium citius non modo Pontum & Capadociam, verum etiam Galatiam, Bithyniam, Pamphylia, Pisidiam, utranque Phrygiam, Cilices, Cares, & eam Asiam, quæ Minor vocatur ad oras usque Ionice & littora Græci maris occuparint, & in suam potestatem redegerint. Variis Ducibus vsque ut deinceps ostendemus.

Antonius Sabellicus sibi obtigisse narrat Nicolaum Calchocondilæ grauissimum auctorem, qui res Turcorum à prima origine ad nostra tempora usque, decem voluminibus cōplexus est. Arbitraturque neminem veterum scriptorum demonstrasse, qui olim fuerint Turci, aut ubi terrarum egerint, ut ne nomen quidam sit ab ullo vetustiorum literarum monimentis traditum. Præter Pomponium, qui inter Scythicas gentes Turcas posuit. Cæterum siue in voce mutatio facta sit, siue omnino gens diuersa fuerit, communis omnium cōsensu, hi, quorum opes hodie longe lateque patent ac pollent, Turci nominantur, non Turce, ut omnes Græci & Latini auctores eos appellant. Verum de iis non unus est sermo. Ipsi de se ita prædicant, ut suæ gentis auctores ex Caspiis montibus à finitimis pulsi, in Persidæ et minorem Asiam descenderint.

## IO. CVSPINIANI

Nec prius cœpisse apud eos Regiam familiam, q̄ sint ex Scythia profecti, quum antea sine duce, sine legibus viuerent, vagi dispalatiq̄, tantum præda & rapto viuentes. Inde, vt sunt humanarum rerum vi ces, ex cuiusdam Othomanni successu celebrari fa miliam vnā contigisse: Ex qua Reges creari con fucuerint. Idque ita accidisse memorant, vt tres nu mero fratres, in ampla & regia fortuna à patre reli cti, quum vicissim imperitate cœpissent, siue pudo re impediēte siue metu, quia partū tutum esset non cedere ætati, duo minores natu Aleus & Otho mannus, regno maiori fratre relicto, ac domo vter que cum sua manu profecti, hic Cappadociam & Galatiam, & Bithyniam occuparit, ille Caraman niam, Lycaoniam, & eas terras, quæ Tauro monti adiacent. Et hæc Turci de se memorant, quibus se Scythas esse fatentur.

Calchocondiles autem, qui plura de Turcorū rebus scripsisse à Sabellico memoratur, quā La tinorum aut Græcorum quisquam: Multi, inquit, Turcorum linguam & mores sequuti, Scythas eos autumant, qui ex Thanaide sint profecti, Parthis latè imperantibus, Persarum terram, Medorum & Assyriorum inuasere. Postquā verò in Asiam pro gressi sunt, fuerunt (ait) qui Parthorum progeniem existimarent: Parthi enim & ipsi à Scythis orti.

Alq̄ (nomen fortassis sequuti) à Turce Persarum vrbe magna & opulenta eam gentem ortam cre diderunt.

Dandalus Venetus, scriptor Annalium, histo riæ sacræ non ignarus, opinionī proximæ astipulari videtur. Is quendam Bolzothemum prodidit, Orientis Regem potentissimum, cum Romano (id enim



## DE TVRCORVM ORIGINE.

enim nomen illi fuit) Constantinopolitano Imperatore acrem pugnam depugnasse, Romanumq; post maximam suorum stragem fufum porroq; fugatū, Aſiam à victore hoſte cum tota Syria ſubaſtam. Quibus Prouinciis victor Barbarus quatuor velut compedes iniecerit. Quippe, qui Solymanno nepoti ſuo Turciam obtinendam dederit, inter Perſidem & imperij fines, & de Turcia ſiue Turcæ. Hæc ille. Cætera loca, quæ præſidiis ſunt ab eo firmata, Damascus, Antiochia, & Alapia.

Turcorum, inquit Ioannes Baptiſta Egnatius Venetus, tenuiſſima memorantur primordia, & væ cæterarum gentium planè obſcura. Caſpij maris ac colæ fuerūt, qui ſeptingentimum ab hinc annum natali ſolo relicto, in Perſidem atque Aſiam Minorem primum impetum fecere. Sed nec vnus Dux illis, nec certum imperium. Vagi, diſpalatiq; quouæ cuique ſors affuit, latrocinautes magis quàm beligerantes Prouincias vaſtarunt. Prima ſtipendia Baſilio Macedone imperante, ſub Muchumetio Sarracenorum principe meruere, quorum præcipue ſæpe inter eos factionibus exortis ad Gallorum vſque memorabilem illam expeditionem, qua fracti ab his ſæpius, magna etiam Imperij parte mulctati ſunt, donec Othomannus veterem gentis gloriam aſſerere auſus eſt. Is obſcuro loco & parentibus agrariis natus, virtute ac calliditate ſingulari, conflata per ſeditionem manu, circumferre Turcica cepit arma, in ſuæ gentis homines non minus infeſtus, quàm in noſtros.

Othomannus igitur his auſpiciis intra octo & viginti annos, quibus rerum potitus eſt, incredibile dictu

# IO. CVSPINIANI

dictu quantum rem suam auxerit. Magnam certē  
 Bithyniæ partem breui subegit, oppidaq; ad Euxia-  
 num posita, non pauca cepit. Qui moriens Orcha-  
 ni filio regnum per manus tradidit. Hic Prusiam  
 Græcis ademit, primusque in Europam traiecit.  
 Tandem post vigesimum secundū Imperij annū,  
 Amurathem filium hæredem reliquit. Is auitam  
 paternamq; felicitatem æmulatus, in Bulgaros mo-  
 uit, Hellepontū ad Abydum superat, Callinopo-  
 linq; cum aliis oppidis occupat. Seruiam, Bulga-  
 riamq; ingressus, quum Adrianopolim prius occu-  
 passet, occurrentes sibi cū paratissimis copiis hostes  
 ingenti cæde profligat, Lazaro Seruiæ principe in  
 acie cæso, sed mox à seruo domini in vindictam A-  
 murathes occiditur, quum annos vigintitres im-  
 perium tenuisset, Bajazethe & Solimanno filiis su-  
 perstitibus. Bajazethes, interfecto per insidias fra-  
 tre, magnam Bulgariæ partem sibi subiecit. Bosse-  
 nam, Croatiam, vltioresq; Illyrici partes vastat.  
 Tandem Mahometes rem Turcarū occupat, qui  
 Bulgaros & Vlachos præliis & cladibus afflixit.  
 Adrianopoliq; recepta, regiam ibi sedē statuit, ipso  
 post annos septem & decē mortuo, Amurathes fi-  
 lius regnū init. Prima illi expeditio in Mysorū prin-  
 cipem, qui nunc Serui dicuntur, fuit, de quibus Scopi-  
 am & Nouemontū cepit. In Vlachos, Hungaros,  
 & Germanos incursiones graues fecit. Tandē Ma-  
 homete filio curarerū demandata, quum annos qua-  
 tuor & triginta regnasset, in cerore animi obiit. Læ-  
 gum esset, si Mahometis eius filij res gestas explicē  
 Quæ quātæ fuerint, nouum Othomannicę familiæ  
 magni cognomētum ab eo quæsitū, & in hæredes  
 iam transmissum arguat. Is enim duo Christianorū  
 imperia,

## DE TVRCORVM ORIGINE.

Imperia, Constantinopolitanū & Trapezuntium  
 subuertit, regna duodecim nobis ademit, &c. Hic  
 quum annis præfuiſſet vnū & triginta, obiit Anno  
 ſalutis noſtræ M. cccc. lxxxi. quinto Nonas Maij.  
 Quo mortuo, Bajazethes regnum obtinuit, qui  
 Vlachix caſtella quædam expugnarit, in Sultanum  
 Ægyptium copias eduxit, à quo ſæpe victi Turci,  
 tandem pacem, fœdusq; iniere. Hic ex quo annos  
 fermè triginta imperaſſet, à Zelymo filio, regno pel  
 litur. Hucusque Egnatium ſequutus ſum. Hic Ze  
 lymus paratiſſimis copiis aduerſus Perſarū regem  
 Iſmaëlem venit, caſo in acie Duce Perſarum, ma  
 gnā Perſiæ partem in deſolationem dedit. De in  
 de Syriam ſubegit, ac Sultanū vita exuit, Ægyptū  
 que imperata facere cōggit. Quod factum eſt anno  
 ſalutis noſtræ M. D. decimoſexto. Quum porrò &  
 hic diem obiiſſet, Solimānus filius eius regnare cœ  
 pit pro eo. Qui anno à nato Chriſto M. D. vigēſi  
 mo primo Albam Græcam Hungariæ ciuitatem,  
 cepit. Rhodum Inſulam, Anno ſalutis M. D. vige  
 ſimotertio in deditiōē recepit. Ludouicum Hun  
 garix regem, in acie cæſum interemit, Anno Mil  
 leſimo Quingentēſimo vigēſimoſexto. Budam Hun  
 garix ciuitatem non tam cepit, quā vāſtauit, atq;  
 adeò nihil in ea immanitatis ſuæ reliquit liberum.  
 Viennam Auſtriæ obſedit, ſed fruſtra. Quum ſe  
 cundo hoc idem tentaret, à Carolo quinto Roma  
 norum Imperatore facile retrocedere coactus eſt.  
 Occurrens enim ei Cæſar exquisitiſſimis Germa  
 norum copiis, omnem facile Turcicam vim repres  
 ſit, Cæſa ſunt paſſim Turcorum quinquaginta mil  
 lia. Si deus nos respiciat, facile recuperabimus Aſi  
 am, facile Turcos proſtigabimus.

1481.

1527.

Non

## DE TVRCORVM ORIGINE.

Non enim in finem hæreditatem suam relinquet Deus, qui est benedictus in sæcula.

Non defuerunt præterea, qui Turcos ex Arabia, quique ex Syria ortos arbitrantur. Verum quæcunque illis origo est, ex Scythia utique est: & ut quidam adiiciunt, ex Europeis Scythis, qui præ cæteris ad Orientem vergunt, sedesque circa Tanaim habent. Cuius causa inde profecti sint, non facile apud auctores inuenitur. Hoc satis constat, paruum fuisse ab initio manum ac turbam pastorem, quæ alia atque alia appetendo, in Persas & Medos processerit: adeo interim obscura fama, ut eo bello, quod Heraclius Princeps in Cosdroem Parthorum Regem gessit, quum Hierosolymam (quæ semper hæcenus sub Romano Imperio fuerat) caperet, vix sit eorum nomen auditum. Inde gentis opibus circa Persidem auctis, Saracenos ad eam desperationem deduxere, ut Mahometi fide ab his recepta, passi sint eos in Perside regnare. Ut nescias, vtra gens maiorem fecerit iacturam, qui tanto regno cesserint, an qui eam sibi pestem inculcari passi sunt regnandi cupiditate. Vnius itaque fidei vinculum ita vtrunque gentem copulauit, ut Saraceni pro Turcis, & contra Turci pro Saracenis indiscreta appellatione aliquandiu vocati sint. Nunc Turcorum nomen adeo inualuit, altero penè aboleto. Creuerunt inde plus nimio gentis opes, innumeris populis aliis post alios subactis, usque ad Othomanni tempus, ob Christianorum discordiam. Et hæc de  
Turcorum origine  
fatis.

# VATICINIA DE REPARANDA

Constantinopoli, & delendis Turcis  
in Europa.

**N**on diu ante occupatam à Turcis Cōstantino- *notu cap.*  
polim fuisse legi monachū quendam, nō longe  
ab vrbe Cōstantinopoli, & eum vaticinatū, potitū  
ros quidē Turcas Cōstātinopoli, & euerfuros re-  
gnū Græcorū, verū statim post annos. 80. amissū  
ros esse Cōstantinopolim iterū, & delēdos Turcas  
in Europa. Id vero tēpus iam in proximo anno cō-  
pletū est, ex q̄ Cōstātinopolim Turcē ceperunt.

Quin & peritissimus quidam Astrologus apud  
Neapolitanos, Laurētius Miniātensis, Pontani prę-  
ceptor, ante annos. 60. in 3. libro suo hos versus scri-  
psit, de Iouis & Saturni coniūctione in Cācro, quā  
ille futurā dicit, & fuit anno exacto M. D. quarto.  
Illa autem nostris iam iam ventura sub annis  
Est melior, nostræ legis vix pauca refringet.

Aspera quę nimium sacris & dura ferendis.  
Et genus omne mali tollet, pompasq; sacrorum  
Ac regem dabit innocuum, qui terminet orbem  
Et reget imperio populos, gentemq; rebellem  
Imperio subdet, toti & dominabitur orbi.

Obseruatione dignissimi sunt hi versus, & ego  
ob gloriam clarissimi Cæsaris eos nolui prætermi-  
tere. Etenim quę laus esse eminentior potest in Cæ-  
sare, q̄ quod vocat eum, regem innocuum, quemad-  
modum & à Lichtebergio honestissime dictū est:  
Pudicus facie regnabit vbiq;.

Magdeburgi iam ante annos. 100. Latina Chro-  
nica scripta reperiuntur, in quibus hæc verba sunt;  
Ex sanguine Caroli Cæsaris & regū Gallix impe-  
rator orietur Carolus dictus, dominabitur is in to-  
ta Europa, per quem & ecclesiæ collapsus status re-  
formabitur, & vetus Imperij gloria restituetur.

Nam

# VATICINI A.

Nam veniet populus, qui dicetur populus sine capite, & tūc vix sacerdotibus, nauicula Petri vim patietur ingentē, sed conquiescent tandē fluctus, & fruetur victoria. Imminent horribiles mutationes omnium regnorū, & monachorum æstimatio peribit. Bestia Occidentis, & Leo Orientis dominabuntur in toto mundo, & perambulabūt Christiani in securitate annos quindecim Assam, postea vero horribilia de Antichristo audientur.

Abbas Ioachim in fine Jeremiæ loquitur: Veni et aquila grandis, quæ vincet omnes præter vnum, qui tandem contemptus, à populo relinquetur.

Item & aliud vaticinium reperio quod minime obscurum est: Excitabitur Cæsar, perinde ac homo dulci sopore correptus, è somno, hic reputabitur ab hominibus veluti mortuus, & ascendet super mare magnum, & inuadet Turcos, ac vincet eos, vxores & liberos eorum ducet captiuos. Ingens metus, & terror magnus obruent Turcos, mulieres & pueri eorum lamentabūtur, & querelas effundent, omnis terra Turcorum tradetur in manus Romani Cæsaris. Audiui ex Lustano quodā, Astrologum quemdam dixisse Ferdinando Cæsaris nostri proauo, ab Hispaniarū rege Turcicū imperium domandū ac euertendum esse, & hunc ipsum regem interpretatum esse de Ferdinando, sed respondisse Ferdinandum: Se id non esse facturum, sed hæredes suos posteris. Alia quæ præterea restant indicia, ea nunc prætermitto. Deus misericordiarum pater

largiatur Christiano orbi gratiam &  
victoriam propter gloriam  
nominis sui,  
Amen.

MAHOMETES  
DE MAHOMETE SARACENO.  
rum Phylarcho & Pseudopropheta.

**S**ED priusquam Othomannorum familiam, & quot inde ordine prodierint reges, quos vulgus Turcorum Cæsares appellat, ipsi patria lingua eos Amyras appellant, exequar, operæ precium duxi Mahometis Pseudoprophetæ vitam, qui autor seducendæ plebis extitit, paucis prælibare : vt intelligent omnes, quàm fatua fuerit tam latè iam patientis insanix origo, quàm turpis Christianorum Principum socordia, qui nascentem flammam, vel amphora aquæ extinguere poterant. Omnis enim impietatis hic & superstitionis Princeps, hoc humano generi malum ac seminarium, errore inextricabili, peperit. Mahometes Cyrenæicus, quæ patria Græce vocat Moniosthenen: licet quidam Arabæ, quidam Persæ scribant. Est autem natus anno nostræ salutis quinquagesimo nonagesimo septimo, aut octauo & circiter. Notæ enim numerorum in Chronicis variantur & errorem inducunt: Mauritio imperante, & Gregorio sedente. Sed veluti Propheta claruit, Anno humanæ redemptionis sexingentesimo vigesimo tertio, circiter Heraclij Imperatoris duodecimo, expeditionis Persicæ sexto, cū Cosdroen Regem deuicisset. Homo nouus alioqui, humili ac obscuro genere ( vt refert Guilelmus Laceranensis Bibliothecarius ) nulla parentū claritudine cognitus, nullis opibus, solus prorsus & nullarū virtutum, nullorūq; neruorū, locoq; sordido. Dicunt quidam ei fuisse patrem malorū dæmonū cultorē, matrem Ismahelitam, & ob id Hebraicæ legis non ignorā. Vnde & puer distractus ambiguusq; effectus dum pater suā, mater alterā illi legē ingerit ac inculcat, neutrā sanè amplectatur. Vtroq; igitur imbutus

597.

623.



## IO. CVSPINIANI

cultu puer, neutrū adultus recepit. Quin homo postea callidus atq; ingenio vaser, inter Christianæ pietatis viros diutissime versatus, rē perniciosā humani generi ( vt inferius scribemus ) ex duabus locigibus est cōmentus. Is puer parentes amisit utrosq; puerilibus annis: captus à Saracenis, qui insignes habentur inter Arabas latrociniis. Abdemonapli mercatori Ismahelitici generis viro claro & pecunioso veditus est. Qui eū primum, quoniā carebat liberis, ob formam & ingeniū liberalius tractabat. Quare factum est, vt Abdemonaplis filius passim diceretur Mahometes. Factus homo, versutus, rapax, impurus, omni sceleri obnoxius, simulator & dissimulatur callidus, mercimoniis ac negociis præficitur. Camelos agebat per Ægyptum, Syriam, Palestinā, perq; alios peregrinos locos. Quibus itineribus iterum atq; iterum repetitis, vsus sæpenumero tum Iudeorum consuetudine, tum Christianorum, non tã discere quã deprauare studuit, & vetus et nouum sacrarum scripturarum instrumentum, cum esset à parētibus diuersas edoctus sectas, vt diximus: Acumen enim ingenij si animum facinorosum occupauerit, peiora omnia faciet. Tum animum adiecit suaraci quæstui, ac dominum fallere ( quod est seruorū propriū ) studuit. Ob id cum & domino suspectus & cæteris inuisus esset, ex obscuro seruo prodiit insignem latronem. Cōtinuisq; furtis ac spoliis insignior factus, indies scelerū participes socios plures & innumeros breui temporis curriculo cōparauit. Hæc iuuabāt præterea, aspectus trux, & vox terribilis, corpusq; gladiatorio robore metuendum. Sic itaq; in admiratione paulatim barbarę gētis veniēs, autoritatē sibi haud mediocrē comparauit: adeo, vt hero suo sine liberis defuncto, viduam Ismahelitici generis



generis Gardigenam, quinquagenariā ( à qua educatus erat & nutritus ) locupletem admodū vxorē ducit, suuenis potens pollensq; carmine. Nam magiæ vanitati plurimum erat deditus. Atq; hæc illū sibi, incantationibus pellecta, maritū deligit. Vxoris opibus elatus homo furcifer, adimmanissima quæq; flagitia animū adiecit, suo deprauato ingenio alioqui ad audaciā oēm prōptus ac paratus. *Auxit* fo. 64. autem hominis temeritatē Sergij monachi flagitiosissimi perfidia, vt breuī apud Arabas omnes in tantam veniret existimationem, cum nunc se Hebræū, nunc Christianum simularet, cum tamen nihil omnino sani saperet. Vt maximus Dei nuncius, maximusq; Propheta passim vocaretur & crederetur. Is autem Sergius monachus Nestorianus Hæresarcha, qui Acephalorum hæresim instaurauit, è Constantinopoli eiectus, in Arabiā profugit, domumq; Abdemonaplis Ismahelitæ dum viueret, frequenta- uit. Demum in Mahometis familiaritatem perueniens, malus magister & turpissimo et nefandissimo discipulo facile coniungebatur: Malū enim malo additū symbolum facit. Erat hic dicax, multiloquus, audax, temerarius, insolens, versutus: In omnibus planè cum Mahomete conuenerat.

Noluit religioni cui erat addictus inservire (nā nullius dignationis inter suos erat, præsentemq; vitæ statum pertaxus libere euagabatur) sed erupit apostata reiecto cucullo è monasterio, & comparem morum suorum Mahometem, & qui tamen potens esset, & opem ferre posset, cuius iam nomen celebre esse cœperat, tandem scelerum sentinā homo trans- fugareperit. Quem edocuit malus magister Nestorianam insaniam, Christianosq; sacerdotes expellere Damasco, Syria, Arabia paulatim omni persuasit:

# IO. CVSPINIANI

Iudaicam corrumpens legem, Christianam inficiens. Dicit vix potest quot vafriciis miserā plebem perfidissimus hic apostata seduxerit. Lussit nostra ætate vir Germanus, Græce, Hebraice, Romanèq; haud triuialiter eruditus, Ioannes Capnion Phorcæsis carmine Iambico comoediā, qua & cū veteribus posset de eruditōe cōtendere, cui nomē est Sergius: qua monachi istius perditissimi mores explicant. Cæterū Mahometes, à præceptore pessimo flagitia quæq; edoctus, quū ex victus intemperantia, cōtinuāq; ebrietate morbū comitialē (quē epilepsiam medici vocant) incideret frequētius, vxore hāc egritudinem egreferente, quo se ea infamia homo veterator liberaret, Gabrielis, nunciū Dei splendorem, à quo secretiora in ecstasi possit hauriat, sese ferre nimis posse mentitur, morbūq; esse dissimulat: Desine, inquit, mirari charissima vxor, hoc mihi ex Despsus spiritu me corripiente prouenit, qui mihi futura suggerit, ac commentandi gratia crebro ad me vētitat. Diuulgatur fama, ac Propheta vulgo acclamatur: quā noua arte, nouoq; dolo, ductu præceptoris sui Sergij auxit. Columbā enim (quam spiritum sanctū callidissimus deceptor vocabat) assuefecit in aure sua pasci. Hāc sibi secretissima Dei cōsilia nūciare iactitabat mēdacissimus nebulo, quoties ad aures pro nutrimento auis simplex volabat. Forte hūc dōlū à Q. Sertorio didicit, qui ceruā circumduxit, vt milites falleret, quemadmodū historiæ Romanæ prodiderūt. Defuncta itaq; cōiuge, & hæres institutus, opibus auctus, autoritate magna quotidie crescebat. Legē igitur nouā condere cum suo magistro Sergio ac sociis quibusdam Iudæis, potissimū quodā Baheira cœpit, partim ab Hebræis. partim à Christianis quēdā mutuando. Volumineq; quodā

sectæ

sectæ illius nouæ leges omnes conscripsit, cui nomē est Alcoranus. Is liber tempore Sigisimundi Cæsaris in concilio Constantiensi à Ioanne Hispano Segobienſi summo Theologo, qui ab Amedeo Cardinalatus insignia accepit, in Latinum est versus idioma, deliramētāq; eius libri viuis rationibus ab eo sunt explosa. Recordatus autē Theologus, vir non cōtemnendæ insuper doctrinæ Florētinus, ordinis prædicatorū, oia erudite refutauit peculiari opere, quod ex Arabica lingua, quā in Asia dum peregrinaretur edidicit, in Latinā vertit. Quod quidem cōmentarium rursus Demetrius Cydomus in Græcā linguā tranſtulit. De hoc Alcorano paulō inferius plura cū de religione Turcorum loquemur. Vt autem gentē ventri ac somno deditā, homo subdoluſ quibus posset versutiis ac pestiferis cogitatibus falleret, taurum quendam nutriuit, qui consueuit ē manibus solius Mahometis pabulū suscipere. Huic intra cornua librum hunc colligauit, & astante plebe misera ac simplici, altiore quadam voce ex abdito euocauit. Cū igitur iā multa de his legibus diuinis homo loquaciſſimus declamasset, erupit insperato taurus, multos in itinere prosternens, volumēq; illud (quod Alcoranum vocauit) intra cornua ferens, per mediāq; iruens plebem, in manus Mahometis (cui soli pepercit) tanq̃ nutritoris deponit, veluti cœlitus miſſum munus. Quod nebulo ille summo cū honore accepit, quēdāq; ex eo mox populo interpretatus est. Hoc cōmento se Regē, Sergiū Propheetam fecit. Colūba enī literis aureis schedā sic inscriptā attulit in collo suo: Quicunq; tauro iugū imponet, Rex esto. Sergius igitur iugū afferēs, Mahometi detulit, qui tauro imposuit facile, & mox Rex à stulta plebe vocatus, diuino munere hæc facta indi-

# IO. CVSPINIANI

cante, ac volumē illud assumente. In hoc præcipitur circūcisio ob nullā religionē, neq; ob piaculum criminum originaliū (quæ nulla arbitrat) sed ob meram superstitionē: Vel vt aliqui dicunt, cum se lauāt Turci, ne quid maneat sordis sub præputio. Tū abstinentia carnis præcipuē & vini, quo facilius celaret suspicionē illius morbi, q̄ se vino obrutū iam pridem corripuisset. Vinū enim intēperantius sumptū meatus cerebri ne respiratio fiat obturādo, gignit foetq; epilepsiā. Caro itē porcina crassos gignit humores, q̄bus facile cerebrū oppilatur, et plures hinc morbi nascunt. Ieiuniū etiam præcipit mēsis vnus continui, quo tamen nocte tota vesci licet, vt diurna abstinentia lōga crapula cōpensetur. Statuit insuper quo ab Hebræis Christianisq; lex sua dissentiret, Veneris diē sacrum q̄ in hac rex esset factus, & quod cū nulla alia secta sentiret. Et ex hac pariter causa, soli Turci contra aliarū gentiū ritū ad meridiem conuersi, Deo supplicāt. Vxores præterea statuit quatuor de cognatione propria singulis. Cōcubinas autē tot & seruas emptitias, quot pro facultatibus habere liceret, repudio atq; diuortio semp̄ admissio: quo facilius rudē ac imperitum populum ad se traheret. Zelotypi adulteras capite plectūt. Mancipiis pro libidine vtunt. Docuit insuper voluptates corporis futuræ foelicitati minime officere, cum legē suā seruātibus promitteret delitiarū ortū Paradisum, quo optatissimis fruituri essent delitiis, et oīs generis voluptatibus. Puellis vestes ornatas & angelorū amplexus, cæteris quas quisque expetere posset carnis voluptates. Qua versutia mollē suapte natura populum, quod voluit, traduxit, cū omne genus libidinis ac voluptatis promitteret. Hebræos incusauit, qui Christū ex virgine natū inficiarētur, quādo id Prophetæ

phetæ viri sanctimonia præcipui, & spiritu afflati diuino præcinuissent, expectandūq; ante lōge præfagissent. Christianos vero stultitiæ coarguebat, q̃ Iesum crederent ex virgine natum, Dei amicissimū opprobria et cruciatum à Iudæis perpeti sponte voluisse, cum corpus id diuino conceptum flatu, prorsus fieret impassibile: quum potius Christus cœlos ascenderit, Iudas autem loco eius crucifixus sit. Rīdendos ergo Christianos Saraceni & Turci cēsent, qui conditorium Christi religiosius obseruāt, ac venerabundi adorant. Tres insuper tantum Prophetas, quos Razales vocant, Turci admittunt: Mahometem suum legislatorem, & Moſen quem Iudæi vatem Hebræorum de aquis extractum ( vnde nomen habet ) adferunt, & Christum quem minime Deum esse putant: licet veterem legem recipiāt, & angelos admittant. Multaq; alia in hoc volumine Alcorano effinxit pseudo ille Propheta, vt malis legibus gentem suam imbueret. Ne tamen aliquis sanæ mentis quanquā his posset ire obuiam, legem tulit impiam, si quis de ea disputaturus concertaret cum mysterium tractare nefas esset, capitali poena plecteretur. Qua lege prodidia, nihil esse syncerum in toto Alcorano. Nam vltima resolutio probationis omnium quæ Alcoranus continet, est gladius. Sic cum Sergio fallacissimas scripturas Mahometes composuerat eleganti quadam cōcinnatione, & sub rithmo carmineq; quo blanditiis ad se traheret, dictamine suauī allectos, & veras scripturas adulterina interpretatiōe corripit. Licet euangelicā historiā ( quā alioq; laudabat ) ab Apostolorū disciplinis corruptā, suo Alcorano se emendaturū promitteret. Vetus testamentū laudauit, et si quibusdam in locis mendas habere assereret. Vnde & in sacris literis

# IO. GVSPINIANI

figuratur à Ioāne in Apocalypsi, bestia esse duo cornua gerens, vt latius capite tertio decimo ibidem scriptores explicāt. Christum tamen virum sanctū quidem fuisse, & omni virtute præditum supra omne humanitatis fastigium prædicabat. Et ex virginis vtero genitum, nunc verbum, nunc spiritum, nunc Dei animam vocauit. Cum Sabellianis tamē Trinitatem negauit. Cum Manicheis binarium in diuinis numerum posuit. Cum Eunomio æqualitatem Patris & Filij inficiabatur. Cum Macedonio Spiritum sanctum creaturam dixit. Cum Nicolaitis multitudinem vxorum probauit. Et vt Prophetæ conseruator haberetur vtriusque testamenti, blāditus Christianis, cum se à Sergio baptizari curaret, crebrasq; lotiones suis indiceret pro delictorū expiatione: Iudæis vero cum circuncisionē & abstinentiam carnis porcinæ institueret, cum tamen ab utroq; manifeste deficeret. Nam circuncisio quæ octaua fieri die præcipitur, in adultam protenditur ætatem. Baptismus autem quū iterari non debeat, cum spirituales immundicias tollat, quotidie ab eis repetitur. Cum ergo vtriusque testamenti se Apostolū assereret, vtriusq; fuit corruptor: Vbiq; enim inseruit corporis voluptates. Sic pessima res luxuriosa habuit incrementa, cū in ferēda lege incredibile illecebram, & omnis voluptatis volutabra suis cōcederet. cū alioqui oēs simus natura procliuiiores ad luxum. Hæc pestis ad posteros, qui vsque hodie in humanis degunt, longe lateq; serpsit. Fertur autem opera vsum Ioannis Antiocheni cuiusdam hæretici, et Astronomi cuiusdā, quos vnā adhibuit cum Sergio, cum hæc comminisceretur figmenta. Et cum Saracenorum animos, hac superstitione armatus, cū infinita Arabū multitudine sibi deuinxisset,

iam



fam non latrociniis, sed aperto Marte aduersus Ro-  
 manum imperium arma cepit. Frater enim Ptole-  
 mæus Lucensis scribit, ob tyrannidem, qua cunctis  
 Arabibus & Saracenis dominabatur, vectigaliaq;  
 indebita, tributa intoleranda imposuerat, populum  
 fecisse rebellem, & tunc Mahometem occasionem  
 adeptum plebē seducendi, & secta sua per superstitio-  
 sia inficiendi. Nam cum ex eius sectatoribus nō  
 mediocris numerus in Romanis legionibus milita-  
 ret, quo tempore Heraclius Imperator stipēdia par-  
 tiretur, muneraq; in milites distribuerentur, Sarace-  
 nis stipendium petentibus, responsum est a quæsto-  
 re, cui id negotium fuerat iniunctum, Vix est quod  
 Græco & Romano militi detur, & hæc canum  
 turba tam impudenter efflagitat stipendium. quasi  
 diceret eam distributionē canibus minime fore cō-  
 stitutam. Nam Saraceni quasi Carehaceni apud A-  
 rabes quoq; infames eo tempore habebātur: quos  
 Græci etiam obprobrii causa Agarenos, tanquam  
 ab Agare Habræ ancilla oriūdos cognominabāt.  
 Cum vetus opinio Saracenos a Sara Habræ legi-  
 tima vxore ortos putet, qui primum in Arabia Pe-  
 trea (cui Ægyptus & Iudæa inserta est) sedes habue-  
 re suas. Quam etiam ansam Mahometes amplexus  
 facillime persuasit genti vanissimæ, solos eos omni-  
 um mortalium legitimos esse diuinę promissionis  
 successores, & hæc fraude in sectam suam ascripsit.  
 Sed vt redeam ad historiam, Saraceni eo responso,  
 quo canes vocati sunt, ira accensi irritatique, ilico in  
 Arabiam ad Mahometem redeūt, ac Syriam vago  
 rumore replent, facile & illum & reliquos Sarace-  
 nos ad defectionem & beilum concitant. Scenitzæ  
 enim Arabes per ea tēpora Romanę militiæ assue-  
 ti, ob negata ab Heraclio stipendia rebelles animos

# IO. CVSPINIANI

induerant. Qui factō statim in Syria impetu, non tã  
 suis viribus q̃ nostrorũ freti negligentia, Damascũ  
 petunt infestis signis, atq; occupant: eamq; diripiunt  
 primum, ac insigne templũ Mahometi tanquã deo  
 dedicatum consecrãt, diuinosq; illi honores faciunt,  
 ac nefarium illius cultum cũ legibus accipiunt. Au-  
 cto dehinc exercitu Ægyptum ingressi, facile sunt ea  
 terra potiti, vicinorũ Arabum cõmeatu & auxiliis  
 adiuti. Exarsit deinceps incendium latius. Quia vi-  
 ctoriam redditus elatior, & successibus ferocior, vi-  
 dens nihil à Romanorũ Imperatore in vltionem il-  
 lata cõtumeliã aduersus se parari, ita dormientibus  
 Christianis, bellũ mouet aduersus finitimos Persas  
 à quibus sibi maxime metuebat. Regnabat per id  
 tempus in Persis Cosirhoës, qui etiam ipse (vt insa-  
 niebat animo) diuinos sibi honores præstari volue-  
 rat. Is cõductis Turcis, qui tributarij & tanquã ser-  
 ui Scytharũ intra Caucaßi claustra asperrimasq; cau-  
 tes incolebant, Saracenis occurrit. Concurritur vno  
 die, initur pugna ingenti & animo & apparatu.  
 Vulnerãtur vtriusque gentis multi, capiuntur, occi-  
 duntur. Superatus tandem ingenti clade Mahome-  
 tes, in fugam vertitur, deformi vulnere in faciem ex-  
 cepto, à Turcis iis, à quorum posteritate nunc ma-  
 xime colitur ac adoratur. Nam hi paulò post disso-  
 lutiore viuendi licentia pellecti, sese nefariæ eius se-  
 ctæ socios addiderunt: Quanquã semper exosos ha-  
 buissent prius Saracenos. Tum vt se Mahometicę  
 asciscerent superstitioni, hoc fuit in caussa. Iam vni-  
 uersa Aphrica parebat Saracenis, & magna ex par-  
 te Asia, quum Turci non multo supra millesimum  
 annum à natali Christiano, cœperunt aperto Marte  
 vehementius eos vrgere. Nam vbi eos diutius in  
 Asia eminere indignarẽtur, Regem creant nomine

Sabo



## MAHOMETES.

Sabochum. Qui de occupanda Asia continue cogitans, quo id facilius assequeretur, se Mahometis cultorem simulat. Idque non tam Dei quam hominum metu, quos sibi cupiebat conciliare. Itaque contestatus est illi Callipho, quem illi veluti Pontificem maximum venerabatur, se de constituta Mahometi religione nihil omnino mutaturum, ceterum nolle erubescendum Saracenorum nomen in Asia excellere. Quare breui cuncti illi Saraceni qui Arabes sunt, a Turcis efficiuntur ex Asia. Redacti itaque sane ad pristina latrocinia, quibus in hac etiam diem maxime omnium student, dissipati atque dispersi, non per locos solum asperros Aegypti, Syriae ac Palaestinae finitimos, sed per omnem Africae solitudinem pulsos profligatisque Saracenis, res Turcorum per Virogrissam, qui post Sabochi obitum regnum excepit, non mediocre ceperunt incrementum. Is enim tum reliquum Asiae quodcumque Saracenis seruierat subegit, tum per multas praecclaras vrbes, quae Romano parebant Imperio, vi expugnauit, Bythiniamque cepit. Succedit Virogrissae Archottus propinquus, qui primus subiugarat in Mesopotamia urbem amplissimam Rhobam. Deinde Seleucia ac Laodicea urbibus captis, & reliqua prouincia in deditiorem accepta, regni sedem Mendi constituit, ac regium diadema induit, estque Sultanus salutatus. Dehinc confestim, vel Turcorum diligentia, vel Christianorum negligentia, Graecis ex Asia eiectis, ad Hellespontum usque omnia subiugarunt, in Europam traicietes, ut inferius scribemus: Sic Saraceni subacti. Persae autem, ut reuertamur ad priorem historiam, cum Mahometem in fugam vertissent, nullis hortationibus minisue flecti potuerunt, ut legem reciperent, quantum summus (ut ipsi aiebant) Propheta ferret.

Vnde

Vnde Arabes Mahometi impulsu Persas bello per-  
 tierunt. Habuerunt Persæ post Cosdroen Regem  
 Syrochim, cuius regnū ne annū quidem impleuit.  
 Syrochis Adhiseri filio regnū per manus tradidit.  
 Quo breui extincto, Persæ Harimisdā sibi Regem  
 creauere. Hoc in pugna amisso, Persæ acie victi, fa-  
 cile subacti sunt. Ac tum Mahometi lege accepta,  
 non solum imperium, sed etiam nomen amiserunt: Sa-  
 raceni iam inde pro Persis appellati, & Turci con-  
 tra pro Saracenis, indiscreta appellatione aliquādiu  
 vocati. Post acceptas enim & illatas clades, cū de  
 pace tractaretur, etiam de nomine conuentum est.  
 Quoniam æquiore animo Saraceni in Asia regnare  
 Turcos passi sunt, cum Turci qui in Perside habita-  
 rent, Saraceni appellaretur. Anno salutis Dc. xxxij.  
 ex quo gēs ipsa regnare cœperat rerumq; potita est  
 in Asia, trecentesimo atq; vndetrigesimo. Nūc Tur-  
 corum nomen inualuit altero abolito, ob innume-  
 ras eius gentis opes & infinitos populos subactos.  
 Mahometes itaq; iam pluribus bellis gestis, aliis se-  
 cundis, aduersis aliis, postquam annos in suis errori-  
 bus ac sceleribus vixisset xl. veneno periit a dome-  
 sticis dato in Arabia, per Gardigenę vxoris cogna-  
 tos, & suum quendā consobrinū, quo tempore ab  
 eorū insidiis rediisset, qui cum mercatorū camelis ē  
 Syria iter faciebāt. Moriens autem prædixit se itu-  
 rum in cœlum: quod diu expectātes, tandem tetro  
 coacti odore, ferrea arca, quā sibi viuis pro monu-  
 mento extrui iussit, sepelierunt: cum homines ma-  
 gnete lapide in thplo templi extructo fallere cogi-  
 tasset, vt videlicet eius simulacrū ē ferro pendere  
 in aëre videtur. Quod & Ptolomæus Arsinoę so-  
 rori, vt ei templum extrueret concameratum de ma-  
 gnete ingeniosus Dinocrates Architectus Alexan-  
 dria

driz fufferat, teste Plinio: sed mors negotium inter-  
cepit. Regnavit autē Mahometes annis tantū sex.  
Scribuntq; nōnulli tantum annis vixisse quatuor et  
triginta, alij septem & triginta, cū natus Anno Chri-  
sti Dxcv. fertur, perierit verò xxxij. post sexcentesi-  
mum. Cum aliis (vt supra scripsimus) dicatur natus  
Dxcvij. & mortuus Dcxxxvij. vel circiter. Nume-  
rorum notę multos gignunt huiusmodi errores. Se-  
pulchrū autem eius in Meccha Persidis vrbe loca-  
tum ferrea arca inuisitur à Turcis, vt à nostris Hie-  
rosolyma ob Christi Dei Optimi Maximi monu-  
mentum. Totus Oriens hoc colit ac veneratur. Li-  
cet autem in Alcorano vita Mahometis ponatur,  
infin:is tamen mendaciis scatet. Quia vt Moyfi ac  
Christo præferret, ipsum extollere nitebatur, q; hoc  
opus composuit, quod quasi collectum interpreta-  
tur: de quo etiam inferius plura. Mahometo autē  
Caliphas successit. Cui ob nimiam superstitionem  
imperium est abrogatum, atq; eius loco alter eodē  
Dux nomine creatus. Dicunt alij Mahometo suc-  
cessisse Calipham, dehinc Achali, tum Itali, quem  
vt nimis superstitiosum occidētes, Calyphā alium  
sibi Ducem creauere. Plures itaq; Principes eius  
gentis, partito inter se exercitu, alibi alij regnarunt,  
varijs etiam nominibus appellati. Calyphi videli-  
cet Amorrhæi, Ammyrati, Meramedini, Sultani, q;  
est apud eos summa potestas. Homar enim tertius  
à Mahomete post Persas subjugatos, Hierosoly mā  
omnemq; Syriam cepit: Anno circiter sexcētesimo  
septuagesimo, Cōstantino Quarto imperante.  
Deinde Ægyptum inuasere, constituto apud eam  
Calypha. quem Syracinus Turcorum Dux interfe-  
cit: cum Turcorū vires, tum quaquā versus præua-  
lerent, Almerici regis Hierosolymorum tempore,  
Sulta

595.

670.

# IO. CVSPINIANI

Sultanusq; appellatus est, cui Saladinus successit. De  
siderāda tamen hac in parte Chronica Mahometis:  
extant quidē, sed ad me hactenus nō peruenere. Sic  
perfidissimū Mahometis seminarium longe lateq;  
pullulauit, & ad Othomannorū vsq; familiam ac  
successionem temporibus succedentibus propaga-  
tum est, subiugatis semper finitimis gentibus. De  
qua successione nunc dicemus, vt ordine rem pro-  
missam exequamur.

DE ORIGINE OTHOMANNO-  
rum, & familiæ successione, à quo deinceps  
Turcorum Reges omnes Otho-  
manni dicti sunt.

1254.

Othomānus, qui primus in ea gente hoc nomē  
tulit, vir acer à Gallatiæ loco, in quo natus est,  
Othomānus dictus fuit. Nam anno circiter Milles-  
simo, ducentesimo quinquagesimo, quatuor ē Persi-  
de familiæ, cū totidem Ducibus ac exercitibus latē  
per Asiam, perq; Europam vagati sunt, Assembec-  
ci, Candelori, Caramanni, Othomanni. Candelori  
Sinopem, regionemq; circa Pontum ceperunt. Ca-  
ramanni Ciliciam. Quorum vltimus Habraamus  
auxilium contra Othomannos, d Pio Pontifice per  
oratores petiit. Vtraq; familia à Mahometo, Otho-  
manno Cæsare Turcorū pulsa, ad opes Asambecci  
confugit: quum Caramānus inter Mahometem &  
Soldanum Ægypti dominum medius, multa bella  
cum vtroq; gessisset, locorū difficultatibus & Cili-  
ciæ gentis virtute cōfusus: odio Mahometi Christia-  
norum amicus, multa passus. Quum verò Minoris  
Armenię & Cappadociæ terras possideret, sæpe  
quadraginta millia armatorū coëgit, Asambeccus  
Vuncasan appellat⁹ ex illa familia, nuper anno mil-  
lesimo, quadringentesimo septuagesimo secundo, in  
Perside

1472.

Perfide regnabat potentissimus, apud Tauros ciuitatem ab eis vocatā, regiam constituerat, ac Othomannis plures ademit vrbes. Cum Venetis ex ea causa fœdus iniit, septingenta millia hominum coëgit, in caltris syluestres equos venari solitus, quibus nonnunquā vescebantur milites. Prusie ac Natolie regiones depopulatus, Cappadoces, Armenos, Mesopotamios, finitimosq; populos omnes subegit.

Habuit hic Assembeccus vxorē Imperatoris Trapezuntij filiam, Christianam: licet nomen vxoris apud Turcos non magni sit momenti, quum liceat tot habere, quot cuique libeat. Expugnauit & hic Sarochū nepotem magni Tamerlani, qui apud mare Caspium Samorcantem urbem proximā Amazonibus tenebat, Hienselem Regē Babylonie cū toto exercitu superauit. Ægypti Sultanū ob fornicinē ad fœdus ineundum cōpulit. Sed post eius mortem, filiis nō par felicitas successit. Nam multa illis Othomāni, multa aliq de Imperio sustulerunt.

Othomanni igitur quarta familia prenommata, eodem tempore Othomāno Duce in Asiam primum Minorem irrupere, & paulatim deinceps ceteras omnes familias absorpsere. Ex iam longius enim repetitis historiis inclarescit, circa annū Christi sexcentessimū, Bonifacio quinto sedēte, & Heraclio imperante, legem Mahometicā incepisse: Floruisse autem sub Leone quarto, a quo Leonina vrbs dicta, ac Lothario Imperatore, anno Christi octingentesimo quadragesimo octauo: quum immēsa multitudine Saraceni Hierosolymā oppugnarēt, dehinc mare traiecto, direpta Anchona, vexatoq; Dalmatico sinu, cū ingenti classe diripiendæ vrbs causa, Neopolitanos & circumiacentes oræ maritimæ agros, totamq; penē Italiam popularentur, multa funditus destrue-

4721

nota.  
600.

848.

# IO. CVSPINIANI

1254. destruerent, Siciliamq; deuastarēt redeuntes. Nam  
 Leonis Pontificis exercitus circa Holtiam victor  
 euasit. Deinceps verò anno humanę salutis Mille-  
 simo ducentesimo quinquagesimo, quatuor prædi-  
 ctas prodiisse familias scribatur, Assenbeccorum,  
 Candelotū, Caramannorū, ac Othomannorum.  
 Inueni autem (ne illud quoq; præteream imprudēs)  
 opusculū cuiusdā fratris ex Hungarię oppido Sche-  
 besch, quod lingua Germanica Mullenbach cogno-  
 minatur, qui post obitum Sigismundi Imperatoris  
 Amurathe Turcarū Rege Hungariam irruimpen-  
 te, captus puer sedecim annorum, & viginti annis  
 ac duobus in Turcia seruiens, omnemq; eorū edi-  
 scens ritum ac morem viuendi, liber factus, mona-  
 chum egit, ac de ritibus eorum opusculum à se scri-  
 ptum reliquit. In quo narrat sectā Mahometis &  
 600. Saracenorū, anno salutis sexcentesimo inchoatā sub  
 Heraclio Imperatore, circa octingentesimū floruisse  
 se sub Ludouico Imperatore, Leone quarto, in tan-  
 tum vt capta Hierosolyma venerint Romam, Sici-  
 liam atq; Italiam vastātes. Tum circiter annū Chri-  
 1280. sti Millesimū, ducentissimum octogesimum Solda-  
 num Magnum à Meridie egressum, cōtra orientē,  
 omnes regiones ad mare vsq; occupasse, terrā spa-  
 tiosaniq; in septem partes diuisam septem suis Dux-  
 cibus, quos secum attulerat, distribuisse: quarū vo-  
 cabula vsq; hodie durare scribit, quę ab inhabitato-  
 ribus sic sunt nuncupata, Othmaneli, Ermeneteli,  
 Germenteli, Garchaneli, Andingeli, Mentescheli,  
 Karamaneli. Quoniam primus Dux lingua patria  
 Othmanbeg, secundus Ermenbech, tertius Germē-  
 beg, quartus Garchanbeg, quintus Andinbeg, sex-  
 tus Mentessleberg, septimus Karamanbeg appella-  
 tus est. Primus autem Othmābeg paulatim omnes  
 sustulit

## OTHOMANNVS PRIMVS.

sustulit atque deuicit, ac regionibus expulit. easque possedit. Diu tamen resistebat illi Caramanbeg: cū quo sæpius cōgressus, semper re infecta domum rediit, vt Turci prouerbio quodā dicerent, Karamanbeg futurū perpetuum: Cum tandem tota à Mahometo Amyrathis filio (vt infra narrabitur) familia perijt Karamannorū. Et Othmābeg posteris suis nomen dereliquit, vt vocarentur omnes Othmannagli, id est, filij Othman. Nos Latine Othomannos eos dicimus.

## OTHOMANNVS PRIMVS.

mus Turcorum Rex.

**O**thomannus igitur Orthogrulai filius, vt scribit Calchondiles, ex humili fortuna ac tenuis census, obscuri inter priuatos nominis & agrarijs parentibus, ob virtutem rei militaris, magnum sibi nomen inter Turcos peperit. Nam vir impiger, & bellorū appetēs, calliditate singulari: conflatusq; per seditionem multitudine, ex collecticio ac gregario milite, Turcica arma circūferre cœpit, & seipsum, atq; suam familiam gestarum rerū gloria illustrare. Nam ingenti primū manu per seditionem cōflata, grassari cœpit, & passim quacūque posset vastare, prædabūdus deinceps cūctos inuadere. Neq; Christianos solum prosternere atq; vexare elaborauit, verū etiam homines ipsos sue gentis sine vllō discrimine armis petere, & si qua daretur occasio populari & sibi subdere occœpit, omnibus æque infestus. Iam enim Turcorū Duces & Principes, quos nominauimus, dominandi cupiditate, & plura habendi libidine cōmoti, sese inuicem infestare cœperūt: & eò vsq; superandi studio ac vires hostiliter exercendi prouecti sunt, vt bellū domesticū intestinum quæ omnibus viribus gerere viderētur. Hæc Otho

C

mannus



mannus ille nactus occasionem, quæ moribus utiq;  
& libidini suæ congrueret, ac idoneam videret sibi  
rei gerendæ suppeditari materiam, adscitis vndique  
omnibus qui pro ingenio prædæ rapinarumq; per-  
cupidi essent, qui ue studio quosuis opprimendi spo-  
liandiq; flagrarent, autoritatē breui adeptus est: op-  
pida quadam per oportunitatem aggressus, alia vi  
cepit, alia deditione subegit, nonnulla vt metū incu-  
teret, diripuit atq; euertit: Vt hinc futuri incremen-  
ti, nō admodum aspernanda solerter iecisse videre-  
tur fundamenta. Præstitit his conatibus prosperū  
euentum Christianorū discordia, qua Othomānus  
occasione vsus, Bithyniam & omnes circa Pontū  
prouincias decem annorū spatīo suæ fecit ditionis.  
Quum autem decem annis regnasset, filio suo Or-  
chani paternæ virtutis æmulo imperium reliquit.

1300.

A castello Galatiæ, quod à Prusia Trapezuntem  
versus sex dierū itinere distabat, à se capto sic dictus  
Othomannus. Licet aliq; id eius natale solum scri-  
bant extitisse. Claruit hic anno humanæ reparatio-  
nis Millesimo, trecentesimo, Bonifacio octauo se-  
dente, Alberto primo imperante, circa exitum Mi-  
chaelis Palæologi, & Andronici nepotīs initia.  
Sunt qui scribant octo & viginti annos rerum po-  
tūm, quibus Bithyniam & adiacentia Euxino op-  
pida nō pauca suo Imperio adiecerit, Imperiū Tur-  
cicum hinc auspicatus.

## ORCHANES OTHOMANNVS

secundus Turcorum Rex.

**O**RChanes Othomanni filius, paternæ virtutis  
æmulus, ambitione & audacia patri haud abbi-  
milis, rei militaris disciplina longe peritior, copiis  
apparatuq; opulentior & instructior, bellū paternū  
per manus acceptum, strenue est exequutus, supra  
nidum



nſum paternum in Thermodoontem & Bithyniam tranſgreſſus, caput extulit. Circa Pontum enim & Bithyniam plus nimio gentis Imperium propagare cœpit. Nam liberalitate animi, facilitate motum, dexteritateq; quadã ingenij & felicitatis tum bene probeq; imperandi opinione, ingentẽ ſibi vndiq; multitudinem cõparauit. Quorum animos ſemel ad ſe proſequendũ allectos atq; conciliatos populari deinceps facilitate & comitate quadã, perpetuãq; conſuetudine atq; largitiõibus, mirum in modum in officio retinebat. Quo factum eſt, vt rem in choatam à patre, ſuapte ipſe induſtria, diligẽtia, ſtudio, cura, prudẽtia, cõmodẽ proſequutus, auxerit & longe prouexerit ac propagarit. Nam mira felicitate domuit Myſiam, Lycaoniam, Phrygiam, Cariam, regnumq; in Hellespontũ uſq; & Euxini litorea protendit. Fecit hoc Græcorum Cantacuzeni et Palæologorũ diſſidium, vt Othomãnicæ creſceret, & Prusiã Græcis adimeret. Et dum Cantacuzeno magis q̃ Palæologis fauet, primus ab eo in Euro accerſitus traiecit. Caramannũ etiam perfidia in illum uſus, cuius filiam in vxorem duxerat, interfecto eius filio adoleſcente, non exigua Principatus parte exiit. Poſt vigefimum ſecundũ Imperij annũ priuſquã viuendi finẽ faceret, filium poſt ſe reliquit Amurathem, quum latẽ Imperium paternum propagaeſſet. Sed cõtra Tartaros infeliciter pugnãs, cũ multis copiis ſuæ gentis occubuit.

AMVRATHES OTHOMANNVS

Maior, Tertius Turcorum Rex.

**A**MVRATHES Orchanis filius, patrẽ in Imperio ſubſequutus eſt. Vir ſanẽ robore aniimi, laborum tolerantia, diſciplina rei militaris, induſtria & ambitione maioribus ſuis, patre, auo, & abauo

haud inferior. Quippe qui simulandi dissimulandiq;  
 egregius esset artifex, & fallendi magister insignis.  
 Ea fortè tempestate de Constantinopolitano impe-  
 rio ingens inter Græcos exorta disceptatio ac dissen-  
 sio, intestinas exuscitabat discordias atque cædes.  
 Duo namque fuere Imperatores, diuersis autoribus  
 procreati. Vterq; tamen ea stirpe se natum asse-  
 rebat, vt ad se ius Imperij spectare, & sibi competere  
 affirmaret. Horum vtrunq; cæteri pro suo quisque  
 studio & amore sequuti, pertinaciter inter se dimica-  
 bant. Tum alter Caiaculus patricius, vir qui se  
 vinci superariq; verebatur, cupiditati & studio suo  
 nimis temerè obsequutus est. Ad eò enim vlciscen-  
 di libidine cæcus in præceps transuersusq; visus est  
 agitari, vt honestè & ex re sua, an secus id faceret,  
 minime cogitauerit. Amurathen ipsum ad partes  
 suas tutandas pretio (pacta Callipoli) facile illectū,  
 ex Asia accersit. Neq; enim magni fuit negotij ei  
 persuadere, qui sponte ad hoc iam diu inhiaret, totò  
 que propenderet pectore. Hūc itaq; & copias eius  
 maturè in Thraciam per Hellespontum traduxit, ea  
 cōditione, vt cōsummato cōfectoq; bello, nauigio  
 rursus domū per Hellespontum remitteretur. Hoc  
 pacto Turcorum gens Amurathe principe, Græco-  
 rum ductu & opera, in Thraciam ex Asia cum ar-  
 mis traiecit. Verum cū Amurathes ipse non quid  
 promiserit, sed quid sibi posset cōducere animo vol-  
 ueret, sagaciterq; longe prospiceret, cōsulto bellum  
 protrahere, & indies caussando differre procrastina-  
 req; cœpit. Ratus hinc fore, vt Græcorum viribus  
 diuturnitate belli, & discordiarū atrocitate vtrinq;  
 consumptis eneruatisq;, ipse integer fractos iam &  
 defessos illos adortus, facile superaret atq; opprime-  
 ret. Vbi igitur diuturno bello, mutuisq; contentio-  
 nibus

nibus deficere Græcos et infirmari animaduertit, do-  
 mesticisq; opibus exhaustus nutare, & sibi parum  
 subsistere sensit, gentili astu arma in eos sine villo dis-  
 crimine per occasione[m] cōuertit. Sic Europæis opi-  
 bus illectus, dū vlcisci imperij hostes simulat, vsus  
 Genuensium nauibus Hellespontū ad Abydum su-  
 perat. Occupato enim Callipoli oppido, per oportu-  
 nē in Cherroneso ad Hellespōti fretum sito, catera  
 Græca oppida infestis armis petebat, agros vallaba-  
 bat, prædā agebat, cuncta passim inuadebat, Anno  
 humanæ salutis Millesimo, trecētesimo sexagesimo  
 tertio. Nec iam amplius dissimulāterrem agebat,  
 sed palam sibi & posteris suis Græcorū polliceba-  
 tur imperium. Et ad id occupandum omnes cogi-  
 tationes, cōsilia, opes, ac nervos intendebat. Hinc ef-  
 fectum est, vt nullis ferme obistere audentibus, fa-  
 cile & suæ magno negotio magnam Thraciæ par-  
 tem ditioni suæ subiecerit. Mox & Mysiam adora-  
 tus, armis subegit. Pari inde successu Bessos & Tri-  
 ballos domuit. Loca infra Rhodopen & Orbelū  
 incolentes, intercēpit. Seruiam Bulgariamq; ingres-  
 sus, cū Hadrianopolim prius occupasset, occurrētes  
 sibi cum paratissimis copiis hostes ingenti cæde pro-  
 fligat. Ac postremo superiorem Mysiam ingressus,  
 cum Lazaro Seruiæ Despota in Cassoniis campis  
 acie cōtēstus, sub inguine confossus, occubuit a ser-  
 uo Lazari in domini vindictam. Nec Europæis  
 Incruenta victoria fuit, Lazaro cū multis viris for-  
 tibus cadente. Is itaq; vitā defunctus, duos reliquit  
 filios ad capeSSendam rerum administrationem, pa-  
 triæq; expeditionis exequendas reliquias, tum æta-  
 te, tum disciplina & ingenio peridoneos. Quorum  
 alteri Solimannus, alteri Basaites nomen erat. Soli-  
 mannus in Asia lætè imperabat, quum Boēmūdus,

1363.

## IO. CVSPINIANI

Gotefridus, Balduinus, & alij Gallici Germaniq;  
nominis Duces, Hierosolymam petebant: cū qui-  
bus gessit praelia, vt auerteret à consilio. Sed Ayto-  
nus Armenius prodidit hunc Asphasalem appella-  
tum, fuisseq; Asphasalis Regis Persarum nepotem:  
missumq; magno cum exercitu ad Cappadociam  
occupadam, huiusq; ductu Turcos (quos ille Tur-  
quimānos vocat) multa ex Græcorum imperio lo-  
ca occupasse. Quo successu Asphasales Sultanus sit  
postea factus, ipseq; pro Asphasale Salamanfa dici  
voluit. Nostri Solymannum scribunt, qui Gotefri-  
do & aliis Christianis ducibus Hierosolymam pe-  
tentibus, sese opposuisse creditur. Et hæc Armenius  
ille. Cæterum Solymanus hic noster cum Basaite  
fratre ex Asia in Europā transgressus, hostiliter con-  
flixit. Quo extincto totius rei summa ad Basaitem  
deuoluta est. Fuit autē Amurathes hic in Caraman-  
num auūm maternum nō minus infestus, q̃ pater.  
Sed quum annos viginti tres Imperium tenuisset,  
occiditur, vt scripsimus, à seruo.

## BASAITES OTHOMANNVS

Amurathis filius, Quartus Tur-  
corum Rex.

**B**Asaites, siue quod idem est Paiazetes, Amura-  
this filius & Solmani frater, post defunctos pa-  
trē ac germanū, quem per insidias occidit, in Im-  
perio successit: vtpote ad quem res vniuersa iure hæ-  
reditario deducta est. Vir erat ingenio peracri, rerū  
maximarū percupidus, in rebus arduis capeffendis  
audax, in administrandis solers, in laboribus perfe-  
rendis infatigabilis, in occasionibus prospiciendis  
acutus & sagax, in exequendis celer ac perseverans:  
animo fortis, corpore siſtēnuus, belli appetens, quie-  
tis impatiens, gloriæ audax, in periculis obeundis  
prom

promptus atq; impavidus: in hostibus fallēdis ver-  
 sutus & vaser, in dolis struendis & hoste insidiis op-  
 primendo percallidus. Contra verò in hisce prae-  
 giendis euitandisq; ac hostium consiliis praeuertē-  
 dis, cautus atque prouidus. In omni re nouāda, prae-  
 sentia animi, laborum tolerantia, vsu, exercitatione,  
 consilio, mirificè instructus, atque Imperio natus.  
 Hoc ingenio, hac disciplina, hoc vsu, his moribus,  
 prosperos praeterea fortunae afflatus adeptus, vsque  
 adeò nouelli regni fines breui temporis spatio pro-  
 duxit & extulit, vt circa Thraciam diu multumq;  
 versatus, penè vniuersum (excepta Constantinopo-  
 li ac Pera) bello affligeret. Deinde in reliquā Græ-  
 ciam manus iniecit, Thessaliam, Macedoniā, Pho-  
 cidem, Boeotiam, Atticam occupauit, & sui iuris se-  
 cit. Mysos quoque, qui hodie Seruij, Illyrios, id est  
 Bosnenses, Triballos, qui Bulgari communi voca-  
 bulo dicuntur, assiduīs excursionibus, oppugnatio-  
 nibus, praeliis, deiecit & infirmauit, patrisq; mortem  
 sic vlturus. Marcum Craienicum Bulgarorū Prin-  
 cipem, praelio superatum interfecit, et alios quidem  
 subegit, aliis tributa quotannis exhibenda indixit,  
 nonnullos vt ad praescriptum arma & milites da-  
 rent, coëgit. Et tot, tantasq; ac tam opulētas provin-  
 cias patrio & auito regno adiecit, Bosnam, Croa-  
 tiam, vltioresque Illyrici partes vastauit. By-  
 zantium denique urbem regiam adeò omni agro  
 suburbanisque delitiis spoliauit, tam longa & per-  
 difficili obsidione vexauit atque excruciauit, vt  
 iam Imperator ipse cum omnibus fermè ciuitatis  
 Principibus auxilia fidelium mendicaturus, pro-  
 fectus peregrè, in Italiam & vsque in superiorem  
 Galliam accesserit. Reliqui verò ciues omni prae-  
 dio destituti, fame valida supra modum vrgente,

& bello atrocissimo, indies acrius hostibus vndiq;  
fremmentibus, desperata salute de deditione agere coe-  
perint: Periissentq; nimirum, ac in hostis saeuissimi  
potestatem venissent (octo enim annos Constanti-  
nopolim obsederat, & obsessam facile expugnasset)  
nisi Hungarorum Gallorumq; aduētum formidās,  
illis ad Nicopolim occurrisset, memorabiliq; prae-  
lio nostros superasset, caesis captisq; magna ex parte  
Gallorum Ducibus, Ioanne scilicet Burgūdiæ Du-  
ce, & Sigismundo tumultuaria pugna fuso, vt supe-  
rius scripsimus. Sed iterum ad Constantinopolita-  
nam regrediens obsidionem spei plenus, eam bien-  
nio denuo obsessam occupasset, nisi Tamerlanes il-  
le Scytharum præpotens Rex, instar torrentis ipso  
incurfu ac impetu cuncta prosteruendo ac vastādo,  
Baiafeten ipsum omni apparatu & copiis occurre-  
re & reluctari conantem, in Asiam reuocasset.  
Vbi ad Stellā montem in Galatiæ Bithyniæq; con-  
finio instructa acie, collatis signis celeberrima illa  
pugna vtrinq; fortiter dimicatum est. At Baiafe-  
tes ipse impar profecto viribus, etsi animus non de-  
erat, infelicitet prælio cōmisso, ingenti strage supe-  
ratur, tandem viuus captus, & in cauea cathenis au-  
reis vinctus ac circumductus, tandem dimissus, cæ-  
sis prius in bello ducentis Turcorū milibus, inglo-  
rius in Asia paulò post, diem obiit. Incidit hæc cla-  
des Turcis in annum millesimū, trecentessimū no-  
nagesimumseptimū salutis nostræ, Bonifacio nono  
Pontifice Romano, & Venceslao Romanorum re-  
ge: Sed operæpretium iudico, quis ille fuit Scythar-  
um Dux, paucis delibare. T A M B E R L A  
N V S cognomēto Massegetha Toimyris fuit, hui-  
mili loco inter Scythas siue Tartaros, seu ex Tur-  
corum genere (cuius sectæ erat) genitus, primo bu-  
bulcus,



bulcus, dehinc miles gregarius, virtute sua paulatim effecit, vt ordinem primo, mox exercitum ducias ret. Eoꝝ potentia euectus cum solertia, tum corporis viribus bellandiꝝ agilitate, vt magno fortunæ ludibrio multarum sit gentium imperio potitus, Terror gentium appellatus. In cuius exercitu duodecies centena millia hominū fuisse traduntur, Xerxe ac Dario maior, quorum copiis siccata flumina veteres scripserunt. Primum enim in Parthis cum regnasse scribunt, mox Scythas ab eo subactos, Hiberos, Albanos, Persas, Medos, Mesopotamiam de hinc inuasit. Dehinc Armeniam subiugauit armisqꝫ subegit. Traiecto demum Euphrate, cum sexcentis millibus peditum, ac millibus quadringentis equitum, Asiam minorem late domuit. Cum quibus etiam Baiaseten Cyricis patrem, & Mahometi imperatoris proauum paulo minore exercitu fines tuentem, in Galatia ac Bithynia confinio ad Stellam montē, vel vt alij in Armenia minoris confinibus prælio vicit, ac caesis ducentis Turcorum millibus, viuum in potestatem suam redegit. Dehinc more ferarum, aurcis vinctum cathenis in cauea, omnibus suis expeditionibus præ se egit ac circumduxit, pro scabelloqꝫ quoties equum conscendit, eo vsus, & quasi canem sub mensa comedere iussit. Admirandum rerum humanarum spectaculum, & fortunæ regiae ludibrium. De ludibrio fortunæ nostra ætate quidam doctus Poeta scribens, inseruit hanc quoque historiam carmini suo quum caneret:

Ad noua deuenio nostris vicina diebus  
 Tempora, Turcorū princeps Mahometicus Ildris  
 Arma ferens contra Scythicam Mauortia gentem,  
 Incidit in casses, caueisqꝫ inclusus ahenis,  
 Admiranda dedit populis spectacula Parthi,



### 3<sup>VO</sup> IO. CVSPINIANI.

Armenij, Medi, Assyrij quacunq; mouebant  
 Victores sua castra Scythæ, videre Tyrannum  
 Squalentem in clatris atq; in pedore sepultum.  
 Nec minus infoelix natus fuit, vtrq; parenti  
 In regno, sic in rebus successit acerbis.  
 Pharsalia cum se victorem crederet, eius  
 Infdiis gentis deceptus & arte Pelasga,  
 Præda fuit missis ad regia colla catenis.

Hunc postliminio nunquam reuersum scribunt  
 autores. Tum domitum est armis Scythicis, quic-  
 quid terrarum est à Tanai ad Nilum. Smyrnas, An-  
 tiochiam, Sebastin, Tripolin, multasq; validissimas  
 vrbes vi expugnauit. Vicit inde prælio Tamburla-  
 nus Memphiticum regem, quem Sultatum vocât,  
 victumq; vltra Pelussum intra Nili fluentia compu-  
 lit. Damascum cepit. In cuius arcis oppugnanda, ab-  
 tetam ex aduerso arcem militari opere erexit, mul-  
 ta tamen suorum cæde. Cepit & Caphata Genuen-  
 sum olim coloniam, quæ in Taurica Cherroneso  
 sita est, non procul à Bosphoro Cymetico. Quâ vr-  
 bem cum inuadere statuisset, Scythas negociatores  
 præmisit, qui præciosissimas animalium pelles mi-  
 noris venundarent solito, sciens aurum abscondi pos-  
 se, pelles minime. Vrbe potitus, & aurum, & pelles re-  
 perit ac diripuit. Castra eius in vrbis modum fuerat  
 ordinata, definitio cuiq; artificio loco proprio, in par-  
 tes suas distributis exercitiis, vt omnia vitæ vsuiq;  
 necessaria in promptu essent. Rerumq; oim tanta sem-  
 per copia in his inueniebatur, vt nullus esset latroci-  
 niis locus, tutoq; oia afferri possent. Nihil enim vno  
 quam seuerius, q̃ latrocinia vindicauit, vt si ipse ve-  
 nus esset, q̃ latrocinari impune posset. Ceterum vt ma-  
 ior hostibus terrorem metumq; incuteret, triplici tẽ-  
 torio, si quâ vrbe oppugnare adortus esset, in exerci-  
 tu vti

tu uti consuevit. Sic ut in vnoquoque dispar color, ac  
 nimis mutationem, prius non viso stratagemate, in-  
 telligeretur. Primo enim die candido utebatur ta-  
 bernaculo, quo significabat nulla in re (si modo se de-  
 derent) iniuriam se aliquā illaturū, sed pacem, salutē  
 ac veniā, quam cādor arguebat concessurū: sequenti  
 die purpureo vsus colore in tentorio, mōstrabat ce-  
 dem & sanguinē procerū in primis, et qui se patres  
 familiās agebāt, q̄p alterā diē expectassent. Quod si  
 res ad triduū protrahebat, atro colore in castris ex-  
 cidium vr̄bis, & miserabilē oībus ruinā prēmō-  
 strabat. Tanta erat hoīs sēuitia, ut quū in obsidione  
 cuiusdā vr̄bis populose, cū prima diē deditiōnē ne-  
 glexisset, agmen pueroꝝ ac puellarū oleas in mani-  
 bus gestantium, candida veste egressum obuiā Ty-  
 ranno veniam supplex deprecassetur, in illud immis-  
 so equitatu, crudeliter est eius iussu conculcatū, for-  
 deq̄ obtritū. Genuensis quidā, qui eius familiarita-  
 te annis iā pluribus longa cōsuetudine utebat, cum  
 rogaret, cur in supplices non initior esset, cū facilius  
 quæ vellet, si nō tanta vteret̄ crudelitate, impetrare  
 posset: turbato truciq̄ oculorū aspectu, furorē vul-  
 tu distorto p̄ferēte respōdit: Quid tu me hoīem  
 esse putas, & non Dei irā potius, ac orbis vastitatē  
 ac calamitatē? Proinde ocius te hūc aufer, nī tu  
 quoq̄ periclitatī cupias & interrogatiōis tuæ pœ-  
 nas dare. Abiit Genuensis, nec amplius in conspe-  
 ctu Tāburani visus est. Et p̄fecto talis fuit, qualē  
 se predicabat: Qui tota ferē Asia domita, deletis re-  
 gionibus ac Tyrānnis, pluribus vastatis prouinciis  
 cum victorē exercitu p̄cedatq̄ onusto ad suos reuer-  
 sus, vr̄bem cōdidit ingentē, cui Marchanti (ut aiūt)  
 nomen est, quā omnigenū captiuorum multitu-  
 dine referat, captiuūq̄ vr̄bium spoliis exornauit.

Regnum

# IO. CVSPINIANI.

Regnum moriens duobus filiis reliquit. Horum discordia amplissimi regni opes tanta arte conquisitæ, dissipatæ sunt, imperiumq; Parthorum rursus extinctum est. Dicitur ergo successisse Tamberlano Assenbeccus Husuncason cognominatus, vnus de quatuor familiis è Scythia egressis, vt prius patuit. Qui si nactus fuisset idoneum suarum rerum gestarum scriptorem, vtique inter clarissimos Duces ac Imperatores numeraretur. Sed redeundum est ad Turcorum Imperatorem Baiaseten. Qui ad regnū suum minime reuersus, nihil memoria dignum gessit, sed inglorius in Asia periit pluribus relictis filiis. Qui post hanc acceptam cladem, euestigio fugientes per Thraciam, in naues Græcorum, à quibus tū fretum & transitus custodiebantur, inciderunt, & à Græcis capti sunt. Emissi tandem, varia vñ fortuna varioq; itinere, ad regnū paternum consurrexerunt. Fuerunt autem præcipui Baiasetis filij, Calapinus, Moyse, Mahometus, & Muscapha.

## Calapinus Quintus

Turcorum Rex, Orchanes eius filius, & Moyse vero frater, mutuo sese in imperio succedentes.

**C**alapinus, quem alij Celapinum, seu Celepinum vocant, Baiasetis filius & maximus natus, emissus à Græcis patrium regnum obtinuit. Aduersus quem, rebus iam Turcorum callatis & pene fractis, Sigismundus tū Hungarorū rex, post & ont. Imperator (vñ Nicolaus Sagundinū scribit, quem Senensis Aeneas sequitur) ingenti conflato exercitu, Danubium traiecit. Verum priusquā vniuersæ copii instructæ ex ordine acie signis collatis cū hoste iam pauicante prælium iniretur, leuitate petulantiaq;

tiq; Gallorum, & præcipiendæ pugnae insolenti cupiditate irruentium (nam non tam virtute hostium, quam sua discordia ea clade oppressi sunt) tumultuose fusus, castra & impedimēta reliquit, et hostibus acriter insequentibus in fugam conuersus, vix per Danubium, lachrymandæ rei Christianæ calamitate, paruo nauigio turpem sibi adinuenit salutem: vt in Sigismundo superius annotauimus. Scribunt auctores Annalium Hungaricorum, id non sub Calapino, sed eius patre Baiasethe factum, vt temporū supputatio, quam Sabellicus in sua decima Enneade affert, & hanc cladem sub Amurathe filio Mahometi factam scribit, penitus sit nulla. Nondū enim Sigismundus imperatorem agebat, cum in Turcos bellum id primum gesserat, qui & bis cum Turcis conflixit, sed Regem Hungarorum. Eratq; annus regni Hungarici decimus, salutis vero humanæ novagesimus sextus, supra millesimū trecentessimū. Cum Baiasethes Turcorum imperator, Mysios ac Illyricos, vt paulò ante scripsimus, qui sub ditione Regis Hungariæ sunt, infestis armis invaderet. Ob id Sigismundus Oratores Basaithæ Regi Turcorū mittit, qui Turcum ab hac iniuria cauenda adhortentur, ne sibi alienum non absque iniuria vindicet regnū. Callidus ac vafer Turcus rem differt, Oratoresq; Regis protrahit, donec Mysiorum terra tota potiatur tyrannus: Tum demum Oratores Sigismundi ad se vocat. Erat domus illa clypeis, pharetris, gladiis, frameis, ensibus, incuruis lanceis ac diuersorum armorum generibus variis vndiq; in parietibus adornata. Ingressis Oratoribus Turcus dixit: Dicite Regi vestro, & mihi satis esse virium & hoc ius sufficiens ad terras, quas suas esse putat, manu arma hæc parietibus affixa ostentans. Quo dicto

vbi

# IO. CVSPINIANI

vbi domum reuerſi ſunt oratores, Sigismundus ira  
 accenſus, in ultionem ingentem parauit exercitum  
 ex vniuerſa penè Germania. Affuit & Gallorum  
 numeroſus exercitus, & Ioannes Dux Burgundiæ  
 ( non Philippus vt ſabellicus falſo decipitur ) co-  
 pias adduxit non ſpernendas. Qui captus & Adria-  
 nopolim ductus, multo auro libertatē redemit. Cū  
 ergo tam grandē ductaret rex Sigismundus exerci-  
 tum, traiecto Danubio, quod plerique viſum eſt im-  
 prudēter factum, dixiſſe fertur ( vt erat facetiſſimus  
 Princeps ) Quid metuendus eſt nobis hostis effœ-  
 minatus ac mollis: pondus cœli ſi rueret, lanceis ac  
 haſtis quæ nobis in hoc ſunt exercitu innumerabi-  
 les, facile ſuſtētaretur. Cū itaq; Raſciæ & Bulgariæ  
 oppida, ac munitiones Turcorū diripuiffet & expu-  
 gnaſſet, è manibusq; hoſtiū iterū ſuſtuliffet, caſtris  
 erumpebāt crebrō Turci, regiumq; exercitum pro-  
 uocabant. Tandē cum Turcorū Imperator in ſua  
 dominia ( vt ipſe dicebat ) exercitum veniſſe intelle-  
 xerat, fortiſſimo apparatu aciem inſtituit, ſub caſtro  
 maioris Nicopolis. Franci veniētis hoſtis fama pel-  
 lecti, à rege Sigismundo primitias belli petunt, pri-  
 mumq; congreſſum: hoc item & aliæ gentes. Inter-  
 rim dum conſultatur, Franci præripiunt pugnā, pri-  
 uſquam vniuerſæ copiæ in aciē ordinatæ collatis ſi-  
 gnis prodirent. Franci itaq; dimiſſis ſuis equis cata-  
 phractatis, pedites in turmas hoſtiū intuerunt. Ho-  
 rum equi cū caſtra regiā trāſuerſo curſu peterēt, cœ-  
 teri hunc morē pugnandi ignorātes, ad vnū oēs ar-  
 bitrabantur Francos caſos, tergaq; vertunt. Oritur  
 ingens in caſtris tumultus, relinquuntur impedimē-  
 ta, derelinquuntur ſtationes militum, ac in fugā ver-  
 tuntur. Adit magna vtrinq; ſtrages, multi ceſſi, mul-  
 ti capti. Feruntur tum Chriſtianorū viginti millia  
 Turco

Turcorum sexaginta millia trucidata. Et nisi Rex subsidio nauis euasisset, iam de regno Hungariæ actum erat. Delatus igitur naui per Danubiū, Constantinopolim venit, inde ad Rhodū, tum ad Dalmatiæ & Croatiæ regna, cū fugæ comitibus Ioanne Archiepiscopo Strigonienſi, ac Stephano fratre eiusedē menses penē octo & decem ibi cōmoratus, priusq̃ regnum intraret. Rumore interea incerto ferebatur, Stephanum Vaiuodā Oratores Baſaſethi Turco, vt filiam Ladislao vxorem traderet, misſiſſe, contra Sigismundū Regē. Ob id agmina Turcorū tum primum Hungariā intraſſe, caſtraq̃ inter Sauū atq̃ Drauum flumina locaſſe. Qui Turcorū ingreſſus calamitoſus in pleriq̃ Siruiæ ciuitatibus hodie adhuc cernitur. Itaq̃ prior clades grandē notam ac tetram ignominiam Chriſtiano nomini intulit, viresq̃ magnas ac robur ingēs hoſtibus addidit, quo inſtauratis animis audaciores efferacioresq̃ effecti, ad maiora patranda induxerūt animū. Eſt deinceps rex Sigismundus, cum in Hūgaria regnaſſet annos ſij. & .xx. in Imperatorem Romanum electus, atq̃ vt priorem aboleret ignominiam, rursus eſt cum Turcis congreſſus ſub caſtro Galambog in rupe Danubiū ſito, Calapmo Imperatore Turcorum tunc magnas copias agente. Vbi iterum, & ſic ſus copię ante Turcorum Cæſaris aduentum ſuperiores eſſent, eo tamen præſente exercitus Cæſaris Sigismundi proſtigatus eſt inſoluciter, denuo ipſe Danubium tranſiit, vt hoſtilem euaderet manum. Et quum in Concilio Conſtantiēſi ageret, tertio eius exercitus, Ducibus Ioanne de Gara, & Ioanne de Marothbavis, prælio ſuccubuit. Duces capti, ſed tandem liberati. Vnde ſitibundi lupi ſæpe prædas cogitantes, irruerunt in Hungariam, cladesq̃



## IO. CVSPINIANI

cladesq; finitimis intulerunt, & in Bosna & in cæteris regionibus. Vnde inter autores de his conflictibus error factus est, cū Sigismundus, & sub Basiaſethe, & Calapino, & Mahometo, vt infra patebit, ſæpe bella (licet inſœliciter) geſſit. Cæterum Calapino poſt hæc mortuo Orhanes filius ſucceſſit, tenella ætate adoleſcentulus, Thraciæ regulis fauentibus. Sed irritus fuit noui regni conatus. Nam Moyſes patruus pueri pupilli, & alter prædicti Baſiaſethis filius, quem tutorē pater nominauit, defunctus, occulte Græcis iuuantibus cupiditate arrepti imperij, inſeſtis armis ad Ebrum fluuium, magis proditione quā pugna oppreſſum adoleſcentulū extinxit, ac de medio ſuſtulit: Gazaro eſt loco nomen. Nec admodum diu fuit Moyſes in humanis: quia haud multo poſt & ipſe nullo ſuperſtite filio moriens, Mahometi fratri regnum per manus tradidit. Cæterum alij aliter rem Turcorum tradunt. Baiaſiten (vel vt ipſi ſcribunt Pazaiten) cum à Tāborlane captus circumductus eſſet, duos reliquiſſe filios mares, Orchanem ſcilicet, quem alij Calapinum, & Mahometem quem multi Moyſen magno errore dicunt. Orchane autem intra biennium per inſidias à fratre interfecto, Mahometem rē Turcorum ſolum occupariſſe, de quo nunc ſcribemus.

### MAHOMETVS PRIMVS,

Sextus Turcorum rex.

**P**riusquam de Mahometo Turcorum (vt vulgus loquitur) Cæſare ſcribam, illud prius præmittendum eſt, cur hunc in ordine Sextum ponam, cum alij Quintum hunc vocitent, vt annales Hungarici, qui Amurathem Primum Turcorum regē ponunt, quod primus Thraciam inuaſerit. Baſiaſethen eius filium Secundum, Calapinum Tertium,

Orcha



Orchanem filium Calapini quem patruus interfecit Quartum, et hunc Mahometum Quintum. Alij omisso Calapino (quem in numerum regum non referunt) Mahometem hunc superiorem Quintum collocant. Fœlix Petancius Segniensis cancellarius, post Baiafethum à Tamburlano captum, quatuor Imperatores successisse scribit, qui de gente Othomanna non fuerint, licet celeberrima bella gesserit. Nam Celebij multorum populorum victor, partem quoq; imperij Trapezontis subiugauit: Soleyman cui Tamburlanus tributum repedit: Orchan secundus qui multas vrbes Asiæ & Ponti expugnavit: Muse autem cum Orchanum dolo interemisset magnam partem Asiæ in suam ditionem redegit. Post Musen culmen imperij ad gentem Othomanam rediisse refert. Nam hunc Mahometum ex ea gente fuisse, inquit. Qui potito imperio, Saracenos, Gordianos, Persas, Cappadoces, variis præliis fuderit, nomēq; Turcorum ita celebre reddidit, vt Europæ gentes illud reformidarent. Nos alium ordinem (quanquam non multo diuersum) à primo Othomanno (vt patuit) posuimus Sextum. Mahometus itaq; Baiafethi quoq; filius, defunctis fratribus regnum inruente adeptus, ipsum tum armis & diligentia, tum dolo & astu terra mariq; non modo incolume tenuit, verum etiam adauxit vehemēter. Flacciis ferocissimis, quos nos Valachos dicimus, & bellicocissimis nationibus trans Danubium, mare versus Euxinum latè dominantibus, bello prius et crebris excursionibus labefactatis atq; attritis, tributa grauiā imperauit. Hic igitur primus Danubium traiecit, multasq; ciuitates tributarias fecit, Macedoniamq; bello domuit, promouitq; Turcorum signa ad Ionium vsque pelagus. In Asia vero non-

## IO. CVSPINIANI

nullos regulos Turcos vi armisq; oppressos, regnis penitus spoliavit. Contra Lydos & Cilices multa præclare gessit. Cum quandam Mesæ partem (quæ hodie superiorem Bosnam appellamus) suæ ditionis fecisset, placuit illi nouum in terra hac regem designare. Constituit igitur hominem nouum, humili loco genitum, Isaac regem Bosnensem. Qui successu elatus, finitimas regiones populabatur, prædas agebat, ac spoliis se suosq; locupletauerat. Et quia Sigismundus Hungariæ & Bohemiæ rex ac Imperator tum aberat, quidam strenuus miles Nicolaus filius Petri de Macedonia, reguli istius insolentiam non passus, cum prædabundus omnibus insultaret, & si viribus impar esset, expectata occasione, cum regem videret egredi, in hunc mox animum atque oculos intendens, præcipiti cursu equo deiecit, ac in terram prostratus ense iugulum confodit, regius exercitus in fugam versus, militi huic palmam et multa vexilla atque militaria impedimenta, quæ Regi suo Sigismundo attulit, dereliquit. Pari audacia paulo post cum Turcis idem miles congressus, quamquam multo viribus esset inferior, miro strategemate hostes fefellit. Nam mediâ nocte, cum per exploratores certior factus, Turcos in castris dormire cõpertum haberet, tympana multa equabus, quas vagabundas in campo ceperat, adalligauit, adiunctis suis militibus qui fistulis canerent. Et ne se mutuo sui vulnerarent, tesseram belli dedit duobus verbis voce materna, quorum alterum Turci intelligebant, alterum ignorabant. Cum igitur sub noctis obscuritate tumultus esset exortus, & in prælium prouocati Turci strepitum audirent, partimque tesseram belli intelligerent, ex ingenti clamore magnum adesse coniectantes exercitum, in fugam soluti

Iuti sunt. Clade edita victoria penes Hungaros fuit. Mortuo autem Mahometo, qui Hadrianopoli recepta, post afflictos Bulgaros & Vlachos prædis & cladibus, regiam ibi sedem statuit, cum septem & decem annos imperasset, Amurathus eius filius successit.

## AMVRATHVS IUNIOR

Secundus, vulgo Moratbeg dictus, Septimus Turcorum Imperator.

**A** Murathum scribit Franciscus Philæphus Cyricis fuisse filium, qui ab Hungaris & Valachis Philippo scholare nobili Florentino duce pro Sigismundo rege prælio superatus, ac pugna navali à fortissimo præfecto Petro Lauretano Veneto apud Callopoli classe munitissima cū magna Turcorū cæde spoliatus est. Ab aliis tamē fertur Amurathus filius Mahometi, nisi alio quoque nomine sic fuerit cognominatus. Hic patre defuncto in paternum regnum successit. Cū enim pater moreretur, in Asia degebat. Audita itaque patris morte, quum per Hellespontum in Thraciā traicere conaretur, reliquū regnum occupaturus, Imperator Græcorum trepidibus & maritimo apparatu diu prohibuit, ac iter interclusit. Vbi autem eò penetrasse intellexit, Mustapham reliquum Basæserhis filium, Amurathi patrum & regno paterno spoliatum, ut rerum potiretur, emisit, & summa ope prosequutus est: quia suis rebus Græci fauebant. Mustapha igitur celeriter exercitum contrahit. Amurathus autem Genuensium opera in Thraciam delatus, cum Mustapha, qui Europæ res ad se trahebat, hostiliter conflavit. Est pugna illa ab Amuratho feliciter depugnata. Mustapha in prælio occubuit.

# IO. CVSPINIANI

Quo cadente regnum vniuersum illi cessit. Amurathus itaq; victor regnum consequutus, patriis fretus opibus, fortunaq; propitia vsus, quaecunq; incepta eius mirifice secundante, clara facinora adidit. Incidit regni huius exordium, in millesimum quadringentesimum duodecimumq; humanæ salutis annum. Compos paterni regni effectus, haud quieuit, sed Græcis insensus ob eam quæ Mustaphano bello aduersus se egerant, eorum fines hostiliter populatur. Primus Turcorum cum exercitu in Europam traiecit. Prouincias Græciæ finitimas adortus, agros incurfat, vrbes vi captas diripit. Quo metu percussæ quædam Græcorum nobilissimæ ciuitates, vltro in fidem Turcorum cessere. Thracia dein armis peragrata, Thessalonicam illustrem Græciæ ciuitatem, antiquitate, amplitudine, autoritate, pulchritudine, amœnitate, religione, opibus, opportunitate situs, tum terra tum mari, celebritate populi, præstantia, dignitateq; ciuium inprimis insignem, in ora Macedoniæ sitam, quæ tum à Venetis tenebatur (nam Andronicus Hemanuelis filius eam iisdedit possidendam) vi captam expugnatamq;, penitus diripuit. Tempula pulcherrima & ditissima exipilauit, sacra profanauit, opes, ornamentaq; perantiqua exhaust. Quo rerum successu adhuc ferocior factus, Tomarum & Pindum montes in eandem terram transgreditur cum valido exercitu, perpetuoq; victoriæ cursu Phocidem cum Attica regione, Boeotiam, Ætoliam, Acarnaniam, & omnes citra Peloponnesum gentes vsque ad Corinthiacum sinum suo subiecit imperio. Gubernabat Epirum Ioannes Castriotus, cui omne Epiroticum nomen parebat. Vt ergo vim bellicam omnem amoueret, tres filios, cum Croia Illyriorum oppido haud ignobili

nobili, obsides dedit Amuratho, Constantinum, Reposum, & Georgium quem Turci Scanderbecum dixere. Quod lingua patria significat Alexandrum Dominum sive Magnū. Fuit enim puer hic nouem annorum cum daretur obses, sed indole & virtute creuit heroica, et robore corporis incomparabili. Quapropter Amurathes eum in suam sectā asciuit, Schenderbechq; vocauit. Stanissim enim maximum natu, paucis ante annis cum plerisque adulescentibus Castriotus Amuratho miserat, cum Isachbegi ductu Epirum popularetur. Ob id post Epirum ac Ætoliam in deditionem suam redegit.

Illyricorum oppida multa vi expugnauit, quædam in deditionem compulit, quædam funditus euertit, agrosq; euastauit. Sigismundo Imperatori Georgius Despotus Seruix, quam communi vocabulo & Rasciam vocamus, (Hunc enim tractum versus Macedoniæ montes Dardani olim tenebant, ut veteres scribunt) seruebat quā liberaliter. Quando quidem curia Imperatoris multis semper repleta fuit Principibus. Vt igitur Imperatoris emeretur fauorem, in obsidis loco sinceræ fidelitatis Nandoralsensem arcem prope confluenta Danubij & Savi sitam, veteribus Taurinum ac Belgradum, recentioribus Alba Bulgarica appellata, Cæsari dono dedit: multis aliis in compensam receptis oppidis vicissim à liberalissimo Cæsare, ut impetus Turcorū hic facile possit frangi, quum agrum Hungaricum populari intenderent. Concessit tum Amurathus Turcus in Mysiam: nec precibus nec præmiorum pollicitatione vlla à Georgio Despota prius flecti potuit, ut secum pacem fœdusq; iungeret, quā ex eo filix nuptias extorsit cum ingenti dote. Nam more gentis plurimas vxores habuit.

## IO. CVSPINIANI

Verum non diu pòst paucis interiectis annis, neq;  
 pax illa, neque affinitas obstitit, quo minus iterum  
 aduersus eum ductaret grauem exercitum, per occa-  
 sionem intestini belli, Hungariam facile ab se occu-  
 pari posseratus. Georgius imperat genero, furētem  
 potentiam ferre hostis truculentissimi non potuit,  
 quum igni ferroq; terra ferax & opulenta vastare-  
 tur: vrbes & oppida partim vi, partim metu cape-  
 rentur dederenturq;. Inclinare fortunam animaduer-  
 tens, cum vxore & liberis omniq; familia ac gentis  
 suæ sacerdotibus, in Hungariam profugit, vno reli-  
 cto Gregorio filio, qui cum præsidio Synderouiam  
 tueretur Seruix regiam, soli omnium Nouomonta-  
 ni & Samandrini memorabili fide & virtute, hosti-  
 um victoriam diu remorati sunt: quadriennio assis-  
 dentem hostem pertulere, tanta rerum omnium in-  
 opia, vt super vetitos obscenosq; cibos reperti sint  
 qui fame adacti suas ipsi corroserint manus. Postre-  
 mo inedia victi, cū Gregorio principis filio vltro  
 in hostium potestatem venere. Sic Synderouia expu-  
 gnata cum centum armatorū milibus. Scopia ac  
 Nouomontum Missorum, quos Seruios etiam di-  
 cimus, oppida, post longam obsidionem capta: De-  
 spoti filius oculis ac pudendis priuatus. Albertus  
 tum Austriæ Dux, Rex Hungariæ atq; Cæsar Ro-  
 manus, timens ne regnum Hūgarix obrueret dirus  
 hostis, ingentem habuit congregatum exercitum,  
 vt Turco resisteret. Sed fato nescio quo malo, exer-  
 citus profluuo ventris laborare incipiens, plerosq;  
 coëgit castra deferere. Et Albertus ipse Budam vr-  
 bem valetudinarius repetens, eodem ventris pro-  
 fluuio paulò pòst est mortuus, vt superius scripsi-  
 mus. Sed quum mors Alberti Turcum fugeret,  
 Oratores mittit ad Polonię Regem, militem & pe-  
 cuniam

cuniam pollicitus contra Albertum. Nam pars Bohemiæ Vladislaum Casimiri fratrem Regem Bohemiæ postulauerat, post mortem etiam Alberti in regnum Hungariæ vocatus. Ob id cum gratiæ as Oratoribus Turcorum egisset, iam maiorem occasionem ineundi fœderis oblatam, si suis finibus contentus esse vellet, respondit, si cordi ea res foret, Cæsari suo denunciarent. Vladislaus interim Rex Poloniæ à quibusdam Regnicolis Hungariæ accersitus, in Hungariam venit, à Despoto per Oratores rogatus, vt extorri, indigo, principatu ac patria eiecto, alienaque viuente misericordia, ad fortunam pristinam recuperandam auxilio esset. Quod promissit Rex, optimam spem Despotæ pollicitus. Interea Turcus per occasionem intestini belli Hungariam facile ab se occupari ratus ( Nam pars procerum Vladislao Polonorum Regi, pars Ladislao Alberti Posthumo adhæserant, mutuisque inter se flagrabant odiis regnicolæ ) oppugnare adortur Belgradum oppidum, prope Danubium & Sauum ( vbi commiscuntur hæc flumina ) situm: obsidioneque id cingit, & machinis militariibus turrium iastar è ligno extructis, ac cuniculis subterraneis effossis, prorsus in suam ditionem trahere sibi persuadet. Sed arcis præfectus Ioannes Vranas suo valido præsidio, inanes reddit omnes eius conatus, cuniculos puluere incendiario, pice, oleo ac sulphure replens, omnēsque immisos milites cum iumentis interficiens. Dehinc rudere & gleba muros vi tormentorum deiectos refarciens. Postremo cum incautius Turci oppugnationem adortur, ab oppidanis ita sunt missilibus ac faculis obruti, vt septem millia Turcorum in hac obsidione, quæ septimum etiam attigit mensem, sint desiderata.



# IO. CVSPINIANI

Ea clade perculsus Turcus, obsidionem soluit. Nā graiſante etiam fame, tumultū & ſeditionem in exercitu ſuo verebatur. Bolgrado igitur relicto, Turcus abiit. Cum autem Ioannes Huniades pater Mathiæ regis poſt Hungarorum, iam per arma clarus vndiq; haberetur, vtpote in quo ſingularis appareret ad res bellicas indoles, Vladislaus rex Tranſyluanix Ducem declarauit, quem Vuaiuodā vocant, Banumq; creauit Seuerienſem, ac Comitem Theſſienſem. Ea; illi potiffimum oppida, quæ Turcis obiecta erant, commiſit: et tantum copiarū, quantum res tunc ſinebat, aſſignauit, vt non ſolum ſua defendere poſſet: quod & poſtea fecit, & Turcis magnū ſæpe terrorem incuſſit: adeo diuinitus vir hic videbatur delectus, qui rem Chriſtianā prolapſurā ſuſtineret. Nam cum exercitu Seruiā ingreſſus, pluribus cladibus Turcos affecit, eorumque duces bis acie ſtrauit. Iſaac enim, qui Sinederouiam & adiacentes regni Raſciani arces dono Cæſaris Turcorum poſſidebat, cum vicos villasq; Belgrado ( quod Ioannes Huniades tum tenebat ) circumiacentes exureret, animoq; elatus popularetur, ab Huniade ſuſus fugatusq; eſt, opimāq; ſpolia in prædam Hungaris reduxit, multosque captiuos ſecum abegit, haud parua cum gloria. Alter vero Meſetbegus Turcorum regulus, vir ſæuus, animoq; tumidus, rerum tamen bellicarum haud ignarus, coactō ingenti exercitu trans alpes clām erupit in Tranſyluaniam, omnia ferro ignique deuſtabat, prædam magnā & hominum & pecudum abigebat, priuſquam Ioannes Huniades cogere poſſet vel mediocres copias. Immo cum longe impar eſſet, campo cedere, & hoſti locum ſæuiendi dare coactus eſt.

Quam

Quum itaq; occiso quodā Antistite, & abacta præda tumidus per Transylvaniam ferretur Turcus, Huniades vndiq; tumultuarium militem colligēs, edidicit per exploratores Mesetbeghi & copias exercitus, & pugnandi consilia: Mutato habitu, impetum in Turcos fecit, occidit strauitq; exercitum, ac in fugam conuertit. Præfectum verò Mesetbeghi cum filio interfecit, prædam prius abactam recuperavit, captos liberauit: & quum fugientes persequeretur, alpes penetrās, Moldauiam prius per Turcos ablatam recuperavit, tegnoq; adiecit: multaq; cū laude ac spoliis maximis onustus, vir fortissimus rediit. Omnes præterea occultos tramites, quibus Turci erumpere soliti erant, ita clausit, vt omnem eis de prædandi occasionem adimeret. Hoc quum Imperator Amurathus animo secum tacitus volueret, toties suorum actas strages indignatus, & quod Moldauia erepta esset, Bassam qui secundū post se locū occupat, virū strenuum & bellicosum ad se vocat, eunq; cum octoginta millibus delectorū militum transalpinas terras inuadere iubet, vt illatam vlcisatur cladem, & Transylvaniam omnem populetur: Irruit igitur per alpes Bassa, & absq; pietate obuia quæq; neci dat, ac in miseram seruitutem impellit. Huniades, etsi viribus numeroq; militū longe impar foret, militari manu stipatus, stragem suorū videre impatiens, vincere aut mori statuit. Coadunatis igitur copiis ac suis præsidiis, hostem aggreditur intrepidus. Fit prælium ingens, maxima vtrunque æditur strages, cadunt vtraque ex parte multi. Sed quum feruētius magis magisq; instaret Huniades, Turci fugam arripiunt. Subsequeuti Hungari, campū omnē planiciem cadaueribus ita implēt Turcorum occisione, vt breui post aër infectus hominibus ne

D 3

bus ne



bus negaret illic habitationem. Fuis tot millium hostibus, abactaq; ingēti praeda, pretiosissimis rebus ac amplissimo thesauro ditatus Huniades, cūctis cepit esse admirationi. Ex rebus verò strenue gestis, hosti stupori terroriq;. Quinetiam & eius nomen adeò terrificū fuit, vt plorantibus pueris, matres familias taciturnitatem non aliter impetrarent, quā Huniadis præsentiā minantes. Creuerat interim Vladislai regis indies autoritas ac potentia, potissimum ob mortem Elizabethæ Reginae matris Ladislai regis posthumi, quæ caussa fuit, vt Reguli alterius factionis facile se Vladislao concederent. Iulianus itaq; Cæsarinus Cardinalis ab Eugenio missus, qui de pace in Hungaria inter Reges agebat, ratus commodum suadendi tempus expeditionis cōtra Turcos, & publicè apud Regem, & priuatim apud primores regni, cœpit eam rem agere. Accedebant Principum Christianorū promissa & pollicitationes. Mouebat præterea Despotus exul Regem, qui calamitates Christianis inflictas, & pleraque omnia cruciatus genera foedaque supplicia per crudelitatem à Turco sumpta, flendo diesq; noctesque vociferabatur. Præterea Huniades propulsandas tam crebro illatas iniurias literis persuaast. His excitus Rex Vladislaus, tertio regni sui anno grandem selectorū militum conflauit exercitum. Venerunt Poloni, venerūt ex omni Christiano orbe cruce signati milites. Traiecto itaq; Danubio, Rex cū exercitu ad Tibiscū fluuium venit. Quo superato, rursus se ad Danubium conuertit, copiasq; ad Salsum lapidem traiecit in Bulgariam. Mox rectā progressus est Sophiam urbem famigeratā thermis oppugnatum. Quo in loco Despotus cum suis regio exercitui se coniunxit. Huniades regno Rasciano

ue Sera

ue Seruix pertrāſſto, Bulgaria regnum (quod Turci tum occupabant) inſeſtiſſimis armis hoſtiliter ingreſſus, obuia quæq; aut ferro aut igne deleuit, deiectis Turcorum præſidiis. Omnia itaq; oppida ac munitiones in ſauillas mox redigebantur, à militibus prius, omnibus ſpoliis direptis. Et licet magnā Seruix partē recuperaffet, non tamen Georgio Deſpota omnia reſtituit, ſed multa amicis, q̃ ſua virtute repuliſſet hoſtes, donauit. Præterea quum Deſpotus medius inter Hūgaros ac Turcos, nūc hos nūc illos ſefelliſſet, in religione quoq; neq; Romanæ eccleſiæ auſcultaret, neq; Mahometis legem ſequeret, erat Huniadi fides Georgij ſuſpecta. Pugnauit in eum diem, quinquies collatis ſignis Huniades cōtra turcos, ſemp victor. Inſtabat ſexta victoria, nā partito exercitu, Rex Huniadi multitudinem electam cum decem millibus armatorū conceſſit. Quia per exploratores duo millia hoſtium aduentare ante alium exercitum magnum nuntiabantur, vt per ſilentium noctis nil tale opinantes hoſtes adoriretur. Huniades itaq; flumen Morauam traiecit, relictisq; impedimentis Baſſam petebat, prælium initurus. Baſſa timuit, retroq; ceſſit. Huniades verò ad urbē Niſam proſectus, obſidione eam cinxit: Nec magno negotio expugnauit. Inde Baſſa cum exercitu reuertitur, bellum petiturus. Cui obuiam Huniades perrexit. Amurathus nanque omne robur cōgerat, & florem iuuentutis armauerat, vt magno belli apparatu vlciſceretur damna accepta, Baſſamque Natoliensem aſſinem ſuum expeditionis Ducem fecit. Fortè hic in itinere pauculos reperit Hūgaros vulneratos & ſemiuiuos, quos Cæſari ſuo miſſit vinctos, tales aſſerens hoſtes, quos toties pertiuiſſent Turci. Cui Cæſar reſpondit literis:

Felix

# IO. CVSPINIANI

Felix vbi redieris, mihi nuntians quales sint hostes nostri, quos ipse etiam sæpe fugi. Vbi Christianorum exercitus numerum longe maiorem Turcorum agnouit, trepidatio in castris exorta est. Quos tamē virili oratione Huniades ita incendit, vt desiderio pugnandi iam arderent. Trepidatio quoque Turcos inuasit, malo augurio. Bassa enim certamen in horam vespertinā distulit, vt si bello superaretur, nocturnę tenebrę subsidio fugientibus forent: deceptus tamen est, quum luna pernox esset. Adito igitur maximo vtrinque clamore, initur pugna, maiorque longe cædes quā primo numero eorum qui vicerunt, commissā est. Siquidē ad triginta millia Turcorum ea nocte cæsa dicuntur, vt Imperatori Fridrico Tertio literis significatum est: licet alij duo tantum millia cæsa tradant, & super quatuor millia capta, cum nouem signis militaribus, ac tredecim Ducibus. In quibus & Bassa ipse circa noctis medium ad castra Huniadis captus ducitur. Tanta victoria Huniades, haud sanē magna suorum facta iactura, maximo cū gaudio ad Regem rediit, ab eo collaudatus. Regem hortatur, qui iam ob itineris difficultatem & hyemis sæuitiam, qua intolerabili rigore & homines & iumenta perierant, atque ob pabuli penuriam retrogredi cogitabat, vt superatis montibus, qui imminebant, in Macedoniam atque Thraciam duceret exercitum. Quod veritus etiam Amurathus, accitis ad se ex Asia nouis copiis, angustias montium obsidere iussit, munireque precipitia Rhodopes, quo Vladislaus sub montibus retineretur. Principē exequēdi consilij fecit, ducem Phrygię Carambū, virum manu atque ingenio promptū: sed qui incautus in Christianos impetum faciens, capitur: castraque Turcorum expugnantur. Cui a Turcis substituitur

tustur Alibeuſ, qui ſortes conatus Huniadiſ excelſiſſimos montes cū exercitu aſcendentis, eluſit. Vnde Rex conſilium repetendi patriam inuito Deſpoto capit, Belgradumq; attingit, exuſtis impedi-  
 mentis, propter quæ ſubſequentes Turci velitares pugnas ædebant. Maximoq; triumpho Budam eſt delatus, receptis prius in deditiōem vrbibus, oppidis, ac caſtellis Bulgarorū: in quibꝰ & Sophia vrbs fuit. Præeuntibus dehinc captiuis cum Carambo Duce, ſuffixis ſignis in tholo tēpli, atq; ideo à Chriſtianis principibus per legationes crebras laudatus, atq; pro renouanda expeditione admonitus. Attulit Turcis ea victoria plus pauoris q̃ damni, quum non tantum Hungaricas, ſed Germanicas quoque vires experti eſſent. Et iam Caramannus Ciliciæ Rex, cum validiſſimo exercitu in Ponto ac Bithy-  
 nia Turcos hoſtiliter inuaſit. Ob id conſternati ac metu percuſſi, quaſi totus Occidens in eos coniuraſſet, pacem petere conſultabāt, miſſo clām nūtio, qui Deſpoto perſuaderet pacem aſſumendam Hungaris, propoſita libertate filiorū, qui ſcedo carcere vin-  
 cti, & oculis crudeliter mulctati, ludibriisq; quibus que erāt expoſiti: Promiſſo etiā regno Seruiæ, qđ ſam pridem amiſerant. Sciebat enim ſe imparē fore, ſi à tot hoſtibus aggredederetur, niſi integer ad vnum ſe conuerteret. Ideo hortabatur idem Deſpontum, vt cum Rege de redemptione Carambi ageret, pro quo quinquaginta millia obtulit aureorum. Hæc Huniadi Deſpotus enarrauit, qui varios inopinatosq; belli caſus animo reuoluebat, quum Fridericus cum etiam Imperatorē vereretur: ac plura aſſequenda oblata ſuo Regi pace q̃ bello intelligebat: qui etiam quibus ſcđa moleſtabatur factionibus inteſtinis quæ in Polonia fiebant. Ideo Regi ſuadet, vt cū nu-  
 meroſo



## IO. CVSPINIANI

meroso instructo exercitu, ad Segedinum moueat, quò Turci legati venturi erant, de pace acturi. Dissuasit pacem Eugenius Maximus Pontifex per Iulianum Cardinalem, ac Philippus Burgundia dux, Venetiq; qui classem ingentē (cui Franciscus Cardinalis Eugenij præfesset nepos) ad Hellespōtum semissuros promittebant, ne ex Asia in Europā traicere Turcus posset. Dissuasit etiam Ioannes Palæologus Græcorū Imperator, qui circumadiacētes in Asia Tetrarchas profligare Turcum nuntiabat: se parte ex altera cū exercitu affuturum, si nouam expeditionē Rex ad Thraciæ Macedoniæq; fines adduceret, quo ex Europa Turcus facile deiiceretur. Vladislauis tamen omnia diligenter animo voluēs, audito Oratore Turci, pacem in decem annos concludit; Vt omnia dominis suis ablata, ac quomodo cunq; à Turco oppressa, restituerentur. In primisq; Despoto liberi sui, ac regnū Seruiæ cū Sinderouia, aliisq; regni Rasciani munitionibus. Bulgaria tantum in deditioe Turci remaneret. Dies tunc constituta, in qua oppida ciuitatesq; prout pactum erat, traderentur. Hæc singula ab vtraq; parte iureiurando arctissimo (heu pro dolor) sunt confirmata: adhibita de more ceremoniæ graues ac solennes. Ea pax molestissima fuit Iuliano Cardinali, cui prosequenda victoria videbatur. Et Eugenius Pontifex certior factus, Regis nullum valere fœdus, q̃ se inconsulto cū Christianæ religionis hostibus percussusum esset, rescripsit. Franciscus insuper Cardinalis Turcum in Asiam contra Caramannū traiecissee literis nuntiavit. Sic etiam Imperator Græcus omnia per dolum ac fraudem ab Oratore Turcorū in fœdere acta, Vladislao scripsit, & vt occasionē tantam non amitteret, quum hostis distractus multiplici bel



ci bello mari terrarq; sibiipſi nō conſtaret. Literis in Regis ac procerū conſpectu lectis, Hungaros facile induxit Iulianus, vt pacis ſuſceptę pēniteret; eamque mox improbat, abrogatq; iuſiurandum. Quoniam Turcus ad conſtitutam diem neque captiuos omnes ſoluerat, nec oppidis vrbiſuſque, quibus oportuit ex ſœdere ceſſerat: Licet paulō poſt iuſtis dominis omnia reſtitueret, & captiuos & filios Deſpoti. Vladislaus igitur iis commotus, exercitū minorem q̄ anno ſuperiore habuerat, cū Iuliano Cardinali, quem milites cruce ſignati ſequebantur, per Vualachiam ducit: ac trāſito Danubio, in Myſſiam & Bulgariam traducit exercitum, vt per plana ac campeſtria loca Romaniam attingeret: hoc eſt, loca illa maritima verſus Meridiem ad Boſphorum, Propontidē, & Hellespontū, cuius prouincię caput eſt Byzantium. Quum enī Conſtantine princeps, *nota.* Helenę filius, Romani Imperij partem vnā huc tranſtulſſet, coloniāq; deducta foret, ob frequētem Romanorū cultum, pars Thraciæ maritima Romanicę nomen adepta eſt. Sed quum à Nicopoli (quæ Metropolis eſt Bulgarorum) dūctaret exercitū, fruſtra eſt à fortiffimo illo Vladislao Dracula Vualachię principe admonitus, vt retro iter verteret: Cū ſæpius ſe vidiffſſe aſſereret Turcum plures ſecum ſeruos ad venationē producere, q̄ illic armatos ad bellum videret. Sed caſtigatus à Iuliano, quatuor milia equitū dūce filio ſuo, copiis regiis adiecit, quum videret Regem fato quodam ad interitum ſuum ſeſtinare. Milites autem in ſacra Bulgarorum Græcorumq; graſſabantur, eorumq; templa veluti prophana, manu, ferro, igne, violabant: quod certe impium erat. Dū ergo exercitus Regis tranſcendiſſet Hæmū, veniſſetq; in planiciem, oppida circū littus adiacen

## IO. CVSPINIANI

adiacentia recepit, ac præfidiis Christianorum com-  
muniuit, eiectis Turcis. Atq; circa Varnam Roma-  
niæ ciuitatem, tanquā natura munitū locum, castra  
metati sunt: vbi regio est naturali situ amēna & spe-  
ctabilis, cum sinu angustō inter duo promontoria.  
Vix autē illuc peruenerat Rex cū exercitu, quum  
paulō ante nuntiatuſ esset Amurathi Turcorū Im-  
peratoris aduentus, cū instructo ac numeroso exer-  
citu. Amurathus enim cognito hostiū aduentu,  
quum Græcis ac Turcis in Europa manētibus, nō  
satis fideret, exercitum ex Asiaticis militibus, corru-  
ptis pretio speculatorib⁹, infra Callipolim, qua fau-  
ces Helleſponti arctissimæ sunt in Bosphoro, in Eu-  
ropam reportauit: cōiunxitq; suis, qui nō procul ab  
Isthmo Thraciæ Chersonessi haud sanē memorabi-  
li numero congregati fuerant. Dicūtur Genuenses  
pro singulis capitibus aureum nummum accepisse  
pro vectigali, numerumq; vltra centū millia ascen-  
disse: Tor enim milites traduxit. Dehinc ab Isthmo  
Adrianopolim profecti, septimo tandem die iuxta  
castra regia confedere. Trepidatum est in castris re-  
giis, dum insperatū hostiū numerū contemplan-  
tur. Et dum Iulianus cū Agriensi Episcopo, aliisq;  
Hungaris censerent intra currus exercitū munien-  
dum, Huniades ac Despotus manus conserēdas Re-  
gi persuaſerunt: horumq; vicit sententia. Huniades  
igitur ordinata acie, ac singulis ex militari discipli-  
na optime dispositis, Turcis (quorum sex millia A-  
murathus præmiserat, vel vt Pius scribit, quinde-  
cim millia) in albis vestibus allatis, ac aureis equo-  
rum ornamentis, qui pugnam prouocarēt, licet ma-  
gnus peditū equitumq; sequeretur numerus, obus-  
am prodire iussit Christianū exercitum. Sed calamita-  
tis futuræ signa mox aderāt, Nam & terræmotus  
mox

mox regionem inuasit magnus, & impetus ventorum turbine pleraque deiecit vexilla. Et quum armaretur Rex manu armigeri, decidit galea. Equus etiam Regis ascensuro insolite obluetabatur. Sed hæc nemo, fato sic ducente, considerabat. Fit pugnae initium. Elatus in cælum ingens clamor. Itum est ferocibus animis in pugnam, nil ommissum, quod electos deceret milites. Acies Christiana primum Turcos in fugam vertit, plurimis prostratis ac iugulatis. Amurathus magno metu percussus, prælio excedere statuit, proditum exercitum suspicatus, sed circumstantis satellitæ manu, eius equi fenum comprehendente retentus, inuitus persistisse dicitur, quum eius ignominiam miles increpasset. Egregium facinus in illa funesta acie ædidiit vir quidam Gallicus. Is quia erat præualido corpore animoque inuictus, haud mortem ullam pertimescens, mediis Turcorum agminibus cuneo rescissis, ad Amurathum usque peruenit: quem conto prius, mox gladio percussit. Caterum infesto hostium occursum a suis exclusus, post multa & præclara dextræ facinora, in confertissima hostium strage cecidit. Amurathus metu percussus, iterum bello excedere deliberauit. Sed quum longa duceret suspiria, fertur vexillum S. Ladislai quod Hungari ferebant, ac alterum quod cruce signati milites, in quo imago Christi erat, vidisse, magnaue voce patralingua exclamasse: Crucifixe, crucifixe, vide gentem tuam perfidam, quæ a te non lacescit, contra iurandum, æquum, ius omne, ac fidem violauit: si deus es aliquis, fac ut periurij poenā luant. Reuocata est pugna summa contentione, nunc Turcis, nunc Christianis cadentibus. Diu ancipiti Marte pugnatum, dum Christiana acies sua virtute sustentantur, Turci numero suppleant: tantumque sanguinis utrinque

1400.

effunditur, vt in modū lacus campi stagnarent. Varradiensis Episcopus Ioānes per paludes fugiens, fœda equi ac sua luctatione in cœno vexatus, tandem submersus est. Agriensis Simon nomine, qui pugna excesserat, quum rediret, nusquā postea comparuit. Rex ad Ianizaros (ita pedestres milites Turci appellant) delatus, quum equus eius ingens in latus vulnus accepisset, per dextrū equi armum præceps effusus, à Ianizaris telorū multitudine non tam confossus est, q̄ obrutus, Anno regni sui quarto, Salutis verò Christianæ quadragesimoquarto, post Millesimum quadringentesimum: decima die Nouēbris, quæ vigilia diui Martini fuit. Caput eius post truncatum ac infixum hasta, populis ostentatum. Turci in eo loco columnam, quæ hodie quoq; visitur, cum inscriptione rei gestæ statuerunt. Huniades quum regium corpus recuperare nequiret, acceptis secum Vabacchis, fuga salutem quæsiuit. Haudquam nefas ducens, superesse aliquem post Regis interitū, qui acceptā cladem vlcisci posset, afflictasque Christianorū opes tueri ac reparare, ignominiāq; delere: ne vna funesta pugna omnia extinguerentur. Cæteri qui supererant, omnes fugæ se commiserunt. Sed partim in lucanas ac paludes dilapsi, submersi sunt: partim in syluis vepribusq; fame, frigore, siti, vigilia interiire. Iulianus Cardinalis equo fugiens, dū cursu fatigatus potu reficitur, spoliatus seminudusq; in deuio saltu animam exhalans reperiatus est. Hunc Gregorius Sanocenus ex proceribus non infimus videns quum obequitarer, cū execratione admonuit, quod euentus belli tandem planū fecisset, non fuisse Deo cordi ea quæ contra fœdus ac iusiurandū, more magis argutorū hominum, q̄ ex aequo ac bono consulisset, & ipse & Pontifex.

Culpa

Culpa etiam Cardinali Venetorum imputabatur, qui neq; fretum rectè custodisset, neque traiectos Regi significasset. Poloni acceptam eo praelio cladem, Huniadis vecordiae atq; ignauiae tradiderunt. Si tamen Vladislaus Rex adolescens, animosius magis quàm callidus, vnus Huniadis consilium sequi quàm iuuenili temeritati obsequi maluisset, non tã miseranda clade periisset. Fertur conflictus ille trium dierum & noctium spatio continuatus. Quàm misera autem fuerit hæc Varnensis clades, si quis copiosius scire voluerit, legat P. Callimachi experientis tres elegantissimos libros, quos Casimiro Regi Poloniae ac fratri Vladislai inscripsit. Caterùm Huniades superato Danubio citatissimo itinere per Valachiam (quæ olim Daciâ dicebatur) dũ in Hungariam properaret, ne male rei gestæ fama seditionem tumultum uel exuscitarent, à Dracula Transalpinæ gentis Vuaiuoda captus est, quem non hostem timebat. Nam quum male pugnatum in praelio Varnensi intellexeret, & Huniadi obuiaffet hinc redeunti, quasi hostem in vincula coniecit. Sed cum in animũ reuocasset iniuriã frustra viro forti præter merita illatam, è carcere cum grandibus muneribus emisit. Nec diu post Huniades Gubernator regni Hungariæ communi procerum consensu est creatus: Ac tum condigna supplicia de Vuaiuoda Transalpino, eiusque maiori natu suscepit. In clade autem Varnensi numerus caëorum incertus est, quoddam multi in paludibus submersi disparuerunt. Triginta tamen millia Christianorum caesa à quibusdam referuntur, quum multo maior numerus fuit Turcorum, quæ ea litrage perierunt. Nã circiter quadraginta millia victor Amurathus è suis perdidit.

Ob id neq; fugiētes hostes insequutus est, neq; gloriabundus inter suos aut magnifica verba aut hilarē vultum præbuerat. Sed quum rogaretur, cur deūctis hostibus tā insignis victoria, nullum lætitiæ signum exultando exhiberet: Respondit memorabilī voce: Nolle se simili euentu sapius vincere, significans eā pugnam magis suis, q̃ Christianis fuisse funestam, atq; haud sibi incruentā cessisse victoriam. Idcirco colligere iubēs sarcinas ac impedimēta militaria, copias domum transmisit. Ipse Adrianopolim concedens, Deo suo victoriæ vota persoluit.

Dehinc vel quia bellorū tædium ceperat, vel fortunæ inconstantiam veritus, vel q̃ iam grauior annis quietem ac otium bello præferret, accersitis prouinciarum maioribus, Mahometem ex liberis suis maiorem, imperio præfecit. Ipse in Asiam reuersus, priuatam deligens vitā, cum paucis otij sui comitibus religioni cuidā solitarię sese addicere cogitauit. Cur autem sese Amurathes religioni addixerit, mirandā inueni causam in quodā opusculo, quod captiuus quidam Christianus scripsit, dum viginti annis misera seruitute, omnem eorum ritum, linguam ac religionem edidicisset, a quo ista accepi. Orta enim cō tentione inter sacerdotes, qui Tacusmani gentili lingua, & religiosos qui Demrschler nuncupantur, de quibus plura inferius scribā, cui potius vota & elemosynæ populi iure deberentur. Sacerdotes sibi deberi causati, dixerūt: Nos curam populi habemus consultando, iudicando, regendo, docendo legem, tribuēdo & obseruādo, & totius populi onus portando. Quum igitur ministerium nostrum vniuerso regno magis sit necessarium, merito vota nobis debentur. Contra religiosi: Nos, inquit, sumus successores & vicem gerentes eorū qui fundamen-  
tum

tum sunt legis & gratiæ, qui & pro populo coram Deo assistentes, omnes necessitates eius suis meritis et intercessione supplētes, regni pericula auertimus, bona operamur, omni facultate & studio hominibus succurrimus deficientibus, & auxiliamur: nobis igitur eleemosynæ & vota populi, iure debentur. Dissensio istæc ad Amurathem, tanquam ad supremum arbitrum, à quo prouocare absque omni contradictione minime liceret, delata est. Qui penso atque diligenti iudicio rationes vtriusque partis quum examinasset, sacerdotum ministerium regno magis necessarium cognouit, hisque merito vota populi adiudicare cogitabat. Religiosi huius rei facti certiores, Regem adeunt supplicantes, ne hanc sententiam, priusquàm paulò diligentius secum hanc rem discuterent, promulgaret. Adiecit rex septem dierum inducias. Vñ fortè nocte, paucis interiectis diebus, quum Amurathes in lecto quiescens, commotionem sentiret viscerum, vt opus naturæ excrementa deiciendo expleret, secretionem petiit locum: ac sedens soluta tabula quadam præcipitatus in cloacam, nec clamore vllò (quoniam vñdique clausum erat cubiculum) nec labore proprio, (licet plurimum fatigatus omnia tentasset) præsens periculum effugere poterat. Mox sanctum aliquem qui huic necessitati opitularetur inuocauit. Quoni- no ta.  
 am (vt Plinius ait) tum præcipuus votorum locus est, quum spei nullus est. Et ecce habitu religiosorum quidā apparuit, ô Amyra, inquit, vbi illi sunt, quos regno tuo pernecessarios iudicasti? Cur huic necessitati non accurrunt? Nunquid illi præferendi, qui vbi virtus humana defecerit, inuocantibus se vtrò ostendunt? His dictis Regem lecto suo illexum restituens, euauit. Mane Rex acta nocturni



## IO. CVSPINIANI

na reuoluens, conuocatis religiosis omnibus quos habere poterat, singulos alloquens, cuiq; nummos aureos distribuit, diligentissime vnumquencq; de facie intuitus, si fortè inueniret eum, qui sibi opitulatus esset. Quum autem Rex talem non inueniret, quum iam singuli transissent, accessit maior inter religiosos Regem dicens: Ne mireris si illum qui nocte tibi opem attulit, hic non appareat. Vnus enim comunè omnium causam egit, quoniam de nostra salute fuit tractatum. Ex hac illusione Rex in eam venit mentis alienationem, vt filio adhuc im-  
puberi regno præfecto, in Mamissam urbem, vbi multitudo religiosorum est, successerit, religioniq; operam dederit. Scribūt aliqui Amurathum post Varnensem pugnam Corinthiacum Isthmum, qui vulgo hodie Hexamilium ex loci distantia Græca voce dicitur, summa vi expugnasse ac diruisse. Nam Peloponneses prædicta clade perculsi, adorti fuerant celeri & irrequieto opere Isthmum munire, ac muro cingere. Quemadmodum plures olim & perfodere tentarunt, licet semper infelto omine opus inchoatum infelicitè defecit. Quod satis superq; liquet, si quis Demetrii Regis, Iulij Cæsaris, Can Neronis, & Herodis Attici inanes conatus pensabit. Recentem igitur hunc Græcorum conatum Amurathus discussurus, cum exercitu Isthmum adequitauit, ac tandem cepit. Constantinus enim Palæologus, qui nouissime Byzantiæ imperauit, instaurandam curauit quodam Christianorum successu, tributumque Turcorum Regi minime reddendum esse statuit. Sed ab Amuratho multatus pecunia, murum diruere iussus est. Licet aliqui Græcis resistentibus obsidionem traxisse illinc scribant Turcum. Sic autem Peloponnesus ex fratrum

trum

tum discordia iniuriæ obnoxia, in ditionem Turci cessit. Cæterum Huniades acceptam Varnetia dem & contumeliam semper ante oculos gerens, vt priorem aboleret ignominiam, & illata resarciret damna, ex Hungaria, cui iam annis penè quatuor præfuerat Gubernator, quantas potuit maximas cogit copias, tum etiam ex Bohæmia, item & Germania vicina, vt Turcum inopinatum & nil tale timentem pessundaret. Ferebatur enim Turcus tum otio deditus, Calibassam, qui populo præesset, substituisse Imperatorem. Itaque verum arbitrabatur incondito populo defuturum. Rebus igitur gerendis solertiam ac celeritatem adhibuit. Despotus Seruiz, quia exercitus Hungarorum terras suas vastauit, nec in eam expeditionem vocatus erat, Turcorum Ducibus consilium Huniadis patefecit, magnumque timorem genti incussit. Percussus nuntio Turci, Amurathum iam religioni addictum (vt quidam scribunt) ex Asia euocant: quod filius tantam belli molem ferre nequiret: Calibassa verò eius magister, obedientiam militum (qua in bello nihil pretiosius) minime habiturus esset. Ianizeri enim, & puerum & pædagogum pueri contemnebant. A magnatibus igitur & Principibus exercitus Amurathes, ne regnum in periculosissimum discrimen veniret, minis victus & precibus, ad gubernationem rediit. Concurrit ergo vterque exercitus in Cassonio Mysiæ campo, quem alij campum Merulæ appellat, in Bulgaria, vbi atrociter infestis armis toto triduo dimicatum est, primum victoria atq; iterum Hungaris cedente. Qui etsi numero impares essent, virtute tamen præstabant. Verum quum victori victor insurgeret, fuis fugatisq; hostium copiis, Amurathus castra Huniades dum oppugnat, superat.

# IO. CVSPINIANI

Nam Mahometus Cæsaris filius, proximo quodā  
 cumulo extra aciem quadraginta habēs electissimo-  
 rum equitum millia, Huniadem paternis castris  
 hærentem, tanta vi est adortus, vt post ingentē suo-  
 rum stragem, ægrè Dux ipse cum paucis sit serua-  
 tus. Empta multo sanguine victoria Amurathus  
 (nam ducenta propè millia militum habuisse dici-  
 tur) domum se retulit. Huniades celeri equo fuga  
 sublatus est. Abiectisq; armis grauioribus, in ma-  
 nus duorum Turcorum, qui eum non cognouerāt,  
 deuenit. Ab iis expoliatus, dum de quodam amu-  
 leto quod in collo fortasse gestabat, inter se concerta-  
 rent, alterum ense strauit, alter fuga elapsus euasit.  
 Solus in syluam cum equo delatus, inuenit Rascia-  
 num quendam, à quo Sinderouiam est deductus.  
 Sed quum Belgradum peteret, à Georgio Despo-  
 to Seruiæ captus, vix filio suo Ladislao maiore na-  
 tu in obsidē dato, assequi potuit, vt incolumis emi-  
 teretur. Licet toties Regnicolæ magnum auri pon-  
 dus homini ingratissimo, qui ab Hungaris in suum  
 regnum restitutus erat, pro redemptione guberna-  
 toris offerrent. Liber tamen factus, vastatione re-  
 gni sui, haud sine parua pœna coactus est filium re-  
 stituere. Quod quum Amurathus intellexisset, indi-  
 gnatus Despoto quod carcere hostem tantum emi-  
 sisset, regnum hoc Seruiæ cuidam præfecto Fritze-  
 becho tradidit expugnandum. Duos enim post se  
 Duces priusquam in Asiam migraret, reliquit: hūc  
 scilicet qui Dacas à Thraciæ incursione prohiberet,  
 Despotumq; debellaret: & Iosebechum, qui Dal-  
 matiam hostiliter popularetur. Georgius Despo-  
 tus audiens in se concitari bellum, anxius se cœpit  
 accusare, quod gubernatorem Hungariæ immerito  
 læssisset carcere, in quo vnico salus sua esset reposita.

Abiecta

Abiecta itaq; verecundia, supplex Huniadis genus  
 busaduoluit, ab eo tandē supplicias impetrauit. Qui  
 dicto citius noctu Rascianos attingens agros, ma-  
 ne Turcos aggressus, in fugam venit ac profliga-  
 uit, capto duce Fritzebecho cum multis electissi-  
 mis militibus: quos Despoto carceri mancipandos  
 tradidit. Ipse exulto Bidino Bulgaria insigniore vr-  
 be, cum triumpho in Hungariam venit. Quidam  
 Amuratho hanc vltimam fuisse cum Huniade expe-  
 ditionem asserunt, cum paulo post mortem obiret.  
 Alij vero narrant alidius Macedonum querelis fa-  
 tigatum, suscepisse postremam aduersus Castriothū  
 cui Scandercho cognomen fuit, qui fines Macedo-  
 num ferro igneq; vastabat, cum a fide defecisset, fus-  
 so in Transylvania Mesetbego, cuius ductu milita-  
 bat. Primo enim in Thesphalam veniens tanquam  
 regis negocium curaturus, nec prius profugā egit,  
 quam paterno regno sit potitus, quanquam graui  
 iactura affectus prouinciam reliquerit. Tum vires  
 recuperans, Macedones continuē lacessiuit. Quorū  
 querela impulsus, licet senio confectus Amurathus:  
 in Epirum transgressus, sua populatione omne so-  
 lum ad Adriam vsque affixit. Nullo tamen loco  
 munitiore potitus. Sed dum Epirotæ angustias syl-  
 uarum infedissent, in reditu quoq; magnam impe-  
 dimentorum partem interciperent, caesa ac profliga-  
 ta magna & præcipua copiarum parte, homo senex  
 ex metu ac fuga & ex morore animi in morbum  
 incidit: quo inualecente, paucis diebus mortem op-  
 petiit, anno vitæ lxxv. Ex quo regnare coeperat,  
 quadragesimo (vel vt alij scribunt) quarto & tri-  
 gesimo. Etenim Schenderbrechus, postquam in sua  
 amlectam ascitus est, plures ei prouincias acquisi-  
 uit. Inter quas & Moesiā assequutus, Georgio Des-

## IO. CVSPINIANI.

spoto, qui Vucheruch dicebatur, ac Nouiomonto  
eius regionis Metropoli expugnato, vbi auri argen-  
tiq; fodine dicuntur esse, extincto patre ac fratre Co-  
ragusio natus maiore, qui erat obses in Adrianopoli,  
regnum ei paternum tradidit. Interim Eugenius  
quartus audita fama, hunc per nuncios ac literas ad  
nostros, ac fidem pristinam traducere conatur. Ille  
confestim obtemperat, ac rebellans tot pro religi-  
one res gessit, quot antè contra. Ac de improviso  
Croiam, Sfetigradum, Stelusium, Modriciam, &  
Ternaciam oppida in ea regione occupat. Amura-  
thus contra eum Amesambech fratris eius filium,  
deinde Vranaum Duces cum copiis mittit. Croiã  
iam quatuor menses obsidebat, cum moritur. Ac fi-  
lius Mahometus missis totidè Ducibus quos Bas-  
sos vocant, frustra vires instaurat, cum ille semper  
parua manu ingentes hostium cateruas funderet ac  
fugaret. Sed Venetis quoq; molestus propter Al-  
bania oppida & debita tributa. Postquam pacatus  
est, Romam concessit, & domum rediens veneno  
absumptus dicitur. Hic Castriothus Pyrrho aut Ale-  
xandro similis, insignis omnino Princeps fuit. Sed  
& Amurathus sic eo pugnante, mortuus est. Nec  
enim ullus inter Othomannos præter hunc diutius  
rexit. Corpus eius more maiorū delatum in Prusia  
am Bithynia ciuitatem, quæ ante captam Constan-  
tinopolim Othomannorum regia erat, à Prusia re-  
ge qui Hannibalem hospitio excepit, appellata.  
Licet etiam inter Mysios vrbs sit Prusias in Olym-  
po, condita ab illo Prusia, qui cum Croeso bellum  
gessit, quæ hodie Bursa corrupto vocabulo nomi-  
natur, emporium insigne Turcorum.

MAHO

AMVRATHVS II.  
MAHOMETVS II. TVRCO.

10

• rum Rex VIII. quē primum Cæsare  
à deuicta Constantinopoli Im-  
periali sede appellant. Vul-  
go Mechemetbeg  
dictus.

**M**Ahometus Amurathi filius admodū adoleſ-  
cens (vix enim. 10. natus annos imperiū à pa-  
tre iam ſenio ſeſſo accepit) qui Caliballam ei inter  
ſatrapas Turcorū, opibus & autoritate virum inſi-  
gnem, q̃ per ætatē imperio nondū eſſet aptus, gu-  
bernatozem dedit. Sed cum ad bellū grande quod  
ab Hungaris imminēbat iterum reuocaretur pater  
ſentētia Caliballę, Mahometus vehemēter aīo fuit  
offenſus, cū ſe illa expeditione glorioſiorem fieri pu-  
taret, veritus ne imperium amitteret, ſi rursus pater  
regnaret. Tum breui poſt mortuo patre imperium  
aſſequutus, dominandi libidine & ambitione infla-  
tus iuuenis, glorię & nouarum rerum percupidus,  
ſcelera quęque attingit, patre longe truculentior. Et  
vt regni initium parricidio auſpicaretur, quo die  
Amurathus pater ē viuīs exceſſit, fratrem nomine  
Thuriſinem, menſem agentem infantię decimum,  
oſtauum, continuo iubet occidi, ne pater ſolus ſepe  
liretur. Vix enim pater animam eſſarat, cum cura  
ſim relicta omni celebrandi funeris cura, petit ædes,  
vbi à nutrice infans alebatur. Ingreſſus igitur per in-  
de atque furore percitus, quærīt infantem. Inuen-  
tum in cunis & ſibi riſu veluti blandientem, violen-  
ta manu abripit, ad proximum parietem inſlictu-  
rus. Quam facinoris atrocitatem conſpicatus Mo-  
ſes, immaniſſimo tyranno & chariſſimus & æqua-  
lis, orat ne fraterno ſanguine manus inquinet.

Exorat

# IO. CVSPINIANI.

Exorat ea lege, vt ipse cōtinuo infantem interimat. Paret Moses, moxq; infantem & pręsente, et immotis oculis aspiciente Mahometo, multa vi aquę obrutum suffocat. Infelix mater exticti Turfinis, horribilitate sceleris audita, accurrit ilico, humi iacentem manibus infantem tollit, complet vlulatus omnia. Et quoniam vitę mortem in tanto luctu pręferebat, audax tyrannū multis cum singultibus ita increpat: Hic est, inquit, frater tuus ille Turfinis, o Amyra, quem tibi moriens pater tantis lachrymis commendauit? Siccine decet tuum sanguinem iugulare, ac macerare innocentem? Siccine decet fraterno sanguine auspicari imperium? Onestas, o crudele scelus, plusquā tyrannicum & immane. Sic vitam tuam finies crede mihi, nec alia te fata vnquā manebunt. Hęc & similia dicens nimio dolore perculsa, exanima concidit. Iubet mulierem attolli Tyrannus, ob triumphalis facinoris magnitudinem. Tum hilaris ac lætus, simulatisq; ac fucatis verbis dolorem lenire cupiens, necessitatem ferre æquo animo persuasit, cum factum infectum esse non posset. Veterem Othomannorum Principum consuetudinem esse, vt cæteris interfectis, vnus semper relinquatur in regno. Nam vt neq; plures sunt Dñ, ita neque plures deberi admitti Reges. Itaque vt bono animo sit hortatur. Nam ei se pro filio semper fore. Erat huic mulieris priuignus Mahometus, quę genere erat Turca, & Amurathi vxor, cum ipse ex matre natus esset Albana & serua. Et vt infanientē mitigaret foeminam, adiecit si quid vellet audacter peteret, nihil enim se passurum petitem ab ea frustra posse indicari. At mulier vt ira ardebat, animo ad vltionem parato, ad vindicandam innocui sanguinis iniuriā, facinoris ministrum implum Mo-



sen expetiuit. Cui mox hunc familiarem suum im-  
 mitis tyrannus vinctum post terga manibus, ac pe-  
 dibus cachenatum dedendum imperat. Quem effe-  
 rata mulier vt accepit, cultellulo qui ei pende-  
 bat & zona pectus miseri hois frustra opẽ domini astatis  
 coram implorantis, ad cor vsque transfigit, nihiloq;  
 cunctata latus dextrum aperit, iecur abscessum eruit  
 datq; canibus discerpendum. Hac vindicta mulier  
 satiata, conqueuit. Habuit item Amurathus pater  
 Mahomethi vxorem, filiam sponderbei nobilis in  
 Penderatia Satrapis, ex qua natum filium nomine  
 Calapinum, sextum agentem mensem, Chalibassæ  
 moriens commendauit. Ille Mahometi gratiam in-  
 iturus, & matrem & puerum ei prodidit. Mahome-  
 tus accersitis triginta ( vt aiunt ) matronis quæ pue-  
 rum cognoscerent, postquam certam Amurathi es-  
 se sobolem constitit, strangulatum matri filium red-  
 didit, funusq; regio more fratrum duxit. Alij scri-  
 bunt Chalibassam alienum pueri Calapini nomi-  
 ne suppositum, ac pro filio Amurathi necatum fuisse.  
 Calapinum vero Constantinopolim trāslatum,  
 ac clām educatum: post captiuitatē vrbis inde sub-  
 tractum, ac primum Venetias, tum Romam Calix-  
 ti Pontificis iussu ductum, ac pro fratre Mahome-  
 ti in palatio custoditum. Qui tandem lauacro Bap-  
 tismatis ablutus, Calixtus est dictus Othomannus.  
 Hic postea in Germania venit in magnam fami-  
 litatem cum Friderico Tertio Imperatore, a quo  
 regiē donatus, ac munifice redditibus annuis proui-  
 sus, in Austria pluribus annis vixit. Vir mansuetus  
 ac religiosus, & qui multarum rerum habuit expe-  
 rientiam. Hunc senem Viennæ cognoui ego iuue-  
 nis, eiusq; colloquio ( nam Latinam linguam egre-  
 gie calluit ) sæpius vsus. Defunctus est in Austria,  
 cum

# IO. CVSPINIANI

cum iam speciosissimam puellam virginem nobis  
 lem de Hohenfeld vxorem duxisset. Quæ vidua fa-  
 cta, priusquam vxor esset, monasterio se incluserat, ut  
 illibatam virginitatem perpetuo custodiret. Rede-  
 amus ad Mahometum. Is suscepto imperio, institu-  
 ta maiorum pro ingenio correxit, rem domi forisque  
 legibus ordinavit, ærarium locupletavit, nova ve-  
 ctigalia homo avarissimus excogitavit, copias au-  
 xit. In proceres & aulicos sævitia & contumeliis  
 grassari coepit sanguinarius Tyrannus: Quod iam  
 manifesta crudelitate & fratris sui & familiaris ami-  
 cissimi patuit. Ad expugnandam Constantinopo-  
 liti animum adiecit. Cum enim hanc suis regionis  
 bus vicinam videret oculis sævis rapacissimus la-  
 tro, nec diu nec noctu quietem animo suo dabat,  
 priusquam ea potiretur. Licet vrbs hæc annis &  
 pannis (ut ita dicam) obstata, longa ægrotatione lan-  
 guens, omni vi roboreque fuit exhausta, exanguis ac  
 ferè exanima, antequam Tyrannus eam expugnaret.  
 Quam minime tamen vicisset, si et ciues suos abscō-  
 ditos in terra thesauros in commune tutamentum e-  
 rogassent, & Veneti suis classibus (ut Christianos  
 decuit, atque par erat) præsto fuissent. Sed quæ incredi-  
 bili celeritate castellum extruens ad Bosphorū, atque ali-  
 ud dissimulans, urbem cepit, crudelissimeque in ca-  
 ptos utriusque sexus sciverit, in Constantino ultimo  
 Græcorum Imperatore superius late differuimus.  
 Capta vrbe triumphavit: & ut patre suo maior vi-  
 deretur, Imperatorem se et Cæsarem declarari fecit.  
 In omnes captos crudeliter sæviens, quos in miseram  
 servitutem redegit. At quid mirum cruentissimum  
 hostem in externos sæuire, qui in suos erat immanissi-  
 mus & crudelissimus, ob nullum in se commissum  
 flagitium, sed ob opū tantum ac nummorum magni-  
 tudi-

tudinem. Cōstituerat Amurathus pater nefario illi  
et abominabili Mahometo filio ab ineunte vsq; pu  
eritia tanquā Pædonomum quendā morū vitēq;  
magistrum, Chalin seu Caliballam, virū & ætate  
& opinione hoim inter Barbaros illos grauissimū.  
Quem etiā moriens eidem Mahometo, qui adhuc  
adolefcentem ageret, tutorem esse voluit, vt superi  
us annotauimus: Monēs identidē filiū flagitiosum  
& impium, aciubens non secus vnum Chalin &  
audiret & obseruaret, quā si pater esset. Conside  
rabat enim pater viri prudentiam, amoremq; erga  
se atq; suos omnes, cum repeteret ætates vsq; septē  
superiores, quibus maiores ipsius Chalis primarij  
semper fuerant in Othomannorum tyrannide, &  
Turcis omnibus dilectissimi. Itaq; post deuictum  
illud Orientale emporium Constantinopolim, con  
tinuo in Chalin tutorem, quā optime de se ab in  
fantia vsq; meritū, debacchari cōpit, q; Turcorū  
esset omniū opulentissimus. Sed vt honestiore obtē  
tu id faceret, Chalin confictis dolis, insinulat sem  
per sensisse cum Christianis, cuius persuasione  
factum fuerit, vt pater Amurathus nunquam sit au  
sus in tot Græcorum iniuriis Constantinopolim  
bello fortiter virgere, quam nullo quasi labore op  
prefferit, ac diripuerit. Chalis enim prudentissi  
mus, satius arbitrabatur Orientale illud imperium  
ætate & longa ægrotatione confectum, sua interio  
re tabe paulatim ac sensim dissolui atque deficere,  
quā turbulenta ac repentina aliqua vi, qua fortē  
omnium Christianorum Principum vires in ex  
tremam Turcorum calamitatem coactæ coniurassent,  
opprimere. Ob hanc ergo causam Cha  
lin locupletissimum inopinato captum, post vari  
os & acerbissimos corporis cruciatus strangulat.

Ingen

Ingentes enim quas cumulauerat diuitiæ, exitij causa fuerunt. Suffecit ilico in eius locum Mahometum iuuenem industrium ac insolentem, natum parentibus Christianis, Triballo patre, & matre Constantinopolitana, eademq; Agarina: & sibi usq; a puero ut æqualem ac sodalem summa familiaritate cōiunctum. Nunc non modo exercitui Occidentali (hoc enim nomine has copias vocant quæ colliguntur ex Europæ prouinciis) Ducem præfecerat, sed omnia per eum quæ maxima & periculosissima erant, gerebat. Erat enim versutus, callidus, strenuus, & nulla in re tardus. Per multa quoque quotidie præclara facinora est adortus, ex quibus tum gloriam non vulgarem est adeptus, tum tyranni dilectionem: quæ se omnia posse quæ vellet, liquido cognoscere videretur. Quare ut se aliquando ex infamionere seruitutis redimeret (nec enim quicuis a puero Christum abnegasset libertate donatus est) excipit Mahometum magnifico regaliq; cōuiuio, ubi nil defuit ad explendas omnium voluptatum illecebras. Affert dehinc auarissimo tyranno precium nummum quinquaginta millia & amplius, verbis usus appostitis & submissis, libertatem suppliciter petens, ut se libero quàm famulo uti malit.

Quo audito ita excandescere cœpit, ut penè a puero sodalem, ac vitæ mortumq; socium, Ducem præterea insignem, ac victoriis illustrem, humi prostratum, tanquàm fugitiuum quendam seruum pedibus calcauerit, fuste vlmeo ad lassitudinem usq; tam diu pulsauerit, ut etiam ipse ex humeris atque brachijs laboraret, donec repetita sæpius voce clamaret: Gratias tibi ago mi here. Similem seruitutem exerceuit in pueros quosdam exoletos, quos pluris facere videbatur, quàm vitam ipsam. Hos tamē quodam

dam celebri conuiuio obtruncauit omnes, quod vini quippiam ebibissent, quod ex illius ebrietate su-  
perfuera. Hac immani crudelitate se adeo cunctis  
terribilem præbuit, vt multos ob opes quas longo  
tempore comparauerant, alios vt vxoribus illorū  
potiretur, alios ob aliam libidinem mactare iube-  
ret. Et si carnifex deesset, ipse suis manibus carnificis  
obiret facinus. Repletus igitur omnibus sceleribus  
omnia contempsit. Nullum esse Deū putauit, Chri-  
stianam fidem irrisit, Mahometum illū pseudopro-  
phetam sui similem fuisse dixit. Vel se illum tanto  
inferiorem, quod & Cyreneus fuerit seruus, & fur,  
& latro, & a maioribus suis cum inhonestissimo in-  
faciem vulnere turpiter fugatus ex Perside. prophe-  
tas omnes atque Patriarchas pro nugis habuit. So-  
lum Alexandrum Magnum, potissimum ubi de ei-  
us furore ac libidine scribitur, admirabatur, cui se  
similem asseruit, Magnusq; Mahometus dici a cun-  
ctis voluit. Indies ferocior factus, tributum quod  
Memphitico regi sui maiores pendere consueuerāt,  
negat se redditurum. Mittit inde circa finitimos qui  
imperata recusantibus bellum indicerent. Auctus  
igitur opibus, quas triennio congesserat, ex omni re-  
gno accersitis proceribus, anno Christi LV. post  
mille quadringentos, successu tumens, expeditionē  
in Hūgaros instituit, cū maximis ac infestissimis co-  
piis. Superatis Thraciæ montibus, ad Sauū fluuiū  
cum centū quinquaginta millia hominum in Tri-  
ballis, Belgradum, quā Hungari Nandoralbensem  
arcem, hodie Albam Græcam vocant, obsedit. An-  
nales Hungarici quater centena millia militum in  
exercitu pedestri ac nauali habuisse Turcum tra-  
dunt, incredibili superba tumentem, quasi tota iam  
Hungaria a se victa esset. Latinorū enim Imperator

nota.

1455.

F rem se

## IO. CVSPINIANI

rem se obruere iactitabat, qui iam Græcorum Cæsarem neci dedisset. Germaniam atq; Italiam direptioni militum spopondit, omnia paritura imperio suo gloriose crebro dictitabat, sese vnum esse, cui omnis terra cessura esset, si vnus Deus cælo præesset. Quanquam autem Hungaria metu percussa, ante oculos Constantinopolitanam ruinam versabat, tamen aduentu Ioannis Cardinalis legati apostolici, qui Ioannem Capistranū professorem ordinis Minorum, Hungaris euangelizantem reperit, excitata veluti somno, regio hæc Hungarica, tertium Ioannem Huniadem comitem tum Bistricensem commouit: & si vix quinq; millia equitum in promptu haberet, vt aduersus crudelissimos hostes, quos prius sæpe fudit ac fugauit, exustis ac submersis illorū nauibus irrumperet in arcem, ac obsessos sua præsentia consolaretur ac erigeret. Sequebantur cruce signati quadraginta millia, ex omni Christianorum orbe. Tam paruū numerum contemnens Turcus, Amuratho patri maledixit, qui septem menses frustra in obsidione huius arcis consumpsisset, se quindecim diebus arcem solo æquare, & in Hungariam omnibus iis ad vnum cæsis, impetum facere iactitabat. Cum Christiani nomine Iesu inuocato, acriter prælium ineunt, ac primum ancipiti pugna, hinc Turci, hinc Christiani, nunc victi, nunc victores cruenta cæde (Duce Huniade) primum Bassam Nataliæ Carazam Thraciæ præfectum, virum impigrum sternunt, primorésque exercitus Duces occidunt. Tum Mahometum sagitta, quæ sub papilla læua stringebatur, in pectore, in terram exanimū deiciunt. Quē mortuū credentes Turci, nocte semiuivum abducunt, omnes in fugam conuersi, victoriā Christianis reliquerunt. A quibus fusi

bus fusi, fugati, & superati, relictis omnibus munitionibus, impedimentis, & cuiusque generis tormentorum instrumentis, machinis bellicis, ac sarcinis militaribus, castris quoque sunt exuti. Ignominiosa ac turpi fuga tam innumerabilis formidabilisque exercitus, per noctem obscuram abiit, non tamen sine cruenta pugna. Imperator Mahometus noctu ablatus, altero die ubi ex dolore vulneris ad se rediit, intelligens infamem acceptam suorum cladem insperatamque stragem, veneno vitam voluit sibi ipsi adimere, ne tanto cum dedecore inglorius in patriam remearet, vix a suis prohibitus. Nunquam posthac de illa clade aut dicere aut audire quenkumque voluit. Et quoties illius memoria subiit, semper barbâ manu gravissime demulcens, suspiria deduxit cum fremitu, hunc execratus diem inter atrois computavit. Etenim quam gloriosus erat eius aduentus, tam turpis ac foedus eius discessus : Optimi Maximi Dei IESU CHRISTI iudicio sic ordinante. Multi crediderunt, si fusi dispalatique hostes, tum fuissent acrius insectati a Christianis Principibus, potuisse eo die Othomannorum imperium deleri. Seriem huius pugnae Pius Pontifex, & in Bohemica historia, & in Europa sua pluribus enarravit, ac Ioannes de Thurocio scriptor Hungaricorum Annalium.

Calixtus Summus Pontifex, qui se perpetuum hostem Turcis deuotuit & iuramento & chyrographo ob rei perpetuam memoriam cum assiduo rogatu, continuisque supplicationibus instituit, ut octauo Idus Augusti, quo die tum erat festum Sancti Sixti, transfiguratio Domini religiose celebraretur: & addidit post meridiem campanis signum dari fidelibus omnibus, ut orationibus eos iuuarent:



## IO. CVSPINIANI

qui contra Turcos continuo dimicabat. Durat ea  
 consuetudo hodie Viennæ, Pannoniæ, & item Bu-  
 dæ ac alibi, in qua hora paululum post meridiem  
 prima, campana magna in æde diui Stephani signū  
 datur hominibus, vt memores illius cladis, orent  
 pro defunctis Christi fidelibus. In ea strage, hosti-  
 um quadraginta millia cæsa ferūtur, sed maior Tur-  
 co iactura inter fugiendum inflicta est. Aliter Ioan-  
 nes Caruagralla Cardinalis S. Angeli ad Pontifi-  
 cem, aliter Ioannes Capistranus, aliter Ioannes Hu-  
 niades scripserunt rem gestam, quisque gloriæ suæ  
 innixus, laudem sibi vsurpando ob operam suam.  
 Sequenti anno post cladem, Huniades morbo cor-  
 reptus, non sine planctu vniuersæ Hungariæ, im-  
 mo totius Christianitatis diem suum obiit. Cuius  
 mortem etiam hostis Turcorum Imperator indol-  
 luit vehementer, cum per Georgium Rasciæ Des-  
 potum fieret certior, totumq; penè diem post nunc-  
 cium illud obticuisse mortuus fertur. Capistranus  
 post paucos dies pariter senio mortuus est. Qui vi-  
 tæ munditia inter prædicatores Christianos facile  
 primas assequutus est. De quo multa Pius in histo-  
 ria de rebus Friderici Cæsaris, quæ consulto præter-  
 reo. Illud omittere non debeo, quod admiratione o-  
 mnium posteritati dignū existimo. Cū enim Tur-  
 cus post deuictam Constantinopolim Despotum  
 Rasciæ Georgium è Seruia eiecisset, aut vt alij di-  
 cunt, in eum exercitum ductare minaretur, secundo  
 ad Hungaros pro auxilio cōfugiens, in Austriā pro-  
 fectus homo grandæuus, ad Ladislaum regē per-  
 uenit. Vbi & Capistranus degebat, qui de religio-  
 ne Christiana ac sacris secū disputās eloquiis, vt er-  
 rorem gentis suæ relinqueret maximopere cohorta-  
 tus est. Cui veterator ille respōdit: Annos natus no-  
 naginta

naginta, patrum religionem tenco: q̄ delirum me se  
 nem cauillarentur ciues mei, si nouam assumerem,  
 & antiquas patrum traditiones relinquereim: mor-  
 tem ac laqueum malim. itaq; cū indignatione disces-  
 sit. Domumq; reuersus, cū milites immisisset in Hū-  
 garos prætereuntes & quadrigis vectos, in quibus  
 erat Michael Zylogi, vir strenuus, & Albæ Græcæ  
 præfectus, & frater Ladislaus: Quem in quadriga  
 repertum, confodit. Nam equo alter aufugit. Pau-  
 cis post diebus, Michael vt fraternam cōdem vindi-  
 caret, hūc Georgium captiuū abduxit, abscissis du-  
 obus digitis dextræ manus inter defendendum. Ea  
 quanq; magno auri pōdere redimeretur, ex trūce ta-  
 men manus fluore, qui sūti nō poterat breui mortu-  
 us est homo hic perfidus. Mahometus vero Con-  
 stantinopolim reuersus classem reparat, nouā cōstru-  
 it, Ægei maris insulas proxima æstate inuasurus  
 (Nā Calixtus Pontifex triremes tredecim, quibus  
 Ludouicum Aquileiensem Antistitem præfecit, vt  
 maritima Asiæ occuparent, in Barbaros hostes emi-  
 sit, qui etiam insulas aliquas Turco ademit, sed ma-  
 ior inde cura ab ea expeditione eum conuertit.

Quandoquidem cum maritimum bellum molire-  
 tur, legati ab Vsan Cassano rege cum amplissimis  
 donis, quæ in thesauris Demiri Persarum Regis à  
 se victi reperit, Byzantium veniunt rogantes, vt  
 à Cappadociæ finibus abstineat, ni bellum velit,  
 quam ille prouinciam vt dotalem sibi vindicabat.  
 Erat enim ex Trapezunte oriunda Cassani vxor,  
 vt supra ab initio scripsimus, cum de quatuor fami-  
 liis Othomannorum in genere narrationem institu-  
 imus. Mahometus fremens, legatorum auersa  
 bat legata, bellum se suscipere vociferabatur.

Ac præmissa parte classis in Pontum, Sinopem, &

## IO. CVSPINIANI

Trapezuntem versus, ipse cū terrestri exercitu oīa opinione celerius transiit in Asiam, rectāque ad Euphratem contendit. Persa cum Turco bis confligit. Bassa Romaniae cum Vsan Cassani filio congressus, victus occubuit. Quadraginta Turcorum millia ea acie conflixisse dicuntur, Persarum triginta millia: Rex victoria elatus, castra Mahometi obse-  
dit. Quae tantis erant munita machinis tormento-  
rum, vt irritos facerent omnes Persarum conatus. Filius Vsan Cassani plumbea glande traiectus, oc-  
cubuit. Itaque Turcorum quadraginta millia, Persarum decem millia cecidisse dicuntur. Asimbecus Taurisum reuertitur. Sensit enim terribilem Mahometi apparatus, concessitq; fuga confestim ad mō-  
tes. Ac quamdiu Turcus fuit in prouincia, tenuit se ille munitioribus locis, nihil ausus interea moue-  
re. Mahometus Imperator confessione victorię ho-  
stibus expressa, exercitum in Paphlagoniam duxit. Sed aliquanto postea hæc acta sunt. Breuique Sino-  
pem, prouinciæ caput, omnemque Paphlagonum gentem subegit. Trapezuntem inde terrestri naua-  
lique prælio oppugnatam, pari successu domuit. Trapezuntium Imperatorem David Commenū cum duobus item filiis, qui omnes ad eius fidem confugerant, cum Ponticæ oræ & Cappadociæ Principibus, liberis, vxoribus, Byzantium velut in triumphum duxit, dehinc crudelissime occidit. Nec post tam insignem victoriam Turcorum arma quieuerunt, quin ea classe quam proximo anno in Propontide pararat, Mitylenem insulam ( quæ & Lesbos dicitur ) occupat, omni ferè Insulanorum multitudine Byzantium, tanquam in coloniam abducta. Nicolaum Catalusum Lesbi Principem immaniter trucidauit. Metellinum hodie insulam  
appel

appellant, olim Genuensium, nunc Turcorum.  
Non multò pòst in Daciam, quam Vualachiam  
hodie dicimus, profectus Mahometus, grauem ig-  
nominiam adiit, vt res bellicæ fortunæ arbitrio va-  
riantur. Droulas Dacorum Dux, Dracula ab alijs  
appellatur, cum sex millibus equitum, pari que pe-  
ditum numero, intempesta nocte, Turcorum castra  
ferociter adortus, tantum iniecit terroris, vt nisi  
Mahometi Ducis, qui Chali successit ( vt paulò an-  
te diximus ) consilio edictum esset, vt non ex equo,  
sed in vestigio quisque stans ante suum tabernacu-  
lum pugnā capefferet, deleri potuerit vniuersus ex-  
ercitus. Sic quoque pars multo maxima cæsa est.

Cæteri equorum pernicitate seruati sunt. Sed ferox  
hostis nihilo territus, Superiorem Mysiam, quæ  
nunc Bosna est, adortus, ex improviso vniuersam  
terram fœde populatur. Rex inopinato bello per-  
cussus, vbi cuncta circa se vidit ferro & flamma ru-  
ere, fugam molitur. Iaica regni caput obsessa capta  
que. Ciues in prædam acti, Prouinciæ Duces  
cum fratre & sorore Regis, ad triumphum seruati,  
Byzantium mittuntur. Sed Mathias Rex postea  
recepit, ac Sabatiam similiter noua munitione cin-  
ctam, redemit à Turco, quem multis tormento-  
rum machinis spoliavit. Deinde Peloponnesum  
pene insulam, quæ vulgo hodie Morea dicitur, iam  
reliqua Græcia domita, hostili exercitu aggressus  
est. Thomas & Demetrius fratres, vltimi Chris-  
tianorum Principes Palæologi, hanc possederant.  
Hi cum inter se dissiderent, Demetrius ad Tur-  
cum defecit. Is filia Turco in vxorem data, hostem  
induxit. Thomæ conatus cum essent irriti, per-  
ditis rebus fugiens, Romam cum capite Aposto-  
li Diui Andreæ ad Pium Pontificem venit.

# IO. CVSPINIANI

Sublato è Peloponneso Græcorum principatu, re-  
tinuerunt Veneti quædam in ea terra oppida. E qui-  
bus etiam pôst sunt à Turcis eiekti. Nā Mysia po-  
titus, ac reliqua Græcia penè omni, & si in Macedo-  
niam exercitum esset translaturus, cum intelligeret  
Venetos Corinthiacum Isthmum summa ope mu-  
nire (decem enim annis Veneti tum nullum gesse-  
rant bellum) qui tanta vñ sunt celeritate, vt totam  
muri longitudinem, quæ ab Ionio ad Ægeum ma-  
re protenditur quadraginta circiter stadia, quindec-  
im dierum spatio duplici fossa, subitariâq; moliti-  
one firmarint ( Triginta millia hominum eo loco  
operata dicuntur ) sed veteris structuræ saxa, quæ  
ad manus fuere, materiam præbuerunt operis ce-  
lerius cõsummandi, vt Venetorum Annalium scri-  
ptor attestatur lib.3. Decadis octauo. Veneti labore  
perfecto, Corinthum urbem medio Isthmi inter-  
uallo sitam, Ephyræ quondam dictam, tripartito  
agmine frustra egrediuntur, Mahometus vt cœptū  
disturbaret opus, ex Bosna veniens Isthmum cum  
octoginta millibus equitum, strage & cæde agre-  
stum ingressus, agros Coroneos ac Motonēses po-  
pulus, dehinc captis proditiōe agris, dum duas  
et triginta triremes Veneti in Turcorum equitatū  
immitterēt, magna suorum strage fusi fugatiq; sunt:  
Mille & quingenti cæsi. Pari infœlicitate post in  
Lesbo quinq; millia hominum amiserunt. Sed o-  
mnium crudelissima fuit Calcidis vrbs in Eubo-  
ea insula ( quæ vulgo Nigropontus dicitur ) expu-  
gnatio. Hanc cum Mahometus triginta diebus  
obsidisset, & continenti insulam ponte coniunxis-  
set, circa muros sæpius dimicatū est atroci pugna,  
vt quum Turcus quadraginta penè millia hoim  
perdidisset (habuit, n. in exercitu centū viginti millia)  
de fuga

de fuga ac obsidione soluenda cogitaret, sed admo-  
 nitus à suis: quum Venetæ triremes, q̄ ciues Chalciden-  
 ses facile liberaissent obsidione, metu percussæ  
 substituerūt trepidæ, præmia Barbarus hostis pollic-  
 citus, per integram noctem ad lucem vsq; oppida  
 nos prælio fatigauit, atq; hinc oppido potitus est.  
 Hic crudelissime sæuitū est, sine discrimine in om-  
 nem sexum ac ætatem: crudele edictum propositū,  
 vt puberes omnes ad vnū obtruncarentur, ac capi-  
 tale esset, si quis supra viginti annos quenquā natum  
 seruasset. Magistratus & ciues necati diuersis locis.  
 In foro præfectus vr̄bis, in ædibus legatus, prætor  
 vr̄bis per medium sectus fuit. Quia quum sibi ve-  
 nia esset promissa à Tyranno, cauillatus pollicitum  
 se ceruici, nō lateribus parsurū. Paulus Andreotius  
 pulcherrimos cōmentarios de Chalcidico excidio  
 scripsit. Sunt deinceps multæ insulæ, plures vr̄bes à  
 Venetis oppugnatz: Turcis etiam crebrę illatz stra-  
 ges, potissimū Petro Mocænico Duce, qui magna  
 felicitate vsus, classis Venetæ Imperator, hostibus  
 multa ingessit incommoda, circa Smyrnę vr̄bis op-  
 pugnationem, ac Lyciæ Cariciq; Prouinciarum de  
 populationem. Quanquā Turci interim & in Dal-  
 matiam & in Forū Iulium ad Vtinū ciuitatem vs-  
 que irumperēt, ac pecore hominibusq; abactis, in-  
 gentem prædam abducerent. Quomodo tum in Ci-  
 licia Veneti cū Caramānis bellum gesserūt, Sabel-  
 licus tribus penè libris longe lateq; dissertt. Dehinc  
 Turcus spe potiūdæ totius Italiæ Scodram vr̄bem  
 Dalmatiæ in ea parte, quę Albania dicitur nouo no-  
 mine, octoginta millibus armatorū oppugnare ad-  
 ortus est. Duce Solymanō Eunuchō, qui Bassa Ro-  
 maniæ fuit, in defuncti locū in Persico bello substi-  
 tutus. Ac duobus mensibus vr̄bem obsidens, tanto



## IO. CVSPINIANI

conatu oppugnare aggressus, quanto post Byzantium nullum Christianorū oppidum. Sed non sine suorum clade, quorum ad sexdecim millia periisse narrantur, etsi alij quatuordecim scribant. Ceriolanus Cepio hanc oppugnationem Scodrensem diligenter descripsit. Tertio mense Solimannus reuocatus ab Imperatore suo, quod Veneti foedus cum Rege Matthia Hungarorū iam percusserant, annuumq; stipendium Regi dantes, magnis viribus Barbarum hostem Christiano solo decedere coëgit. Ea enim victoria in Turcos vsus Matthias, qua olim pater suus Ioannes Huniades: qui nō modo sexies aduersus Turcos dimicauit, sed Sabazā etiam oppidum munitissimū cum mille ex regia cohorte Iannizaris Turco ademit. Solimānus Scodram relinquens, in Euxini ora Capham nobilissimā urbem Genuensium proditione suscepit. Adortus etiā frustra Naupactū, quod nunc Lepanthum vulgo vocant, in Corinthiaco sinu, post quatuor menses coactus dissoluere obsidium, subita vi frendēs, in Lemnum insulam irrupit quidē, sed nihil profecit: Lemniacæ puellę Marullæ industria, dum oppidū Coccinum Turcus oppugnare nititur, inuasit tum Turcus in Epiro Croiam urbē, vbi Veneti haud contemnendā passi sunt cladē. Sed longe maior fuit subsequuta Sontiaca cades, quam Marbechus Venetis intulit, toto agro ferro flammāq; ad Vtinū vsq; vastato. Sed indignatus Mahometes frustra obseſſam prius Scodrā, ad hāc expugnandam Alibechum cū quindecim millibus, Solimannū cum septuaginta millibus præmisit. Ipse subsequutus cū triginta millibus electorū militum, Scodrenses tam atroci oppugnatione adortus est, vt ex his, post multos fame ac ferro occisos, Veneti coacti sunt pacem cū Turco trans



eo transigere. Qua Scodra dedita cū Tenaro Laco-  
nia promontorio, & Lemno insula. Et quotannis  
octo aureorū millia, vt Pontica nauigatio Venetis  
negotiatoribus tuto pateret, polliciti sunt dare. Post  
pacē quum Veneti iam xvi. annis cū Turcis depu-  
gnassent, Mahometus Neritū (q̄ nunc Maura est)  
Cephaleniam atq; Zacynthū insulas suo imperio  
adiiecit, Anno salutis lxxviii. post mille quadringen-  
tos. Quum verò post Constantinopolitanū excidiū  
sequissimus Tyrānus vi et armis penē omnes dictas  
regiones, annis xxviii. subegisset, insularumq; impe-  
rio potitus esset circū adiacentium, ægerrimē tulit  
Rhodum liberā esse. Eam igitur quatuor classibus  
oppugnare adortus est frustra, semper clade affectus  
quum partim ex suis captiui palo suffixi, partim ca-  
lamis perustis perfossi, partim mēbratim discepti,  
terra mariq; trucidati succubuerūt. Quum ergo hoc  
nō procederet, versutia, doli & proditione, subor-  
natis qui se transfugas fingerēt, rem tentauit. Pacē si  
mulat, si aut vectigal, aut munera Rhodij offerant.  
Generositate animorū Rhodij milites vtrūq; reiici-  
unt, fœdus & munera contēnunt. Quum igitur tri-  
ennio de proditiōe Rhodi cōsultasset Mahometus,  
Petrus autē Daubullon Princeps, & Rhodiorū mi-  
litum magister, collapsos vrbis muros ac mēnia re-  
stituisse, munitiōibus egregie custoditis, Tyrānus  
ira incēsus classē q̄ potuit maximā, vt Rhodū per-  
dat, cum centū millibus militū mittit. Ter urbem  
aggressus, septingenti primo cōgressu perire, mul-  
ti vulneribus cōfossi. Dehinc duo millia & quingē-  
ti, quum à nocte mediā ad dici decimā horā constā-  
ti prælio esset dimicatū, occubuerē, auro vestibusq;  
p̄tiosis spoliati. Postremo ceciderūt tria millia quin-  
genti, quum penitus urbē diruere moliret̄ Turcus.

Est tum

# IO. CVSPINIANI

Est tum crux aurea media oppugnatione in cœlo  
 ab hoste conspecta, cum simulachro Deiparæ virgi  
 nis hastâ vibrantis: Visa & Ioannis Zachariæ filij  
 imago cū numerosa manu urbē tutari. Hinc Rhod  
 us tum cœlesti, tum diuina ope defensa est, à tã sœ  
 ua crudelissimi hostis oppugnatione obsidionēque:  
 quæ vndenonaginta dies durauit. Qua trucidati  
 sunt hostium millia nouem, vulneribus debilitati  
 quindecim millia. Cum ignominia igitur abiens  
 confusus Mahometus, dū denuo Rhodum aggre  
 di statuit, insperato suffocatus morbo, horribiliter  
 occubuit. Ferunt Tyranno, dū nemora prætergre  
 deretur ac syluas, cōparuisse iuuenē inter ramos for  
 ma augustiore, humanā speciem excedente, ornatū  
 veste candida, manu ense strinxisse, necemq; Ty  
 ranno minitasse atq; dixisse: Hoc te cōfodiam ense.  
 Quo viso vsque adeo expauit, atq; metu perculsus  
 concidit, vt quasi furore attonitus, scetidam repente  
 euomuerit animam. Apparuit eo die signū crucis  
 in cœlo, quo frustra Turci turrim in Rhodo glo  
 beo saxo concusserūt, quum mors Mahometi intel  
 lecta est. Sed de Rhodiaca oppugnatione cū Gui  
 lelmus Caoussus magni Rhodiorū magistri (vt  
 nostri dicūt) vicecancellarius commētarios diligen  
 tissime conscripserit, superuacuum censeo copiosius  
 de hac re enarrationem protēdere. Eo etiam anno  
 Pirametus Caramānus fudit magnas Turcorū co  
 plas. Prius, quā tamen moreretur Tyrānus, Hīdrun  
 tem in Apuliæ & Calabriæ finibus (vbi Ionij ma  
 ris & Ausonij discrimen modico aquarū interval  
 lo iacet) subito incurso oppressit. Quo nuntio tota  
 Italia ita timore territa prostrabatur, vt de salute du  
 bitaret, nisi diuina prouidentia, ne pestis illa pestilen  
 tissima latius serperet, ē medio Draconem hūc sub  
 mouisset

mouisset: qui longè ante debebat ignobilissima suo  
 rum custodū ac vigilum cæde interfici. Fuerūt non  
 nulli Ianissarij ac cubicularij, quos sui studiosos ho-  
 mo demens arbitrabatur, qui de interimendo Ty-  
 ranno consiliū iniere: perpetrassentq; cogitata, nisi  
 vnus ex conspiratoribus & Græcus, & Constanti-  
 nopolitanus Maudromenus, nescio quo infelici sa-  
 to, tam salutare facinus è manibus victoriū extorsis-  
 set. Ingressi enim tentorium vinosi & stertentis do-  
 mini probissimī adolescentes, quum iam contentis  
 arcubus sagittas emissuri forent, perfidus ille Mau-  
 dromenus, veluti quodā afflatus infesto spiritu, cō-  
 clamat repentē: Caue vitę tuę mi here Amyra, ca-  
 ue tibi caue. Suoq; illum consopitū corpore procū  
 bens protegit. Et ita qui certò periturus erat, vnus  
 Christiani serui impietate seruatus est. Nam & reli-  
 qui impudici adolescētes, exoleti ac catamiti clamo-  
 re excitati, cōfestim auxilium tulerūt. Ex perfectus  
 Tyrānus suam funestā rabiem generoso conspirato-  
 rum cruore satiauit: Immanis alioqui & ad omnē  
 cædem seruens ac alacris. Ex ea horā omnes pēst su-  
 spectos habuit, neminemq; sibi fidū putabāt (quis  
 enim eum amct, quo nemo crudelior, nemo atoci-  
 or ac superbior? nemo ingratus magis vnquā exti-  
 tit?) neminem itaq; in cubiculū quiescendi tempore,  
 qui duodecimū ætatis annum excessisset, admitte-  
 bat. Narrant quidam aliter hāc historiam. Quod  
 scilicet in Oriente quidā magnus Tartarus, ob odiū  
 quod in Turcum habuit, famulos quosdā artis  
 necromāticę, atq; expertos incantationibus, preci-  
 bus ac pretio induxerit, vt caput Turci ei deferrent.  
 Quum remotis omnibus arbitris regi curioso hoc  
 pollicerentur, insignem priusq; non visam Magiæ  
 experientiam putantes, Regem solum sialios exclu-  
 deret,

## IO. CVSPINIANI

deret, facile detruncaturum. Rex certior de insidiis factus, dū in habitu ac forma religiosorū, intus vero armis bene muniti regiā ingrederētur, hoc qd in Regē meditabantur, in se experti sunt. Capti omnes obtruncati sunt. Cœpit deinceps religiosos omnes per edictū imperio expellere. Nec vllum sinebat in habitu religionis captū euadere: omnes quot quot cepit, vita priuauit. Pauperes vndiq; verberare iussit. Cōmouebatur enim innumerabilibus flagitiis sceleribusque suis inauditis: & pertimescebat ab illis pœnas, quos vel ipsos vel eorū, aut parêtes, aut patriam tot iniuriis contumeliisq; affecerat. Et quod ratio ante nō potuit, eum supplicij formido, & quotidiano instātq; periculo reddebat cautiorem. Sic qui antea negligentissimus erat sui corporis custos, qui nihil aliud neq; cogitabat neq; exercebat, q̄ se vino exquisitissimo obruere, ac obsoniis variis ingurgitare, ita se cōposuit postea, vt nemo ad custodiendum esset eo diligentior, nemo ad suspiciādum sagacior, nemo ad vindicādum seuerior. Homo natura versutus & usu, non tam prudens q̄ malitiosus. Et quanto corpore ob turpissimas voluptates fuit imbecilliori, tanto erat animo immanior ac crudelior. Voluit se palam laudari, cunctisq; summis Imperatoribus ac Regibus quotquot sunt aut fuerunt vsq̄ iam gentium gloria anteponi. Matthiam Hungariæ Regem solum excipiebat, quem etiam Principis nomine strenui honorābar. Ob id & Deum contempsit, & in cunctos homines per omnem sceleratiam & contumeliam debacchabatur. Magnus ob id Turcorum Imperator appellari ex magnitudine rerum gestarum voluit: quod quum Asia potius, auctis paterni regni viribus, in Europam copias ingentes per Hellespontum classe traiecerit, Byzantio

zantiumq; expugnaverit, Mysiam vtrancq; Thraciam, Peloponnesum, Acarnanos, Ætholes, Ambraciam, Epirum atque Illyricum in potestatem redegerit, Asiæq; Minoris regna penè duodecim obtinuerit: Pontum denique, Bithyniam, Cappadociam, Paphlagoniam, Ciliciam, Pamphiliam, Lyciam, Cariam, Lydiam, Phrygiam, atque omnè Hellespontum. Ad Solis ergo ortum & occasum, plures terras mariaq; insulas & regna imperio adiiciens, plures victorias in Asia atque Europa assequutus est. Quum igitur annis vnum & triginta sæuissime regnasset, ab expugnatione Rhodiorum discedens, ignominiaq; confectus, mortuus est anno ætatis quinquagesimo octauo, Anno verò salutis humanæ octogesimoprimo, post Millesimū quadringentesimum, quinto Nonas Maij. Tanta latitia vniuersam affecit Italiā (nam capto Hidirunto florem omnè Italiæ triennali bello penè absumpsit) vixit Sextus maximus Pontifex, qui iam de fuga in Galliam cogitabat, urbemq; tutelæ sanctis Apostolis relinquendam æstimauerat, cum patribus totius curiæ Cardinalibus, Episcopis & omnis dignitatis sacerdotibus, ac cū plebe vniuersa Deo gratias agens, tabernas claudi, iusticiam ac triduale sacrum indicij iussit, q̃ de medio funestissimū hūc Draconem sustulisset, lateq; manantem flammam, rore suæ diuinæ prouidentia extinxisset. Vnde quidam ei tale finxit Epitaphium:

Qui vicij innumeros populos, tot regna, tot vrbes,

Solus & immensū qui timor orbis eram,

Me rapuit, quæcunq; rapit mors improba, sed sum

Virtute excelsa ductus ad astra tamen.

Maior Alexander non me fuit, Hannibal, & non

Fuderit Aufonios tot licet ille Duces.

Vici

1489.

## IÖ. CVSPINIANI

Vici victores Danaos, domuiq; feroces  
 Chaoniæ populos, Sauromatasq; truces.  
 Pannonius sensit quantum surgebat in armis  
 Vis mea, quæ Latio cognita nuper erat.  
 Arsacidæ sensere manus, has sensit Arabsq;  
 Et mea sunt Persæ cognita tela Duci.  
 Mens fuerat bellare Rhodum, superare superbam  
 Italiam, sed non fata dedere modum.  
 Heu mihi, nam rapuit mors aspera, quæq; sub alto  
 Pectore condideram, vertit & hora brevis.

## BAIAZETHVS II. OTHOMAN

nus, Nonus Turcorum Cæsar, qui se tali titu  
 lo inscripsit: Chan, hoc est, maximus  
 . maximorū, Imperator Impera  
 torū Græciæ atq; Asiæ  
 Rex Inuictus.

**B**Aiazethus, quē alij Pazaiten vocant, filius Ma  
 hometi, regni paterni successor, per varia bella  
 & fraternas cædes imperium assequutus est. Mori  
 tuo enim Mahometo, subito omnis (vt est mos gē  
 tis seditiosæ) periit obedientia: publicū ærarium sub  
 latum, commilitones veterani ac tyrones, negotia  
 torum & Hebræorū fortunas diripuerūt. Maiorq;  
 in minorem nulla seruata honestate sæuebat: intesti  
 na odia ac mutuas cædes exercebant. Reliquit nepo  
 tes quinq;, qui ad occupandam ditionū paternæ hæ  
 reditatis portiunculā aspirabant. Hi factiones susci  
 tabant: sed maior factio inter duos fratres exorta  
 est. Duos enim reliquit filios Mahometus, hūc sci  
 licet Baiazethū maiorem natu, quē Hildrimi vo  
 cant, dicuntq; significare fulgur. Minorē Zyzymū  
 quod amor sonat. Formidans pater dū viueret hoc  
 quod

quod post eius mortem accidit, vt ex ephebis excelsere, diuersis locis diffūxit, ne imperio impliciti, aut publicis negotiis intenti, alter alteri ob futurum imperium insidias strueret. Prouinciārum p̄fectos eos constituit, vt vterq; sua prouincia contentus, quietā transigeret vitam. Rarissime se mutuo conspexere. Baiazethus habuit Paplagoniam ad Euxini maris littora, qui mollissimam agebat vitam. Zyzymus verò minor natu, Licaoniam possidebat: ac circa Iconium veterem Licaonię urbem, venationi, thermis, natationibus, commestationibus, iuueniliter lasciuiebat. Cognita patris morte inopinata, vterq; vt prior Imperio ac regia gaza potiretur, raptim Constantinopolim ad regiam sedem properabat. Hic Orientalium & Persarum viribus in Asia confusus, ille verò commilitonum fauore. Sed iam tumultuatum erat Constantinopoli inter milites Ducesq;: partē vna militum ad Baiazethum trahente summam imperij, altera ad Zyzymum. Cruentis gladiis dū inter se dimicant, Bassa vnus occiditur, tumultuante plebe. Achmatus Bassa Hidrunti ex pugnator, vir militaris, animo manuq; promptus, vt seditiones exortas sedaret, nihil prędę intentus vt ceteri, turbulentum rerum statum: intra audacia, nec minori calliditate, succinctus valida manu eorum qui Baiazetho adhærebant, sic pacauit. Vnum ex liberis Baiazethi, qui tum octauum & decimū agebat annum (plures enim habebat liberos) regio solio collocat, ignobiliq; vulgo irarum minarumq; plenus ostentat. Huius patrem Imperatorem iam a nobilioribus declaratū esse Imperatorē affirmat, imperialiq; diademate dignū vultuosus proclamat. Byzantini anxij ac solliciti, victoris gladium sauum iam pertimescebant. Altera factio attonita, do-



lorem iramq; dissimulabat. Sic huic astruxit imperium Achmatuſ, auctoriq; fuit vt dum pater abeſſet, eius filius ſummæ rei præſiceretur. Pauloq; poſt Byzantium Baiazethuſ celeri curſu venit, paucisq; triremibus eò per Euxinum delatuſ, vi & armis imperium vindicaturuſ. Sedata domeſtica ſeditione, magniq; plauſu exceptuſ, Rex & Imperator ſalutatur: moxq; paternam gazam in ſuam redegit poteſtatem. Cum quo pater priuſquam ex humanis excederet, paulò ante pluſ, uam ciuile bellum meditabatur. Zyzymuſ verò per Licaoniam ac Bithyniam terreſtri itinere, & ſi pari feſtinatione acceleraret, viarum tamen diſpendio moratuſ, Principatuſ ac potiundi regni ſpe fruſtratur. A ſuiſ adhortatuſ, Pruſſiam Bithyniæ, veterem quidem regiam occupaſ, germanū in certamen prouocans, ſi poſſet, nondum fratris firmato imperio, animoſ quorūdam in aliam & ſuam ſpectare partem. Regebat tum Cariam & Lyciam cum Baſſiæ cuiuſdam filio alter Baiazethi filiuſ, annuſ natuſ vix decem & quatuor: Adoleſcens formæ elegantis, & ſupra ætatem moribuſ grauiſ & ornatuſ. Cui auuſ Mahometuſ clementer indulſerat haſ regendaſ. Iſ patruum audiens exercitu valido aduentantem vt patrē regno deturbaret, ſibi quoque imminere pericula iam ex fraterna ſeditione colligit. Ac ne in inſidiaſ præcipitetur incautuſ, equiſ pernicioſiſ ad fugā paratiſ, quum ad Rhodiuſ feſtinaret, hæſtabuſiduſ in littore onerariam inuenit, & Callipolim deſertur: tum Byzantium deuenit. Licet aliqui eum delituiffe autumant, & poſt patruſ diſceſſum rectā Byzantium contendiffe ſcribant. Baiazethuſ, ne Aſiæ veterem regiam amitteret, hauſ contemnendam imperij ſui portionem, Achmatuſ Baſſiam cum inſtructo exercitu

exercitu per Propontidem mittens, fraternis copiis obicit. Qui quum Asiatici omnes Europæos milites & audaciores & robustiores timerēt, vicibus suis non filius Zyzymus, Prusios relinquens in Syriam transit. Tum sacrorum causa, Hierosolymis templum Salomonis reuisit. Dehinc per Arabiæ deserta ad Suldanum Ægypti Regem Memphim se contulit, quam vulgo Cairum dicunt, alij Carras. A quo non modo comiter est acceptus, sed etiam in aduersitatibus suis consolatus. Quum peteret ab eo tanquam legis Mahometicæ custode ac patrono per Mahometi sacraria, ne ob fraterna dissidia religio Turcorum periret, fratrem de sua atrocitate ac superbâ vt castigaret, rebusq; afflictis consuleret: Dum Sultanus frustra quidem fratrum discordias componere annitur, Zyzymus Mecham magno mercatorum ac peregrinorum comitatu ad Mahometi Pseudoprophetæ sepulchrū venit, religiosus & supplex Mahometem veneratur. Reuersus ad Sultanium, quia nulla pax inde sequuta est, quum Baiazethus fratris contemneret imbecillitatem, maiore animo quàm spe imperij per vim recuperandi, meditatur bellum: Desectionem Ducum nouam per amicos clâm semper molitus. Donatus igitur ab Ægyptiorū Rege, peragrata Syria, Isthmum Minoris Asiæ, quam ætas nostra vocat Turciam, penetrat. Ciliciæ Regem Caramanum adit, cui à Mahometo Cilicia, Mesopotamia paternæ regiones, vt superius scripsimus, ablatae erant. Qui Zyzymum aduersus germanum sollicitans, multâque pollicitus, Imperatorem salutat, cuius ope sperabat amissa recuperare. Iunctis igitur castris, iuxta Laraudam ac Iconium castrametantur, vt bellum Baiazetho inferant.

Baiazethus in tanto discrimine etiamnum anxius, & fratris apertum bellū, & Ducum occultas defectiones verebatur. Achimatus enim Bassa simultates quasdam clam cū Imperatore, nescio quam ob causam habuit, cuius in primis defectionem ad fratrem timuit, utpote per quem prius absens imperium consequutus fuit. Subsequutus igitur Achimatum, qui iam contra Zyzymū processerat, magna auri profusione inconstātes Asiaticorū animos sibi conciliando & militiæ præfectos & milites omnes in officio tenuit. Zyzymus & Ciliciæ Rex à profugis edocti de validissimo fratris exercitu (ducēta enim millia armatorū ad bellum hoc egressa feruntur) quum se viribus impares agnoscerent, montis Tauri iuga (quorum obiectu Cyriam à se excludit Cilicia) ne obsiderentur penetrarunt, ut natura loci tutiores essent ab insidiis. Nam literis ac nuntiis ultro citroque missis & acceptis, studium pacis Zyzymo, frater præferebat, ducenta millia nummū auri & supellectilem regiam, si regni fines excedat, in fœdus pollicetur. Clam autem dolos prætendit, ut vivus in potestatem suam veniret. Ob id ut fratris veritatem fugeret, Rhodiis sese primū per literas, tum per Oratores committit. Ac paulò post oneraria navē Rhodū est delatus, perbenigneque à magistro militum & regio apparatu exceptus, Anno nostræ salutis lxxxij. post mille quadringētos. Quum id prius epistola quadā Baiazetho sagittæ alligata, ac violenter arcu in exercitū excussa, significarit. Qua perlecta ita in lachrymas est resolutus, ut amenti similis, tacitus in tabernaculo diu sederet, ægerrime ferens fratrem ad Christianos defecisse, ob quorum ignominiam pater eorum interisset. Cæterum par est, ut de moribus barbari Principis, & de corporis dispo-

dispositione, quātum ex his didicimus, qui eum de facie viderūt, aliqua depromamus. Fuit tum quum apud Rhodios eisset acceptus Rex Zyzymus, annorum octo & viginti, corpore procero, valetudine prospera, facie ferocitatem præ se ferente: oculis glaucis ac subobliquis, supercilio denso, aquilo colore, à nasi radice ferè utroq; coherente. Sinistrum in frontem eleuabatur, dextrum ad oculum vergebat. Nasus aquilinus, os paruum, labia crassa, mentum exile, barba rara nō promissa, sed ad cutem forcipe tonsa. Ceruix obesa, corpus pingue: Vorare enim verius, quā mādere solebat. Brachia, crura, tibiae ac pedes, pro portione compacti. Nō tamen pinguedine impediabatur, quo minus saliendo, equitando, venando ac sagittando habilis foret. Si quid cōcepisset indignationis, oculorum motus & vox acuta, caprino similis clamori, indicabant. Sed præsentibus viris prudētibus, faciem temperauit: Simulador & dissimulador prōptus. Quum quiesceret, loquebatur modeste & temperate. Nec à Principis dignitate, quanquam profugus esset & extorriscessit. Voracissimi stomachi fuit, auidēq; cibum sumebat, bibebat auidius citra Principis dignitatem. Vinum aromatibus conditum diligebat, & aquā saccaro insusam patrio ritu potabat. Et asina & lixa fastidiebat, & vinum austerū: quoniam aquam cū saccaro in vsu habuit quotidiano. Vtebatur assidue balneis thermisq; aquaq; gelida crebro perfundebatur. Natabat libenter, cunctis astantibus in pelago. Observantissimus legis Mahometeæ. Vbicunq; habitauit, ædium cellulas omnes lustrauit, ac vndique decubuit; nonnunquā etiam sub diuo, & si paratum haberet cubiculum. Subtristis & cogitabundus semper videbatur, nec vllū laticiae signum dabat. Tur-

corum lingua paratissimus, qui d cunjs literis incu-  
buit, vt etiam gesta scribere doctus esset. Res nancq;  
genitoris magnificè gestas literis mandauit, gentili-  
um literarū non ignarus. Reliquit autē apud Car-  
ras matrē inclyta Regū Seruix familia natā, duosq;  
liberos tenelle ætatis, masculū ac femellam. Baiaze  
thus interea frater, quum iam Principatus guberna-  
cula teneret, audiens fratrē quem regno spoliauerat  
ac bello cōsequutus erat, ad Rhodios confugisse, vt  
cōfugij spem auferat, Rhodiorum generositate alle-  
ctus, pacem inire cū iis molitur. Missis oratoribus,  
quum induciæ semestres suasu Præsidis Lyciæ statu-  
tæ essent, in his Achmatius Bassa Imperatoris consi-  
liarius, qui Ydruntū expugnauit, rā diu literis Rho-  
di magistrū ad pacē hortatus est, donec Rhodiorū  
legati cū Turco fœdus haud ignobile, priusq; inau-  
ditum percusserūt. Quod quia perpetua memoria  
dignum est, posteris q̄q; volui manifestare. Baiaze-  
thus enim Turcoꝝ Imperator iureiurando pro mo-  
re Mahometæ religionis adactus sic fatur :

Miles gladium ne stringito.

Glades inferre caueto.

Nec continenti, nec pelago armis locum dato.

Classē offensam salutato.

Negotiator tuto mercimonia exerceto.

Commeatus sumito.

Seruū profugum si in lege versatur, restituito.

Si extra legem est, xx. nummum auri exeluito.

Arx sancti Petri perfugis patens esto.

Superstite Bayzetho Principe pacem seruato.

Hac forma pace stabilita per Oratorem Bayze-  
thus Turcoꝝ rex magistrū Rhodi precatur, vt Zy-  
zymū fratrem quo fomes belloꝝ penitus tollatur,  
sub alis suis foueat ac protegat, pro annuot; sumptu  
polli

pollicetur quinq; & quadraginta millia nummum  
 auri, quos Calendis Augusti quotannis Rhodi, ex-  
 oluere bona fide promittit. Quas cōditiones magis-  
 ter Rhodi, vt tempori cederet, ne dissidij materia  
 peior oriretur, assumpsit. Interea Achmatius Bassa  
 Ydrūti expugnator, qui fratris Zyzymi partibus  
 fauere, nec pacem, sed arma homo ferocissimus, &  
 Christiani nominis atrocissimus hostis expetere vi-  
 debatur, Bayzetho contrarius, qui pacē amabat, ve-  
 neno in conuiuio (vel vt alij volūt) iarcu collum tra-  
 sectus, in conclauī perijt atq; occisus est nece condia-  
 gna, Rege sic procurante. Nam quia potens erat, &  
 auro grandi abūdabat, Regi semper suspectus fuit,  
 qui verebatur ne fratrem Zyzymū in regnum (vt  
 saepe iactitabat) introduceret. Nam quieturus non  
 erat, qui clades ingentes finitimis illaturū sese mina-  
 batur: quum animo audax, manu foret prōptus, re-  
 rumq; bellicarū peritissimus. Missus est itaq; Zy-  
 zymus quo tutior esset, in Gallias ad Christianissi-  
 mum Frācorū Regem, licet veteri cōstitutione, lu-  
 dæi, alieniq; a fide catholica, Regno excluderentur.  
 Cæterum vt Bayzethus gratiam magistri Rhodi,  
 maioremq; amicitiam assequeretur, dextrā Ioannis  
 præcursoris dono mittit. Et quum anno sequenti o-  
 ctuagesimo scilicet quarto, post mille quadringen-  
 tos, in Maio ingentē pararet classē numerosūq;  
 exercitū, in Italiam per Hellespontū mittendū, sua-  
 dente magistro Rhodi ac minitante, si aliter faceret,  
 fratrem contra se emissurum, exercitū dissoluit, iura-  
 mento adhibito. Dehinc est Zyzymus Romam  
 perductus, anno octauo & octogesimo supra mille-  
 simū quadringentesimū, & Innocētio octauo sum-  
 mo Pontifice, qui Sixto successit, datus: arte & soler-  
 tia Leonelli Concordienſis antistitis, Legati ap̄pici.

Nam Baiazethus per Legatos præter cætera, sacra-  
tissimum CHRISTI sepulchrum cum Hieros-  
olymis, & omni terra quæ sancta dicitur, Christia-  
no nomini se daturum pro Zyzymo pollicebatur,  
& lanceam CHRISTI pariter Rex Hungariæ  
Matthias & hunc impense petebat, qui Zyzymo  
sibi dedito, indubitata de Turcis victoriam pol-  
licebatur. Vicit tamen facundia antistitis, vt Pon-  
tifici traderetur. Sub custodia tamen militum Rho-  
diorum est detentus. Sub Alexandro tamen sexto  
quum Carolus Francorum Rex urbem cepisset, ei  
obses datus, cum Duce Valentino filio Pontificis,  
mortuus est veneno, Alexandro Pontifice haud ig-  
norante. Qui quum infenso esset in Gallos animo,  
omnia prius maluit, quàm res Caroli per eum fieri  
meliores: Carolus enim ea conditione pacem cum  
Alexandro sanxit, anno salutis Millesimo, quadringentesimo quinto et nonagesimo, Idibus Ianuariis,  
vt Zyzymum Baiazethi Regis fratrem sibi tra-  
deret, qui in Vaticano custodirebatur, quem vt ve-  
neno tolleret, ab initio Gallici tumultus per literas  
cum Alexandro egerat. Rex Barbarus magnum  
auri pondus, si eam sibi operam nauasset, pollicitus  
est, nec solum Zyzymus datus est Regi, sed in fœ-  
dere etiam positum, vt Valentinus quatuor men-  
ses regia castra sequeretur, vt omnia Pontificis lo-  
ca Gallis amicè paterent. Sed hæc de Zyzymo  
fratre hætenus. Nunc ad Baiazethum Imperato-  
rem reuertamur. Quum enim ab initio Imperi-  
um & paternam adiret hæreditatem, domi (vt di-  
ctum est) & foris tumultus vndique exciti sunt.  
Nam & in ora Macedoniæ Ioannes Castriotus  
Scanderbechi filius, prælio apud Croatiam prospe-  
re commisso, Baiazethi arma suis expulit finibus.

Parita



Pari tamen successu Ioannes Cernouichnis subita rebellionem adeo Baiazethum perculit, ut tributo tantum imperato, passus sit eum obtinere, quæ post Mahometi obitum armis receperat. Omnium vero prosperrime rem Christianam Matthias Hungarorum rex in Turcos gessit, ut iis non minori esset terrori, quam olim Huniades pater. Ingentem enim exercitum ab initio sui regiminis, qui Sirmienfes agros vastabant, fudit fugauitq, ac castra ab eis possessa redemit ac recuperauit. Valida tamē manu maiorem Seruix partem penetrauit, multa felicissime gessit, & multa strenui militis opera atque præclara facinora ædidi. Bosnense regnum ( quod vulgo hodie Ramani vocamus ) ē Turcorum manibus subtraxit. Castrum Iaycza munitissimum vi & armis subegit. Finitima loca deditione cepit, captiuos plures cum insigni & nouo triumpho abduxit. Dehinc iterum cum à Mahumeto Baiazethi patre arx Iayce obsideretur, tam cruento bello repulit Turcum, ut coactus sit impedimenta & omnes machinas post se in prædam & spolia Hungaris relinquare ( ut supra scripsimus ) Mahometus hunc solum Matthiam inter Christianos Duces Principis nomine dignabatur. Sabatiam inde arcem munitissimam ad litus Sauis fluminis sitam, strenue ē faucibus Turcorum eripuit. Et licet iterum occupare annexi essent, sunt tamen ab Hungaris denuo repulsi. Quod si potestari Matthiæ traditus fuisset Zyzymus, credo equidem ex tota Europa omnē Turcorum familiam facile potuisse eiici, & ultra mare repelli. Moliebatur autem Baiazethus bellum interea in Syriam Memphytico regi, qui olim fratrem consilio ac donis iuuarat, opulenta classe in mari parata: Venetos orauit, ut sua pace liceret Cyprum

classem appellere. Venetis suspectum fuit, ne confu-  
 lla Turci, quæ ignorabant, subito mutarentur, occa-  
 sione aliqua reperta. Ob id petitem Turco negatū  
 est. Sed is nihilominus classe sua Lyciæ, Pamphylie  
 & Ciliciæ oram præteruectus, Syriam attigit. In  
 Ciliciæ finibus biduo dimicatum, Turcorum in-  
 fœlici exitu. Memphitici duces amillis priore præ-  
 lio commeatibus, quos medio pugnae ardore loco-  
 rum accolæ diripuerant, inopiam veriti, si bellum  
 traheretur, sequenti die in equum egressi, hostem ad  
 pugnam eliciunt. Est hic a prima luce ad noctem  
 tanta vtrunque strage certatum, ut pauci pro nume-  
 ro eorum qui in acie steterant, cædi superfuerint.  
 Centum millia Turcorum eo die conflixisse fama  
 est, quorum vix tertia pars superfuit. Nec minor  
 clades Aegyptios pro numero attigit. Ex septuagin-  
 ta millibus, qui in prælio fuerant, dimidium est des-  
 deratum: neutra parte pro victa prælio cædente, cæ-  
 obstinate pugnatum est. Sequenti nocte Bajazethus  
 Duces silentium in pacatum concessere, relictis ca-  
 stris commeatibus refertis hostibus. Sed dum circa  
 ostium fluminis Selplice (quod Orontem aliqui  
 suspicantur esse) classis staret, tempestate maris for-  
 tē disiecta, miserum spectaculum hostibus præbu-  
 it. Paucis interiectis annis, iterum Othomannica  
 classis Hellesponti faucibus egressa, non sine magno  
 Venetorum terrore, præter Græciæ oram vecta,  
 haud procul Corcyra tumultuose confedit. Bajaze-  
 thus Rex tum ingenti exercitu terrestri in Epirum  
 venit. Tota hinc vis bellica in Chimerinos ver-  
 sa est. Tenent ii arduum & inaccessum penè locum  
 in Acrocerauniis (Strabo Chimerium vocat, eo  
 minensque id solum interpretatur) huius loci inco-  
 læ ferox & indomitum genus hominum aliquan-  
 diu

diu tributum Baiazetho abnegauerant, ob eam rē petiti sunt bello. Sed ii terrificos hostium apparatus veriti, metu subacti cessere. Chimerinis itaque ad imperium retractis, Baiazethus retro pacatus abiit, nihil molesti Venetis ( quia pacem violare noluit ) inferens. Dehinc est maxima clades à Christianis in Liburnia ( quam nunc Croatiam dicimus ) accēpta, cum septem millia hominum sunt vno praelio interfecta. Confluxerunt enim in ea pugna nouem millia Hungarorum, Croatorumq; , quorum terrā assiduīs excursibus vastabant Turci. Sed Turcis vincentibus, cēsa est Christianorum acies, ex parte multo maxima. Vix duo millia media strage dispersi, per saltus & nemora in pacatum abierunt. Victor hostis vt cæsorū numerus commodius inferretur, nares iacentium excēctas, baltheolisque insertas secum extulit. Cæterum Baiazethus cum Mahometæ legis violator quotidie mero maderet, in omnem luxum resolutus, nullum insigne ipse gessit bellum, natura etiā formidolosus. Maxime tamē Gallum Regem verebatur, cum quo primum fratrem Zyzimum esse, inaudiuit. Sed is postquā veneno sublatus est & Alexander Pontifex, Maximilianus Cæsar, Ferdinandus Hispaniæ rex, Ludouicus Sphortia, & Veneti nouū fœdus inierunt, Franco excluso, metu solutus nihil timuit. Anno dehinc salutis humanæ nonagesimo octauo, post millesimum quadringentesimum, excursionses Turci in Carnorum regionē faciūt. Octo enim millia Turcorū iam aperti hostes Italiam ingressi, per Foroiulensem agrū cum metu ac trepidatiōe agrestium, Libuentiā vsq; prædabūdi processere. Villę passim direptæ ac incēse, multi mortales capti, in captiuos sequeuitū. Trāsmissoq; Tiliauēto fluuiio castrametati sūt Venitiq;

1498.

Veritiq; ne ab hoste intercluderentur, aut grauem  
 prædam pertassi, ingentem captiuorum numerum  
 mares promiscue & fœminas vno in loco fœde trus-  
 cidarunt, magnamq; vim hominum abduxerunt.  
 Croatia quoque igne ferroq; consumpta, et crebris  
 incursionibus penè exhausta est. Sed & regnum Po-  
 loniæ vastatum d Turcis, sexaginta millia homi-  
 num inaudita crudelitate abducta sunt. Maritima  
 de hinc classe circa Peloponnesum cū Venetis Tur-  
 cus mira fortunæ varietate dimicauit. Nunc terri-  
 tus manum conserere fugiens, nunc in portu dum  
 aquatum vadit interclusus. Sed cum naualis pugna  
 exoritur, naues ferreis manicis confectæ, insolubili-  
 terq; inter se coherentes, incendium accipiunt. Quo  
 Turcorū plurimi territi, ex sua naue in subiectum  
 mare præcipitati desiluerunt, suntq; suorum occurso  
 seruati. Quod si ducem habuissent Veneti milita-  
 ri disciplina exercitatissimum, de hostibus triūphas-  
 sent hilariter. Sed ē manibus emissā fortuna, dū Tur-  
 cum qui Peloponnesi dextrum littus legebat, subse-  
 quuntur, circa Naupacti fauces iterum elabi hostē  
 fœde sine pugna permittunt. Naupactum deinde  
 urbem vetustissimam, quam hodie Lepanthum  
 vocant, Venetis ademit. Sequenti vere Baiazethus  
 rex terra mariq; bellum in Peloponneso reparauit,  
 hoc est, biennio post Carnorum euastationem, va-  
 lidiorē quā antea classe, & maiore terrestri exerci-  
 tu : Ad centum enim & quadraginta armatorum  
 millia duxit. Quibus copiis Metonem terribili op-  
 pugnatione adortus, eneis machinis urbem vndiq;  
 concussit. Et post alteram oppugnationem, cū diu  
 viriliter Metonenses in fide perstitissent, frustra Ve-  
 netis subuenientibus, vrbs capta, direpta, ac magna  
 ex parte incēsa, omnibus oppidanis ad vnum cum  
 præsule

præsule suo necatis, foedissima caede Metone capta, Junco deditio potitur, mox & Corone. Tū proficiscitur domum. Classis Veneta ad Hellespontum subsequuta, biremes et alia nauigia aliquot ademit hosti, insulas quasdam depopulata, Aeginam, Zaccynthum, Cephalensiam : quam post disiecta moronia adorti, oppido vniuersaq; insula tandem Veneti sunt potiti. Corcyram tum recipere cogitant, cum noua Turcorum classis ab Hellesponto profecta, in Ambratium sinum, quem nunc Larte vocant, insedit. Vbi Veneti direptis quibusdā hosti nauibus, quibusdam incensis, Corcyram cum praeda onusti redeunt. Turcum in Peloponneso recipiunt, quam post paulò iterum amittunt. Sic bis eadem arx intra annum metu hostibus dedita : Postremo Gallorum classis ex Neapoli progrediens, per soronium in Melum insulam processit, vt suppetias Venetis ferret. Duces coniuncti, Lesbum insulam inuadunt, Mytilenem vetustissimam insulae urbem subita oppugnatione adoriuntur, parte muri magna discussa. Sed frustra ab initio. Tandem caesis qui auxilio mittebantur, ac partim fluctibus obrutis, obsidio continuata. Sed aufugiente inde Gallo, eius prætoria nauis tempestate maris ac fluctibus absorpta periit. Veneti quoq; obsidionem soluerunt, ac in Corcyram delati sunt, relicta hosti insula. Paucis dehinc interiectis annis, circiter secundū videlicet salutis nostrae, & quingentesimum post millesimum annum, mira formidine perculsus Turcus fama noui prophetae Sophi, quem alij Elian vocant, patria lingua bonum interpretatum, omnem exercitum ne Natollam ingrederetur, ad se reuocauit vt hosti resisteret. Tantum enim mouit hic Propheta ( licet alij bubulcum ac idiotam vocitent ) tur-

multum

# IO. CVSPINIANI

multum, cum è Perside excitatus, Armeniam vsq;  
 immenso exercitu venit, patris interitum vlturus,  
 vt quidam scripsere, ab Vsocassano interfecti, cum  
 quadraginta millibus virorum: licet illius ex foro  
 te nepos feratur. Vt ex quatuor filiis relictis Vsocassani vnum occiderit, ac viginti quandoque milia strauerit fuderitq;, tres reliquos captiuos abduxerit, pauloq; post interfecerit. Dehinc Tauro tenus progressus, omnes vrbes, villas, oppida, totamque Vsocassani regionem suo subiecit imperio. Deinceps finibus Turci terrorem iniecit maximum, à quo Caramannorum per oratores petiit regiones hæreditarias. Turcus enim fama re ipsa maiore (vt nonnulli arbitrantur) commotus, imperio suo timens, plures domos in Constantinopoli, supra ducentas videlicet, igne iussit perimi, & in his inhabitatores, qui de hoc bene sentiebant loquebanturq; propheta. Publico que edicto sub capitis poena vetuit, ne quis de hoc publice loqueretur aut scriberet. Per Oratores enim hic Sophi suos, qui miseram seruitutem in Turcia seruiebant, repetebat: Turcū, que hortabatur, vt abiecta veteri religione, suam assumeret, habitumq; immutaret. Est enim ei ornatus capitis roseo galero cinctus opertaque facie more Moseos populos audit, responsaque dat, ac se Prophetam Dei nominat. Vir alioqui iustus ac pius, qualem fuisse eius patrem vulgo prædicant: qui vt Deus aliquis terrestris (dum viueret) à plebe venerabatur. Immortalem Deum qui mundum creauit, iubet adorare. Cuius hæc visibilia sunt opera, Sol, Luna, Stellæ. Mahometen seruum empticium per contemptum publice nominat, eius hæresos codices vbi vbi reperit, vulcano donauit castigandos.

Priusquam enim tantum coëgisset exercitum in vr  
 bibus

bus Persiæ singulis, adiacentibusque regionibus  
 ob intestinas seditiones propter religionem subor-  
 tas, multos dissecuit. Plerique neci dediti, cum à suis  
 obruerentur, qui Mahometicam obseruarent insani-  
 am. Tum templa etiam Mahometi dicata obrui  
 fuisse, ex iis quoque equis canibusq; stabulum fieri  
 præcepit. Antiqua vero templa à Turcis diruta, ex-  
 ædificari instaurariq; Armenos Christianos vltro  
 obuiam ob metum procedentes, bona spe esse ius-  
 sit. Habet enim secum tres Armeniorum sacerdo-  
 tes, doctrina & vitæ integritate ac sanctimonia insi-  
 gnes, qui quotidie lingua Armenica, qua etiam vti-  
 tur, sacras historias ac Prophetarum scripta præle-  
 gunt ac interpretantur. Alias quadraginta seniores  
 rem suam gubernant, quorum consilio omnia ag-  
 git & bello & pace. Victoriosus, auro, argento, gē-  
 misq; potentissimus, nec vnde habeat, quisquā com-  
 pertū habet: ob id sui tanq; Dei amicū obseruāt. Ha-  
 bet enim secum & pedites, qui corporis sui agūt cu-  
 stodiam, & equites pugnatores strenuos ac sagitta-  
 rios plures. Docet enim in primis ius naturale cun-  
 ctis seruandū, oia esse debere cōmunia, ne quod no-  
 lis tibi fieri, facias alteri. Summū Deum hunc dicit,  
 qui mundum gubernat. Othomannis maxime ad-  
 uersus, quibus multa etiam abstulit, eaque antiquis  
 possessoribus dominisque Assemebechi nepotibus  
 tradidit. Vix dici potest, quo pacto motus ille totū  
 penē Orientem partēque Occidentis perculerit.  
 Supra enim centum quinquaginta millia homi-  
 num hunc sequuntur : impigri viri, summa tran-  
 quillitate in castris degentes, manūque prompti,  
 & ad cuncta illius mandata obediētes. Omnes  
 in bono ordine, optime armis muniti, ac patriis le-  
 gibus. Nam & Sultanus huc arma, bombardas,  
 ceteraq;



ceteraq; bellica instrumenta ministravit. Licet vt Portugallia regem d Calocuta auerteret, id fecisse memoretur potius, quàm vt Turcorum imperium ( quod maxime conat) subuertat. Et Veneti dicuntur Caramanno subsidia auxiliâq; polliciti. Hodie vero quâdo hæc scripsimus, Sophi p̄dictus fere esse mortuus, incerto tamen rumore. Siue igitur falsus siue verus fuerit rumor ille, Turcus mox cum Venetis pacem pepigit, cum rege item Hungarorum Vladislao, in hunc vsque diem, quo hæc scripsimus. Nā strages plures suorum vidit, ac cruenta prælia, quibus semper victor ille fuit. Quanquam quum Ludouici XII. Francorum regis cognata, Anna filia Comitis Angolismi per Venetias ac Segniam duceretur sponsa Vladislao, rumor allatus de excursione Turcorum, qui circumuagabantur, metum aliis, quandiu Hungaris incussit. Est etiam Nerithus insula ( quæ hodie diua Maura dicitur ) olim d Corinthiis d terra continenti, immisso Euripo, abscissa, d Venetis occupata & accepta. Oppidoq; capto fugatis Turcis, plurimis interfectis vulneratisq; in gens pecunia reperta est. Fregit haud parum ferociam Turcorum hæc expugnatio. Sed populi mediterranei, ob maris commertia, diu propter continuum bellum intermissa, ad extremam redacti omnium rerum inopiam, pacem longioris belli tædio efflagitabant. Maritimæ itidem ciuitates multis claudibus afflictæ, ad pacem petendam flecebantur. Quam Baiazethes cum Venetis in hanc formam confecit, vt Venetus Nerithum relinqueret: Baiazethes res Venetis negociatoribus ab initio belli ademptas restitueret: vt Pontica nauigatio his vt antea pareret, essetq; Veneti nominis magistratus Byzanti, qui antea fuit suis hominibus ius dicturus, Vt

us. Vt res Venetæ ditionis certis finibus à Turco-  
rum rebus discernerentur. Andreas Gritrus Baiaze-  
thi perquam notus ac familiaris, ad sanciedam pacē  
Venetis est Byzantium missus, paxq; confecta ac  
subsequuta est. Similiter cum Hungaris pacem Ba-  
iazethes firmavit, in annum vsq; millesimum, quin-  
centessimum decimum nostræ salutis. Est autē pro-  
rogata hoc anno per Oratores Turci, qui cum Re-  
ge Hungariæ erant Theodatæ (oppido nomen est,  
ab alijs Thatta corrupte dictum) cum ego cū qui-  
busdam Cæsaris & Regis Franciæ Oratoribus illic  
essem, qui Regem Hungarorum adhortarentur, vt  
Dalmatiam Venetis eriperet, inq; ius suum ( vt sua  
est) vindicaret. Sed quum hæc scriberemus, falsus a-  
ud nos increbuit rumor de morte Baiazethi, ac cō-  
fusione filiorum de Imperio, cum Bassa Romanie  
mortuus esset, vt ex Oratoribus Turci, qui Budā  
enerant, didicimus: qui nobis etiam quatuor filio-  
rum nomina Baiazethis explicauerunt. Primus e-  
st filius qui circa patrem vicinam habet possessi-  
onem, Zultan Amath vocatur, alter Zultan Cor-  
uth, tertius Zultan Selynissa, quartus Zultan li-  
airzze: Chelebe nominibus suis dicuntur. Fœlix  
item Petancius Segnienfis Cancellarius, Baiaze-  
tho nouem esse scripsit filios, horumq; nomina hæc  
ponit. Primogenitus eius filius Mahometh Celebi,  
qui hodie præses est in Amasia. Secundo genitus  
est Churchut Celebi, qui præses est in Domusli  
Charaman. Tertio genitus est Synan Celebi, qui  
præses est in Domusli circa Rhodum. Quartogeni-  
tus est Ahmath Celebi, qui præses est in vnâ ex  
provinciis Huson Cassan in Persia. Quintogenitus  
est Murath Celebi, qui præses est in Trapezunte.  
Sextogenitus est Hallij Celebi, qui est præses in Ca-

H pha

1310.

907.

# IO. CVSPINIANI

pha. Septimogenitus est Hallij Masach Celebi, qui  
 præses est in Chestemoni. Reliqui vero adhuc sunt  
 in curia patris, quibus assignata dominia ob infanti  
 am non sunt. Octo itidē filias huic esse scripsit idem  
 Petancius, quarū prima vxor est Ahmath Bassæ, fi  
 liij Ducis Stephani de Bosna. Qui quidē Stephanus  
 Bosnæ Despotus, olim à Ioāne Card. S. Angeli bap  
 tismatis vnda perfusus, & sacris initiatus, à religioe  
 iterū defecit, & Turcis sese addixit. Secunda filia est  
 vxor Capitanei Ianizariorum, qui dicitur Agga.  
 Tertia fuit vxor filij Hufunchasson, quæ vidua fa  
 cta est. Quarta vxor est Mustaphabegh, qui præses  
 est Ducatus S. Sabbæ. Quinta est vxor filij Tauth  
 Bassæ. Sexta est Iusce Lahmath, qui præses est Vau  
 doue. Septima est vxor filij Ioddiahmath. Octaua  
 est vxor Mustaphabegh, qui præses est Chrusseuze.  
 Sed interim fortē quo hic Petancius ad Vladislauū  
 Hungarorum regē scripsit, aliqui ex liberis Turci  
 morte absorpti sunt. Deus immortalis maximus  
 & optimus faxit, vt ij quoq; dracones cum patre  
 mox absorbeantur, & à Christianis Principibus la  
 cerentur. Quod certe nunc fieret, si Summus Ponti  
 fex cum Cæsare victoriosissimo, Christianissimo  
 Francorum, Catholico Arragonum, potentissimo  
 Hungariæ regibus foedus iētum Cameraci prese  
 queretur, ac foelicibus auibus contra Christi hostes  
 perfidos auspicaretur, non deesset auxilium diuinū.  
 Quod certe diuina Maiestas nuper nobis patefecit.  
 Anno salutis nono, supra millesimum quingentesi  
 mum, decimaquarta Sept. terræmotu grauissimo, q  
 diebus decem & octo continuis murum Constans  
 tinopolitanæ vrbis, qua parte mare spectat, cum o  
 mnibus adiacentibus domibus disiecit, fossatumq;  
 ruderibus impleuit, ac terra æquauit. Arcem in  
 qua

notul.

1509.

qua gazophylacium Imperatoris quinque turribus munitissimis custoditur, & insignis domus quales ones nutriuntur tanquam in viuario, destruxit. Cuniculos qui per montes ac longa itinera è Danubio aquas in urbem euehant, maximis & laboribus et impensis fabricatos, ita concussit, vt ingenti thesauro reparari nequeant. Sinus autem maris ( siue brachium vt vulgo loquimur ) inter Constantinopolim & Peram violentia terræmotus, adeo infremuit, vt in vtraque ciuitatē mare ultra muros aqua iniiceret. Domus vero tributaria iuxta muros Constantinopolis in mare tota decidit, vt nullum illic appareat vestigium. Maxima item pars turris plumbeæ in Pera corruit. In Calliopoli munitissima arx penitus rupta est. Nec vlla domus illic integra mansit, totamque Græciam ad Danubium usque hic terræmotus longe lateque peruagatus est. Feruntur Constantinopoli tredecim millia hominum tum obruta crudeliter interiisse. Ex familia primi consiliarii Cæsaris qui vulgo Mustapha Bassa dicitur, trecenti & sexaginta homines cum equis interierunt. Gaija Bassa alter consiliarius fertur innumerabiles homines, equos & iumenta amisisse. Qui autem Alba Bassa dicitur, domum habuit quæ cum iumentis, equis ac hominibus, imbribus & fulmine & terræmotu cum omnibus bonis penitus absorpta est. Et nisi Bajazethes imperator monitus fuisset à quodam Caligero monacho, Græco, senex, quem familiariter dilexit Turcus, secumque crebro detinebat, vt in hortos descenderet, præcepit abiisset Bajazethes. Vaticinatus est hic senex venturum terræmotum, interituramque Turcorum sectam, propeque esse illorum ruinam. Intrepideque sæpe Cæsari hoc dixit. Nā cum rueret sepulchrū Mahometi Imperatoris

## IO. CVSPINIANI

& patris Baiazethi, maximis extructum impensis, multaq; & Græcorum & Turcorum sacræ ædes seu templa, quæ sua lingua Meschetas vocant, collaberentur, Christianorum templa illæsa manserunt. Ingensq; illa Sophiæ ædes nihil mali sensit, præter turrin à Turcis post captam urbem templo in fine ornatus gratia annexam, quæ tota præcipitata perierit. Nemo tamen hoc sine admiratione audiet, quòd terræmotu illo, calx et cementū quo beatorum imagines post captiuitatem urbis coopertæ fuerant, ita separatim ab imaginibus ceciderunt, quasi arte noua iam prius suo splendori essent redditæ. Ostenta nimis irum sunt hæc, & vt puto certissimum Turcorum ruinā significantia. Si modo Christiani Principes paulò diligentius id animo reuoluerent, & se cogitarent non natos ad gulam, ad corporis voluptates explendas, sed ad labores, ad tutandam fidem Christi & propagandam. Id quod sæpiissime diuus Maximilianus noster Cæsar, & publice & priuatim illis dixit: hosq; cohortatus, diligentissime me horum admonuit. Sed surdis fabulam concinuit.

Cum pientissimus ille Imperator, nihil duceret animo suo felicius, quàm cum hostibus Christi sua vltima ætate depugnare, & vires suas experiri. Sed inanis fuit omnis eius conatus, Principibus vel illum contemnentibus, vel Deo sic volente, cæcutientibus & bellis ciuilibus intentis. Cum enim natura Baiazethes pacis quàm belli esset studiosior, & iam ocij appetens, filiis intestinis seditionibus occupatis à Janizaris suis (in quibus omnis eius spes sita erat) imperio deturbatus, summa cum ingratitude vigeima tertia Iunij, Anno salutis duodecimo, supra Millesimum quingentesimum, ingressus religionē, ob moerorem & animi cruciatum, paulòq; post veneno

neno à filio iuniore dato, cum vno & triginta annis  
imperio præfuiſſet, moritur.

## ZELYMVS OTHOMAN

nus, Decimus Turcorum

Cæſar.

**Z**elymus minor natu filius Baiāzethis, ex tri-  
bus illis grandioribus natis, Zultan Achmat  
enim maior natu, & Zultan Corcuth medius erat:  
Zelym Zultan iunior quidem, ſed bellicoſior, im-  
perium è manibus patris arte & dolo extorſit, ac ſibi  
uſurpauit. Cum enim Baiāzethes pater ſenio cō-  
fectus, maiori natu Achmat illud gubernandum  
commiſiſſet, minor natu Zelym clam auſugit, ne-  
mine ſciente: patriāq; excedens, Tattaris ſe coniūn-  
xit. Impetratāq; filia reguli cuiuſdam Tattari, quos  
etiā Cæſares vocāt (plures enim habent) in vxorē,  
immenſa breui collecta multitudine Tattarorum  
Hadrianopolim venit, irā minarumq; plenus. Baiā-  
zethes imperator, qui diu filium amiſſum (ita enim  
credebat) luxit, audiens cum exercitu aſſeſſe, obſtu-  
puit: miſſis nunciis quærebat quid peteret, cur tam  
ingentem in patriam aduexiſſet exercitum, ſuade-  
batq; vt hunc dimitteret, miſſa magna pecuniarum  
ſumma, & precioſis veſtibus, quibus ſtipendia mi-  
litibus & dona poſſet dare honeſta, ne indignaren-  
tur. Ferunt currus onuſtos aſperis nummis & ſer-  
ico multiplicis generis patrem filio miſſiſſe, vt eum  
ſibi conciliaret. Zelym placatus muneribus pater-  
nis, exercitum dimittit, ad technas confugit, & do-  
lum comminiſcitur. Quem Ianizari cum patre hoc  
pacto ordiuntur. Cum enim Baiāzethes aduerſa op-  
primeretur valetudine, & podagræ morbo decum-  
beret, Ianizari Imperatorem adcentes, te, inquiunt,  
ô Imperator ſubmiſſe oramus, quia ſenio confe-

## IO. CVSPINIANI

Etus valetudinarius es, nec imperium pro dignitate dilatare, neq; pro necessitate satis defendere ac tutari potes ab hostium incurſu, ſucceſſorem nobis deſignes, qui locum tuum occupet, imperium poſſideat, idq; defendat ac tueatur. Vndiq; enim nobis imminet pericula, vndique aduerſitates. Sophi ab ortu iſtat, & magnas Perſarum vires agit, adiacentes que tuo imperio regiões multas occupauit. Quod ſi Aſiam Minorem (vt decretum eſt) irrumpet, verendum ne Chriſtianorum Imperator, qui vt audi-  
 mus crebro in comitia imperij principes conuocat, cum hiſq; cōſultat, vt obruamur, vt debellemur, vt è regno Græcorum (quod pater tuus haud incruento prælio, magno labore, mira audacia parauit) excludamur: Principum & vniuerſæ Chriſtianitatis vires colligat, & inſperato nos obruat. Audimus enim iam bellum hunc agere cum Venetis, & magno diuerſarum nationum coactō exercitu, Patau-  
 um urbem inſignem obſidere. Quod ſi in gratiam redibunt Veneti cum Cæſare, congregatis ex Italia omni militibus, cum iis quos ſecū habet per Adriaticum & Ionium mare, Euxinum ingreditur. Si Genuenſes cum Romano Pontifice claſſem armabunt, ac Florentini acceſſerint, facile Portugalix & Aragonū reges inducent vt vniuerſi in nos conſpirent. Non enim parua nobis ſuſpicio eſt de Romanorum Imperatore qui ſuis nunciis ſemper Hungariæ regem ſollicitat. Et quando ante aliquot annos hinc tecū ſuos habuiſſet Oratores, nūquid credendū illos habuiſſe in mandatis, vt corpus tuum, ætatem tuam, vires tuas, paulò diligentius rimarentur, quo poſſet cum ſuis principibus accuratius ſuper ſingulis cogitare? Rogamus itaque vt ſucceſſorem nobis bellicoſum, ſtrenuum & impigrum, qui Ma-  
home



hometis legem ense possit tutari, sine mora designe-  
 nes. Non possunt pericula longiorem ferre moram  
 Imperator his auditis, nihil suspicatus mali, sese du-  
 dum maiorem natu Sultā Achmath, qui ei succede-  
 ret, designasse respondit. Qui cum eos haberet an-  
 nos, quibus & prudentia & robore valeret, non es-  
 se dubium, quin res Turcicas ex fide esset admini-  
 straturus. Ianizari autem dolum suum non aperien-  
 tes, ex vniuersa sua cohorte insigniores tres deligūt,  
 qui Achmath adeant, qui tum erat in Natolia, ab  
 eoq; noua stipendia postulant. Quid enim, inquiunt  
 illi, nobis Ianizaris dabis, si te Imperatorem consti-  
 tuemus? In manu enim nostra quem velimus esse  
 Imperatorem situm est, ea nunc potissimum tempe-  
 state. Indignatus Achmath & ira successus latrones  
 o perditū respondit, vos me Cæsarem statuetis?  
 quem pater dudum designauit? ad quem iure perti-  
 net hæreditatis possessio? quasi scilicet opera vestra  
 egeam, qui iamdudum vexilla hostibus erepta a pa-  
 tre possideo, qui me trophæis & habitu imperiali  
 condecorauit, hæredemq; ac successorem pluribus  
 argumentis palam testatus est. Ianizari rubore per-  
 fusi (technas. n. suas occultabāt) ad socios reuersi, cō-  
 uiciis Achmath lacebabant, atq; hunc criminabant  
 tanquā imperio ineptum. Cum Zelymo enim  
 dudum res suas definierunt. Quodam igitur die Ia-  
 nizari seditionem Constantinopoli grauem mo-  
 uent, quum Balazethus cum suis consiliariis sum-  
 mis de republica tractat, palatiumq; obsident, Cæ-  
 saremq; postulāt importunis clamoribus suis dari.  
 Principes viri qui consilio intererant, de vita despe-  
 rantes, quod sit in extrema necessitate, de more su-  
 dariis suis colla vinciunt, quasi captiui indulgenti-  
 am a Ianizaris si quid in scij peccarent, petentes.

veniam emēdicant, sequuti sellam, qua Baiazithes  
 Turcus à pedibus laborans vehebatur. Qui milites  
 quibus potuit verbis blandissimis delinire studuit,  
 beneficia in eos collata commemorans. Sed illi im-  
 placabiles, nulla re deliniti, Cæsarem clamant sibi  
 dari, qui eos tutari posset & defendere. Cum autē  
 Baiazithes respondisset: Nunquid Achmat Sulta-  
 num filium meum natu maiorem habetis, quē Cæ-  
 sarem vobis designauit? quem alium petitis? At illi:  
 Nolumus hunc regnare super nos, pinguis est, im-  
 bellis & ineptus. Non amat arma, sed pocula: minu-  
 etur imperium sub eo ac destruetur. Zelymum cu-  
 pimus strenuum & bellicosum. Eductisq; ensibus  
 nudis, quos sub vestibus occultabant, impetuoso  
 clamore Zelymum sibi dari postulabant. Impera-  
 tor Baiazethus furorem militum, quos sedare nullo  
 occasio erat, animaduertens, cedendum tempori  
 ratus, noluit Ianizaris aduersari. Zelymum se datu-  
 rum Cæsarem promittit. Quem Ianizari mox ac-  
 cersunt summa alacritate, ac muris Constantinopoli-  
 tianis ( vti inter se multo ante conuenerant ) ap-  
 propinquantem, vniuersa vrbis multitudine obuiam  
 prodeunte, magna lætitia ac publico gaudio ex-  
 cipiunt. Voto itaque omnium susceptum, ad palatium  
 Cæsaris perducunt. Imperator autem Baiazithes  
 in eo sedens loco, quo pro tribunali iudicia exercen-  
 tur, ad se vocato filio, qui à longe quodam sese angu-  
 lo occultabat, quasi omnium rerum inscius, quum  
 magnus esset dissimulatus: Quid, inquit, mi fili iam  
 opus his erat armis ( nam vndique nudi enses in pa-  
 latio erant, quos Ianizari furibundi in terrorem Cæ-  
 saris & suorum consiliatorum ostentabant ) tali fu-  
 rore atque impetu opus non erat, alia oportuit ince-  
 dere via. Hos ne impius occides ( Bassas manu indi-  
 cane

cans) per quos ego imperium auxi, cōseruauī, & tibi & tuis dilataui, hanc illis tu ingratiſſimus reddes mercedem? At ego mi fili, ex quo fata mihi contraria, tibi propitia, res noſtras ſic inuerterūt, vt eo gradu res noſtrę procedāt, audi obſecro et obſerua que tibi præcipio. Ne ſis adeo præceps ac furibundus, modeste agas quicquid ages. Noli tuo obſequi furori, cede tempori, quod omnia occulta detegit: & cogita te eſſe hominē multis obnoxium periculis. Seniores hos Baſſas, in quibus conſilium & prudentia, reuerere & ſemper honora. His dictis, quia laſchrymis erumpentibus plura loqui non potuit, ſelam ſuam qua vehabatur iuſſit amoueri, loco cedens eminentiori, quem filio Zelymo tanquā nouo Imperatori conceſſit. Eoq; in imperiali ſede locato, vexilla imperij tradidit, Cæſarē eum designans: Nam nullo vtitur diademate vtī noſtri. Tum ingentes excitæ ſunt acclamationes, Imperator ſalutatus ab omnibus, patre ſumma cū mœſtitia abeunte, & religionem quandā ingrediente. Zelymus itaq; arrepto imperio, violenter & per ſummam ſæuitiam gubernationem adminiſtrauit: multis ex primatibus (quos pater diligebat) partim veneno, partim vi ſublatis, ſuis autem diuitiis ac honoribus elatis. Pater interiectis aliquot diebus, quum ſam Zelym imperij habenas moderaretur, experiri volens quonam pacto regimen ſuum ordiretur, gazophylacium (vbi theſauri recōditi erant) ingreſſus, omnes diuitias reperit breui diſſipatas tempore. Dehinc armarum mētarium, vbi ſpolia hoſtibus adempta & prædæ reſeruātur, recensuit, & pariter vacuum reperit: Omnia enim ſuis iam donauerat. Luſtrauit deinceps camerā (vt noſtri dicunt) argentariam, vbi vaſa ac pocula aurea atque argentea à Principibus &

# IO. CVSPINIANI

Regibus finitimis dono missa custodiuntur: quæ pariter iam distributa euanuerant. Postremo stabulū regionum equorum ingressus inuist, vbi delectos ac insigniores equos nullos inueniens, altè ingemuit, & dolore exacerbatus, coepit pessima quæque suspicari de filio male in Imperium intruso. Cogitabat itaque vindictā quærēs, cū reliquo q̄ supererat thesauro abire in Natoliam ad maiorem filium, per hortum quendā maris portui vicinum, vbi naues quasdam ordinauerat, quibus traiceret. Priusquam igitur quæ nauibus erant necessaria præpararentur, sub amoenissima cōsidens arbore pyro, arreptis duobus lapidibus, ad Austrū conuersus, coepit filio Cæsari omnia aduersa imprecari, eumq̄ diris deuouere: vt eius coepta infeliciter, vt hi lapides quos manibus concussit, ab aduersariis contunderentur: vt letalia vulnera & discrimina periculosissima sentiret, vt lapides illi quatiebantur: vt vxor aut infœcūda, aut filios parturiret debiles, nec diu superstites, q̄ se patrem despexisset, Mahometi legem præuaricasset. Zelymus intellecta re de fuga patris, post imprecationem in hortum ad patrem veluti mœstus venit, multa lamētatus, quòd sic clandestinum moliretur abitum, fugæ similem, quum tamen Imperij administrationem non expeteret, titulo contentus, Noli, inquit, mi parēs, aut per impluuium aut fenestras clam egredi, qui per amplas vr̄bis portas ad hoc imperium arripiendum ingressus es. Noli hanc filio tuo, qui te vnicè diligit, inurere notam. Ego nomine, tu re sis Imperator. Finem vitæ tuæ expectabo, quæ vtinam diuturna sit, patientissime. Multa deinceps blandè eloquutus, vt patrem deliraret, iussit afferre delicatissimas dapes, sed veneno mixtas. Quibus parum degustatis, mox sensit veneni

neni tormenta. Atque ideo abiens, vltimum vale dixit: Malle, inquit, se secedere, ac tot regna relinquere, quàm oculis ea cernere, quæ indies ipsum cruciarent. Et vt iubes, subiunxit, paucis meis familiaribus per portas vrbs amplas egrediar, vt cuncti palam intelliãt passim, spontaneum me dedisse exilium. Egressus itaque vrbera Bajazethus, pluribus comitantibus & vlulatu insigni plateas replentibus, medio itinere a diro veneno filij clam patri dato, occubuit. Sic Zelymus imperium obtinuit, patre spoliato tam vita quàm imperio. Restabant fratres duo profligendi. Curckut vterinus frater tres habuit filios adolescentes, de more patriæ egregie institutos, quos fratri pramissit, vt orationibus elegantissimis patruum placarent, ne in patrem seuiret, offerentes sua seruitia & patris, qui eum vt Imperatorem adorabat. Crudelis autem Zelymus, mox ingenuos hos nepotes ante se strangulari iussit. Censent enim indignum Turci Cæsareum sanguinem attingere terram, ob id chordis ex arcubus strangulāt, quoscunque Cæsarei sanguinis esse norunt. Curckut pater audiens crudelem filiorum suorum necem, relictis suis dominiis, modis sese occuluit. Sed fame & inedia confectus, a familiare suo proditus, captus est & strangulatus, mortuusq; Imperatori allatus. Extabat Achmath maior natu filius, qui patris fratrisque morte audita, quindecim millium militum conscripsit exercitum: incertus quid ageret, matrem prudentissimā foeminam consuluit. Quæ filio suasit rem ense esse transigendam. Si enim, inquit, Arabiam petes, considera gentem perfidam & auaram, quæ parua accepta mercede te prodet. Si ad Christianos cōfugeris, volue animo quid Zyzymo patruo ab illo Romano

# IO. CVSPINIANI

mano Pontifice Alexandro sexto euenit, qui accepta ingenti pecuniarū summa, & à Baiazethe qui in annuum com meatum octuaginta millia aureorum quotānis pependit, & ab aliis qui eum postulabant, vno die viuum & mortuum vendidit. Si verò petes Regem Persarū Sophi Ismahelem, quo cū filius tuus Murath familiariter viuit, & qui amico in te iam est animo, acri perpēde iudicio, quid Rex ille si filium simul & te patrem habeat, qui ad imperium aspirat, non qui imperio ponitur, acturus sit? Ne fortē voluntatem quam in te iam habet, mutet. Vndiq; te pericula manēt, vndiq; cædes imminēt. Altius est cœlum q̃ vt illuc fugies. Terra tā patens vt facile penetrare haud possis. Ensem tuum consule, is te aut summum aut infimum reddet. Maternis obsequutus consiliis Achmath, coacto exercitu in Bithyniam festinauit. Erat tum in vrbe insigniore Brussa Imperator Zelymus cū septuaginta millibus militum, ægritudinem simulans. Sed castris ante urbē locatis, rumore illo ab Achmath delato fact⁹ audacior, quodā patēti cāpo eductis copiis suis, aciem instruit contra fratrem, primoq; congressu victoriam adeptus, tria millia strauit, quum ē suo exercitu vix lxxx. desiderarētur. Qua strage incensus Zelymus, equo conscenso veste imperiali exercitū suum præcedens, spectandū sese exhibuit. Quē conspicatus Achmath, dolum iam intelligēs, rebus suis dissiluis, coepit se accusare, & de sua salute desperare. Murathus autem filius, qui in exercitu quoq; patris erat, & à Sophi (cui seruierat) decem millia militū impetrauerat qui eum comitabātur, patri consuluit prælium nō forē ineundū, donec illi adessent Sophiæ. Erat verò in castris Zelymi Christianus quidā miles, ex Germanis captiuis, Cæsari ob singularem pruden-

prudentiam plurimum charus: qui Cæsari persuasit  
 vt largissimo donatiuo animos militū sibi concilia-  
 ret, ne volūtate mutata, deficerent ad fratrem victo-  
 rem. Cui Zelym obsequutus, nunc viginti millia,  
 nunc quadraginta millia nummū sparsit inter milu-  
 tes. Quum itaque certo die exercitus instrueretur,  
 Achmath de salute sua desperans, militibus suis sua-  
 sit vt fugam arriperēt, neq; se in aperta pericula præ-  
 cipitarent: Idem sibi esse faciendū ratus. Ingēs enim  
 erat fratris exercitus. Equum itaq; ascendens vt fu-  
 gam arriperet, præcidit. In alium repositus equum,  
 paruo decurso spatio, iterum decidit: Erat enim cor-  
 pore obeso. Noluit itaq; tertium (quanquam roga-  
 tus) ascendere equum, quum iam fatū sibi immine-  
 re clarē prospexisset. In lapidem igitur quendā con-  
 sedit moribundus & exanguis, omnibus alijs fuga  
 abeuntibus, quos Zelymi milites insequiebantur.  
 Et quum iam senior militū præfectus, in lapide se-  
 dentem videret Achmath Sultanū, honoris causa  
 equo descendit, ac more patrio vt Cæsare salutauit.  
 Cui Achmath: Non opus est vt me reuerearis, qui  
 sum, siue Deo ita volente, seu malo fato meo, meis  
 priuatus honoribus, vt me nō Principem, sed mise-  
 ram mortalem agnoscam iam moribundum. Ac-  
 cipe igitur a me hos annulos, & a fratre faciliorem  
 mihi mortē impetra, vt incisis venis in balneo me-  
 mori sinat, nō crudeliter in me grassetur, vt in alios.  
 Sed Zelymus iam dudū de omnibus factus certis-  
 or, carnifices submisit, qui ligatis in dorso manibus  
 per pedes in terrā prosternunt, ac mox chordis col-  
 lum stringentes, strangulāt, cadauerq; currui impo-  
 nunt, qui paratus nigro velo astabat, ac honorifice  
 Bursam ad sepulturam vehat. Zelymus atratus,  
 dolorem simulās, mœstitiā fingit, & more patrię  
oriza



# IO. GVSPINIANI

oriza cum lacte cocto vescitur. Ac sic tandem per summū nefas patre veneno, fratribus ac nepotibus per vim sublati, imperium adeptus, coepit in quoscūq; grassari. Erat enim natura sæuissimus, qui nulla humanitate utebatur erga quoscūq;. Quod mirum in modū expertus est Vladislai Hungariæ regis Orator magnificus, Barnabas Belus, quem quadriennio secum in Turcia detinuit, nec expedire voluit, donec pientissimus Rex Vladislaus mortē obiret, & iuniori Regi Ludouico suum Oratorem Balam Budam mitteret. Quem illic orantem in consilio vidimus & audiuius, vbi etiam quinquennales factæ sunt induciæ. Dehinc coacto immenso exercitu traiecit in Aphricā, occupauitq; magnā Ægypti partem, Syriæ, & adiacentibus infestis regionibus, eiecto Sultano potentissimo Principe. Post sanctam Hierosolimā cepit, magno pudore Christianorum Principum, qui terrā sacrosanctam sæpe adunt, vt vestigia IESV Christi adorent, & permittunt sæuissimo Tyrāno hāc possidendā, pro qua potius sanguinē suum fundere, amissis omnibus suis rebus ac diuitiis deberēt. Sed ita fortē Deus nostra punit delicta. Quæ quum nos agnoscere nolumus, & emendare, vt flagellū suū Deus nobis mittat, necesse est. Perpessi sumus iam penē triennio sæuissimā pestem, quæ tertiam partem hominū in Christianitate abstulisse putatur. Imminet annus vigessimus quartus, quem omnes eruditi calamitates immensas afferre iudicant. Deus faxit ne diluuiū afferat hominū, qui sanguinem superuiuentium lambant. Ita enim plerique timendum censent, quum iam hoc anno quo hæc scripsimus, Zelymi filius Solomet Turcorum Princeps, impunē incursionē in Hungariam fecerit, et viginti quatuor arces cum oppi

oppidis & villis abstulerit, nemine repugnante. Priori enim anno millesimo quingentesimo vigesimo mense Decēbri, furiosa & crudeli morte Zelymus mortem obiit, hoc filio superstite relicto. De quo incertus quidam rumor circumfertur, quod quum Nardalbā hoc anno vigesimoprimo occupasset, & in quodam sarcophago corpus sanctæ cuiusdā virginis, quæ miraculis claret, friuolè attrectasset, veluti ignea sagitta percussus, diram contraxerit ægritudinem, exclamaueritq;: Heu heu iuuenula hæc me morsu canino corripuit, atque dein in itinere mortē obierit. Id ne verum sit, mox edocebimur, si vitam Deus nobis prorogabit. Nunc de moribus Turcorum ac ritu domestico, deq; eorum religione, ut ad plerisq; accepimus, scribemus.

#### DE MILITARI INSTITVTO, MAGI

stratibus publicis, ac militiā, deq; ordini  
bus militū, quibus Turci domi  
forisq; vtuntur.

**F**Ranciscus Philelphus, vir vtracq; lingua, & carmine & oratione exercitissimus, et qui septem annis in Græcia versatus, res Turcorum percalluit: multis epistolis, multos Christianos Principes corhortatus est, ut arma contra Turcos sumerent. Prodidit deniq; exercitum Turcorum vltra quinquaginta vel sexaginta millia equitū, & decem vel viginti millia peditū non extendi. Reliquum esse vulgus iners, inerme, seruale, ac veluti hominum perditissimorum ingentem colluuiem. Sed quod tot tantaq; regna annis iam ducentis occuparint, ex angustissimisq; principiis, ac breui tempore ad tantum fastigium peruenerint Turci, mirandum non est. Victi enim quales sint ignorat nemo. Asiatici semper fuerunt molles & timidi, & seruire assueti.

Græci

## IO. CVSPINIANI

Græci effœminati, & intestinis odiis dissidētes. Ras-  
 sciani & Bulgari circa metalla & pecudes occupa-  
 ti, armisq; minime exercitati. Bosnēses factiōibus  
 eneruati. Facile fuit hostem vigilem & exercitum,  
 Principibus maxime Christianis dormiētibus, hāc  
 vulgarium & mollium gentium turbā paulatim  
 vorare: Siue Deo volente hoc acciderit, vt ob sce-  
 lera nostra nos puniret. Quandoquidem multitudo  
 Principum Europæ odia & intestina bella generat,  
 maximamq; inobedientiam ac rebellionem, vt reli-  
 ctis Christi hostibus, Principes Christiani inter se  
 digladiantur, & de terminis prouinciarū, nonnun-  
 quam de fastu ac re inani certant. Siue quia ars mili-  
 taris, qua olim Romani claruere, ac orbē penē vni-  
 uersum subiugarūt, atq; Lacedæmonij insignes vi-  
 ctorias reportarunt, hodie penitus est sublata ac ex-  
 tincta. Nam q; alij putant nostro seculo multū ar-  
 tem eam creuille, inuēntione noua instrumētorum,  
 machinarum bellicarum, armisq; æneis multis, qui-  
 bus hodie splendidissimi quidem prodeūt milites,  
 id ego tūm maxime laudare, si disciplina etiam vte-  
 rētur militari, quæ tota penē periit hodie, qua vsi o-  
 lim Romani, ardua quæq; superarunt, hostesq; deu-  
 cerunt. Hæc apud Turcos locū habet primū, qua  
 celeritatem in agendo, in periculis constātiā, in vi-  
 ctoria seruant mandatorum obseruantiam. Imperij  
 enim summa penes vnū habetur Principē, vni Im-  
 peratori obediunt ac parent cuncta. Singula vnus  
 gubernat & dominus est, cæteri mancipia ac serui.  
 Imperij obseruatio tanta est, vt vel minima delicta  
 capite vindicentur. Nullum est apud eos discrimen  
 generis ac nobilitatis, longa ex serie maiorū, sed qui  
 fortior in bello præclariore res ediderit, generosior  
 ac nobilior cæteris habetur (quod & apud Roma-  
 nos ob

nos obseruatum est) præmiaq; plura & maiora sortitur, quo quis strenuè magis manum cum hoste cōseruerit. Ob id iussi per æqua & iniqua vadunt precipites, profunda & vorticosa tranant flumina, abruptos superant montes, nō vite, sed imperij memores. Peruigiliq; inedia, laborum omnium tolerantissimi. Rara seditio inter eos, rarus tumultus. Qui mox si acciderit, mulctatur tumultus autor. In castris noctu tā pertinax silentium, vt patiantur capti uos dilabi, ne tumultus exciteretur. In prælio fremitu vtuntur, non clamore: vt hodie meritò hi soli anti quam seruare memorentur disciplinam militarem. Imperator verò, vt in officio singulos cōtineat, sua liberaliter erogat stipendia: addit donaria, quando quidem viritim tributū singulis pendunt annis Imperio subiecti, cum ex Natolia, tum ex Romania, de bombice, oraza, serico, piscibus salitis, sale, decimis, pascuis cunctorū animalium, metallis auri, argenti, & æris. Ex omnibus deniq; Satrapis maioribus & minoribus habet circiter annui ac ordinarij redditus quadragies centena millianum morum aureorum, de quibus stipendia distribuit, cursamq; suam imperatorio decore ornat. Cæterum vt ordine enarremus quo pacto domi forisque imperium suum gubernet, à magistratibus initium sumemus, priusquam de militia ac ordine militari, deq; instruenda acie loquamur.

Summus Imperij magistratus est Quatuoruiratus, à quatuor viris qui huic præsunt magistratui, dictus: hi patria lingua Visierbassa vulgò appellantur. Principes sunt consiliarij, qui quater in hebdomada sedent pro tribunali, in loco dicto Diuan, vt audiāt Oratores legatosq; principum: negotiaq; & hominū supplicatū libellos ad Imperatorem referunt,

## IO. CVSPINIANI

runt,causas diiudicāt, pro quibus ad Imperatorem  
prouocatū est. In demortui locum alter sufficitur  
mox,vt Quatuoruiratus maneat.

Hinc Duumuiratus subsequitur. Hi q̄q; lingua  
patria Beglerbeghi, hoc est,Principes præsidū, vel  
Domini dominorū dicūtur,præsidibusq; prouincia  
rum præsunt. Oīa enī regna, quę Turcorum sub  
sunt imperio,bispartita sunt.Orientalis enī pars Na  
tolia dicta. Ultra Hellespontū has habet sub se pro  
uincias,Bithyniam,Asiam minorē,Ciliciam,Phry  
giam,Galatiam,Pamphiliam,Cappadociam,Pa  
phlagoniam,& Chariam.Insulas præterea insignio  
res quatuor,Æoliam,Ioniam,Lesbū,& Smirnam  
Quæ oīa paucis annis in iurisdictionē Turcorū &  
linguam cesserūt. Vtitur etiā Natolia vndecim ge  
neribus linguarum. Nam habet Græcā,Italicam,  
Scythicā,Armenicā,Agnianicā,Cercasicā,Egnass  
cam,Mengrelicam,Valachicam,& Rutenam.Te  
nent autē totam Natoliam præsides vexillares tri  
ginta sex,qui lingua gentili dicūtur Sangiacchi. Qui  
bus Imperator autoritatē tribuit,vexilla in Prouin  
ciis,quibus p̄sunt,erigēdi.Habētq; loca residentia in  
signiora.In Amasia,Trapezūte,Capha,Cheste mo  
ni,Bursa,Domusli vel Seteli,Sarchau,Karaman,  
Vfunchasan,Aydin,Mentes,Langumi,Kermen,  
Enguri,Baliasyria,Engheri,Iaya,Charasarchēge  
mi,Mufelincheffe,Mitili,Emittili,Isehup &c.  
Occidentalis verō pars regnorū Imperij Romanīa  
dicitur,quę partem Daciæ,Thraciam,Dardaniam,  
Achaiam,Peloponnesum,Acaraniam,Macedoni  
am,Epirū,Rasciam,& Illyriæ partē Prouincias in  
se continet. Vexilliferosq; præsides,quos Sangiac  
chos diximus appellari,habet quinq; & viginti.  
Quorū residentia loca illa sunt: Kilie,Nicopogliē,  
Bding,

# MILITIA TVRCORVM. 58

Bding, Callipoli, Seres, Salonich, Negropōte, Mo-  
rea, Argyrocastro, Iamampristā, Ohrid, Vocetern,  
Costadin, Cernomen, Azigan, Scodri, Bosne, Ver-  
bosanie, Chrusenze, Suonich, Sinedorouo siue Sa-  
mandre circa Taurinū. Colligūtur itaq; ex iis gen-  
tibus lxi. prouinciæ. In Natolia videlicet xxxvi.  
In Romania xxv. In vtraque milites sunt, quibus  
agri assignati vnde viuāt, vt paulò inferius dicem⁹,  
qui Thimarzi, ab aliis Thimarcini dicti, qui stipē-  
diarij interpretātur. Beglerbeghi itaq; siue Princi-  
pes præsulū, quilibet in parte sua præsidiis impe-  
rat. Vnus in Romania, alter in Natolia. Alterque  
Asiæ, alter Europæ præsidet. Quos gentili lingua eti-  
am Bassas appellant alij. Hi discordias, & quæ inter  
milites suboriuntur, sedant ac componunt: quorum  
iussa præsides nullo pacto detrectare possunt. Et li-  
cet solus Imperator militares possessiones collocet  
ac militibus donet, vterque tamen Beglerbegh in  
suis Prouinciis cui vult, possessionem locare potest,  
quæ summam asprium quinque millium, hoc est,  
ducatorum centum non excedat. Summa itaque  
Imperiij his tribus magistratibus, per quatuor vi-  
ros, videlicet, Bassas, & Prouinciarum præsides  
optime gubernatur.

Quum autem variæ sint linguæ in tam variis na-  
tionibus, necesse est scribas, et quos cancellarios vo-  
camus, secundum linguarum varietatem plures es-  
se, qui Græcis & Italis Græca lingua: Hungaris,  
Moldauis, id est, Valachis, Sclauis, Raguseis, lite-  
ris Rascianis: Turcis lingua Agiamica, id est, Ara-  
bica vel Persica scribant. Quibus tamen supremus  
præest cancellarius. Custos autem sigilli Imperato-  
ris Nisantibassa nuncupatur. Singuli verò Princi-  
pes Consiliarij peculiare habent sigillum.

## IO. CVSPINIANI

Sunt præterea magistratus alij, quorum dignitas patria lingua Lescherchadij, hoc est, summi iudices exercitus (duo enim sunt) appellantur. Qui omnes causas tam ciuiles iudicant quàm criminales, pro quibus ad Imperatorem prouocatio facta est. Vnus in Romania, alter in Natolia. Qui etiam retractare possunt sententias per Imperatorem latas, si contra Mahometi legem, secundum quam omnia decernunt, latæ fuerint. His semper ad Imperatorem aditus patet. Non possunt autem huic præsidere magistratui, nisi qui ab origine aut Turcus, aut Bussoman, id est, circumcisis fuerit.

Alter post hunc magistratus gentili lingua Muhthi, hoc est, summus legis interpretes dicitur. Qui, quum de lege ambiguitas oritur, discernit explicat, quæ legis naturam, & quid ius possit: à cuius non licet sententia prouocare.

Sunt tum Moderis, hoc est, legisperiti ac doctores, quos consulunt pro variis causis ac necessitatibus.

Sunt & Thephterderi, hoc est, administratores rationum, quasi quæstores dixeris, quorum vnus procurat rationes Natoliæ, alter Romanicæ, eximie dignitatis viri. Qui nunquam ab aula Imperatoris discedunt. Quemadmodum quos diximus Vesserbasse, hoc est, Consiliarij Principes.

## MINISTRI CÆSARIS.

Nunc verò Imperatoris ministri qui palatio seruiunt, sunt agnoscendi. Hi omnes sunt impuberes, eligunturque eximie venustatis in flore ætatis, non minanturque patria lingua Sphagioglanij, id est, filij nobilium. Et secundum varia ministeria, varia nomina sortiuntur. Quidam enim sunt dapiferi, quidam pincernæ, quidam cubicularij, quidam custodes pretiosarum rerum, quos Haznador vocant. Quumque an  
nos pu



nos pubertatis excesserint, maiores sortiuntur dignitates, iuxta virtutes atq; merita. Pleriq; Prouinciarum præsidēs efficiuntur, pleriq; custodes corporis Imperatoris efficiuntur. Minus ita strenui, pristinum nomen Sphagioglanī retinent. Magis verò strenui, Soluphtuarij dicuntur, qui egrediente Imperatore, laetus vndiq; Cæsaris stipāt suis cateruis. In vna enim parte sunt Sphagioglanī, q̄ sunt circiter mille & sex cēti: In altera sunt Soluphtuarij, q̄ sunt circiter quingenti, omnes ex stipēdio viuentes. Ingreditur præterea quotidie Imperatoris palatium propter aulæ ornamentū filij magnorū Principū, circiter septuaginta, qui appellātur Mutapharachi. Et hi sunt liberi ab omni onere militiæ & aulæ. Nisi quum Imperator est in exercitu, ipsos quoq; militare necesse est: viuunt enim ex stipēdio. Habet ad hæc Imperator alios quoq; corporis custodes, ex Ianizariorū numero electos, optimos sagittarios, qui Solacchi nūcupantur. Qui in equis nō vadunt, armati tamē phræmea breui, arcu cū sagittis prōptis ad ictū, scuphias (id est bireta) in capite deferunt albas & rectas, circulis aureis redimitas, & vestimēta succincta. Qui præcipui sunt custodes Imperatoris, numeroq; sunt circiter septingenti: suntq; distincti per centuriones, & stipēdio viuunt. Ianitores quoq; ex Ianizaris creantur, qui trecenti sunt, Capitij dicti, & stipēdio viuunt. Sed & Mechterij tentoria & papiliones extendunt, & omnem supellectilē aulæ disponūt, circiter sexingenti. Sunt præterea artifices diuersarū artium, quæ ad ornamentū aulæ Imperatoris pertinent, qui in aula Imperatoris degunt, & tanquā mancipia excuria viuunt. Imbrahorbassa magister agasonū est. Inibrahali verò, qui distribuunt vexilla. Segmenbassa magister est venationis.

# IO. CVSPINIANI MILITVM GENERA.

**N**Vnc restat milites explicare, qui varie ab autoribus describuntur. Aliqui enim primum diuidunt in equites ac pedites. Equitū autem nō vnum dicunt esse genus in vsu. Sūt enim Thimarcini, qui stipendiarij interpretantur, ad octingenta millia. Hi vicos, villas, castella, vt quisq; meritis est, Cæsaris indulgētia possident stipēdij loco, præloq; sunt Sanchacho Duci videlicet eius Prouinciæ, cui attributi sunt: In duos diuisi sunt exercitus, vt supra scriptum est, Asiaticum & Europeum: ductu inde, maiorum Ducum militaturi. Quorum hic Asia, ille Europe præsidet, quos Bassas appellant. Sunt & Aconizæ fatales dicti. Hi sine stipendio militāt, semperq; agmen præcedunt prædabundi, quintam prædæ partem Imperatori debent manubiarum nomine. Sūt hi circiter quadraginta millia. Abit tertium genus in Charippos, Sphahiglanos, & Soluphtaros. Præstantissimi horum Charippi, equestris dignitatis illustres, & circa Regem frequentes, octingenti numero. Nec ex alio genere electi in cōspectu Regis insigniter dimicant, quum opus est. Sphahiglani & Soluphtari sunt, qui ab infitio ad turpem vsu(m) (pueri adhuc) apud Regem fuere, mox adulti Regis indulgētia vxorem ducunt: auctiq; dote coniugis & stipendio, plurimum Oratorum vtuntur officio. Regis latus dextra leuaq; stipant inter eundum. Ad præfecturas & cæteras dignitates ex hoc ferē ordine leguntur, mille sunt & trecenti numero. Triplex in peditibus ordo: Ianizari, hi impuberes adhuc ex toto Imperio leguntur à conquistōribus, atque aliquandiu militari disciplina instruuntur sub magistro in publicis gymnasiis. Mox militiæ ascripti, amiciuntur in breuiori veste, & pileo albo, ac  
fursum

sursum versus porrecto. Arma, scutum, ensis & arcus. Hi castra muniunt, vrbes oppugnant, suntq; ad viginti millia & amplius. Secundi sunt ordinis Asappi, levis armaturæ pedites. Ense, scuto, & longiore hasta instruuntur, rubro pilco à Iani zaris discreti: Hostium equos in prælio confodiunt. Horum numerus ad belli magnitudinem accommodatur, minimum quadraginta millia cum Rege profisciscuntur. His stipendium cum bello finitur. Ex hoc instituto regius habet exercitus ad ducenta armatorum millia. Cætera peditum turba sine stipendio, voluntariorum est aut euocatorum. Suntq; iis calones mixti, lixæ, fabri lignarii, & qui pugnantibus necessaria ministrant. Sternunt vias per loca ardua & abrupta, pōtes fluminibus aut stagnis imponūt, ageres in hostes erigunt, cæteraq; ad expugnationes urbium vilia expediunt. Comitantur castra numularij, trapezetæ, institutores, atq; aliorum id genus hominum colluuiō, ne quid desit eorum quæ humano vsui conducunt. Ita quidam militum genera apud Turcos definiunt. Felix verò Petantius, quum Ragusæ esset, quæ vrbs in consinibus sita, ob plurima quæ habent incolæ cum Turcis commercia, inuestigandi singula optimam nactus occasionem, copiosius de generibus militum scripsit. Cuius verba non grauabor subiungere, vt nostri omnem Turci militiam, vires, ac potentiam percalleant, minimeq; deterreantur, si re longe maior quandoque ad nos veniat rumor, vt ad omnem ventum pertimescamus trepidi. Quin potius collectis viribus, alacres contra hos bubulcos, præeunte vexillo Christi impigri profisciscamur. Scribit autem ita Petantius: Sūtdiuersa apud Turcos militum genera, Thimarci, Iani zari, Asappij, & Accangij.

# IO. CVSPINIANI

Thimar sunt milites equites omnes, quibus ager ab Imperatore attributus est, vnde ipse cū quatuor militibus loricatorum viuere possit. Quandoquidem Thimar apud eos intelligitur ager vnus, de quo quandoq; milites viuunt ex decimis, per subditos prouinciarū, de domibus & omnibus terrarū scensibus frugibus datis, quamuis agri æquales nō sunt. Est enim aliquis qui in viginti, alter in triginta aut quadraginta Thimar diuidi possit, ab vno tamen possessus. Sed pro magnitudine agrorū, agri ac prouentuum, talis possessor equites siue milites tenet. Sic computatis agris militaribus maioribus & minoribus qui habentur in Romania, numero sunt quatuor millia & quingenti. In Natolia verò quum sint quinq; millia & quingenti Thimar, sūt vigintiseptem millia & quingenti milites. Ex quibus omnibus Thimar, in Natolia scilicet & Romania, resultant. 50. millia equitū, qui omnes obediunt suis præsidiis, & semper stant parati ad bellum. Nec aliud alimentum habent, q̄ ex agris illis.

Alterum militū genus est, qui Ianizari dicuntur, Omnes enim pedites sunt, & ex stipendio Imperatoris viuunt, & Imperatori semper astāt. Maior pars horū est ex Romania, & ab origine Christiani. Quia semel in triennio, vel (vt alij asserūt) semel in quinquennio fit delectus per totā Romaniam, vt colligantur filij subditorū quasi decimæ. Hi in Natoliā missi, lingua & Turcorū ritu imbuuntur: quum pubertatis annos attigerint, armis exercitātur. Magis strenui ac exerciti, pro custodia Imperatoris deputantur, peditesq; sunt. In qua quidē custodia penē semp sunt numero nouē aut decē millia. Quorū capitane⁹ Agga dicit, magnę autoritatis. Inepti verò militiq; deligunt ad custodiēdas arces ac munitiōes quorum

quorum sunt circiter triginta millia, qui obediunt suis Dazdari, hoc est, castellanis, viuentes ex stipendio. Sunt autem Ianizari munimen ac robur Imperatoris, eiq; obsequentissimi, tuenturq; ipsum contra omnes tumultus ac seditiones.

Assapij vero sunt milites gregarij, minus exercitati ac pretio condukti. Quorum aliqui sunt pedites, aliqui vero equites, hi etiam classem maritimā intrant, habentes pro stipendio virutum aspra quinque per diem. De tali autem genere militum, quantum ipse Imperator vult, tantum conducere potest, cum sint vulgares, & ad pugnandum inexperti, tã in pugna terrestri, quã in nauali. Et possunt esse Assapij tam Christiani quã Turci ac aliarum nationes.

Accangij militant ad fortunam, sine agris et sine stipendiis, quintã partem prędę Imperatori dantes. Et si qui strenui apparuerint, Thimarci vel alterius dignitatis nomen sortiuntur.

Sunt qui exercitum ordinant, & clauis ferreis milites in stationibus suis stare cogunt, & semper præcedunt Imperatorem, eiq; viam parant. Hi appellantur Zausci, numero sunt quadringenti, viuuntq; ex stipendio.

Sunt præterea quidam milites prodigiosarum virium, qui contra quinque pugnare perhibentur. Stipendium quoq; pro quinque militibus sumunt, quos Besly vocant, numero sunt ducenti circiter, pariterq; stipendio Imperatoris viuunt.

Sunt & Gemly, qui arte gladiatoria peritissimi habentur, maximaq; agilitate lanceis, sagittis, gladiis exercetur, sunt semper equites: quorum numerus est centum sexaginta, viuuntq; ex stipendio.

Muselmi sunt, qui munitiones castra, & propugnacula construunt. Quorum merces est diurna quin-

# IO. CVSPINIANI.

que asprum : quartus ex dicta prouincia intrat exercitum.

Sed Iaya sunt Turcæ, qui propriis expensis militant, quia exempti sunt ab omni alio onere. Ipsi quoq; vias mundant simul cum Muselmi.

Sarohari habent stipendium ab Imperatore asprum quatuor per diem. Homines sunt agrestes: sequentes exercitum, omnia vilia opera exercent, sicut Muselmi et Iaya. His omnibus militia tertestris efficitur. Habet autē Turcorum imperator præter ordinarium hunc exercitum, alium quendam particularem triginta millium militum, astutissimorum magis q̃ fortium. Qui quasi grassatores, nocte magis operantur q̃ die. Hi singulis annis, nonnunq̃ semel, nonnunq̃ bis aut ter prædati exeunt occulte, miro silentio, vt ne vicini quidem egressum intelligant: Tanta arte corpora sua & equorum curantes, vt labor nullus aut inedia illis possit officere. Cum enim ex ocio diuturno saginati corpora pingua habent, diebus quibusdam quadã lege ac certa disciplina exercitioq; moderato corpulentiam deponere curant, vt sagina interior medullis inhercat. Exituri aliud iter diuulgant, vt fallant exploratores. Tū exeuntes duce aliquo itineris, tanto impetu, tã celeriter currunt die & nocte vna, vt nemo absque admiratione audire possit, vel videre talem exercitum: frigoris, caloris, inediae, viarum difficultatis patientissimi. Nec impedimento leui commoti reuertuntur sine præda. Miram habent industriam cognoscendi equos simplici intuitu, ac iudicandi homines de viribus, quos citra sanguinis effusionem (nisi necessitate coacti) viuos capiunt & abducunt. Malunt enim è viuis tributum capere & vsuram, quàm frustra occidere.

Habent autem hi secum mercatores, qui captiuos  
mox

mox emptos catenis includunt & abducunt, vt sint milites in suo itinere expediti. Quandoq; vero deferuntur mercatoribus in oppidis habitantibus, qui captos emant : de quibus paulò inferius dicemus.

Classis Turcorum continet ad summum vela quadraginta, computatis nauibus, triremibus, biremibus, palandriis, grippis, & aliis generibus nauigiorum, quæ capit circiter triginta hominum millia. Quam parare solet Constantinopoli, Nicaoniæ, Callipoli, Nigroponto, & Vaulone. Sed cum sint in ea homines vt plurimum agrestes, & ad nauigandum experti, magnas vires habere non potest. Curus Capitaneus semper est præfectus Callipoli. Et illi qui ipsam intrant, omnes sunt pretio conducti secundum distinctionem exercitij & officiorum.

#### MODVS CASTRA ME-

tandi Turcorum, ac de instruendis aciebus.

**C**VR non autem subiungimus morem castræ locandi Turcis solitum? cum omnes & Græci & Romani autores, qui rei militaris disciplinam scripsere, postq; eiusdẽ artis præcepta posuerunt, scientiã instruendarum acierum subiungunt, quam ab Homeri temporibus initium sumpsisse compertum est. Homerus enim hanc scientiam ordinandarum acierum tenuit, & ab ea Principes laudauit. Quod vel hinc maxime patet, cum de Mnestheo sic scribit. Nulla quidem huic similẽ mortalem protulit ætas, Ordine qui Martis turmas equitemq; locaret.

Vnde ex Homericæ armorum disciplina scripserunt opera Stratocles, Hermias, Æneas, Cyaneas Theſſalus, Pyrrhus Epirota, Alexāder eius filius, Pausanias, Euāgelus, Polybius Megalopolitanus, vii in varia doctrina



# IO. CVSPINIANI.

doctrinarum eruditione exercitus, & Scipionis fami-  
 liaris, Clearchus Eupolemus, Iphurates, Bryen,  
 Possidonius Stoicus artem instruendarum acierum  
 abunde scripsit. Inter Romanos quoque Frontinus  
 præter strategematon libros, quemadmodum cor-  
 poris instrui deberent scripsit. Helianus præterea Gre-  
 cus ad Hadrianum Cæsarem opus pulcherrimum,  
 quod Theodorus Gaza Latinitate donauit, de in-  
 struendis aciebus scriptum reliquit. In quo ex Ma-  
 thematica disciplina docuit, quo pacto phalāx sim-  
 plaris, duplaris, quadruplaris, Macedonica, cunea-  
 ta, quadrata, transuersa, occeps & anceps statuenda.  
 Quomodo Rhombus ordinandus, quomodo Cuneus,  
 & id genus quascunque turmas. Quæ cum longè  
 diuersæ sint ab eo ordine qui hodie fiunt, volui  
 Turcorum morem locandi castra subiicere. Prius  
 quam enim Imperator in castra descendit, qui huic  
 officio præsumt, locum aptiorem pro castris qui ab  
 impetu hostium tutus sit, et ex quo hostes facile pos-  
 sint expugnari, deligunt, ut vel monte vel fluuio,  
 vel palude munitior sit. Hunc descripto ambitu ca-  
 strorum, fossatis altissimis circundant ac muniunt.  
 Post quæ sequuntur cunei acutissimi, in circuitu ca-  
 thenis desuper colligatis. Sequitur dehinc ordo ca-  
 melorum, qui commeatum & impedimenta pro  
 usu castrorum gestant. Post quos minor altera fos-  
 sa foditur in ambitu, cum hastis pro maiori tutio-  
 ne in circuitu affixis. Quo in loco Sarahori, Iaya, &  
 Muselim habitatiões suas habent. Post tot validas  
 munitiones, pedites qui Janizari dicuntur, per mul-  
 tiplices ambitus papiliones & tentoria sua figunt.  
 In quorum medio Imperator ipse cum pueris &  
 ministris suis ornatissima tentoria habet. Emi-  
 nent præterea duo maxima cornua contra hostes,  
 quibus

quibus cum pugnandum est, adhaerentia circulo castrorum. In quibus collocati sunt equites cum suis praesidiis. In vno enim cornu sunt milites Thimarci, qui agros possident in Natolia. In altero hi qui agros possident in Romania. In capite vero cuiuslibet praesidet Princeps praesidium Beglerbegh. At in medio horum cornuum locantur omnes corporis custodes Imperatoris, hoc est, Spahioglani, Soluphtari, Solacchi, & caeteri aulici. Post quos sita sunt varia genera tormentorum & machinarum. Quum igitur pugnandum est, in qua parte imperii, bellum gerendum est, Beglerbech illius partis cum suis praesidiis pugnam incipit. Quod si contigerit milites illius cornu ab hostibus superari, mox alterum cornu opem fert. Superatis ambobus cornibus pugnatur omni genere missilium & tormentorum. Deinde custodes corporis manus conferunt. Vltimo Ianszari Imperatorem ipsum in medio duorum cornuum collocant, ne forte ipse vertens terga hostibus, esset causa internitionis totius exercitus. Inestque pugnam eo feruore, velut in quibus totum robur exercitus consistere videtur. Tanta autem animi promptitudine tanquam alacres ad bellum (si quando cogitur exercitus) concurrunt, ut ad nuptias ituros putes. Nec tempus egrediendi praescriptum expectantes, sed illud ipsum praeueniunt, pluresque non vocati sponte veniunt, magnam iudicantes iniuriam domi ociosum manere, cum nihil habeant praestantius atque excellentius, quam inter hostes, enses, ac sagittas in campo mori, non domi inter eiulatus atque lachrymas muliercularum. Tales nanque praelio occisi, veluti victores beati praedicantur ac venerantur. Non igitur magni laboris est congregare exercitum Turcorum Imperatori, qui

missa

## IO. CVSPINIANI

missis tantum nunciis prouinciarum Præsidibus exercitum congregandum præcipit. Hi per præconē in singulis oppidis ad præstitutum diem adesse proclamāt milites. Qui dicto audientes, mox cum præfide suo veniunt, sine magno strepitu, non curiose ornati, simpliciter cum armis solitis. Utuntur autē equites non nisi castratis equis, ut strepitus fugiantur omnes. Nulla cphippiorum cura, ornatum omnem contemnunt. Arma in sarcinis camelorum & mulorum deferuntur. Nullus discurret aut cū equo saltat. Principes etiam tum simplici incedunt habitu, ut vix dignosci possint. Neque vexillis utuntur magnis, ut nostri, sed Duces pro signo altam præferunt hastam. In cuius summitate pili colorati pendent, quo facilius ducem suum agnoscāt. Qui tympano quodam cum fistula, quoties pugna ineunda est, signum dat. Et illi patria lingua vocantur Isumbasthi, quibus subsunt centuriones nonnunquam quatuor, nonnunquam decem, qui Tscherbāschi appellantur, iuxta exercitus magnitudinem. Si autē maior ingruat Imperatori necessitas, exercitum cogit, qui vulgo dicitur Tscherihor, quo quartus quisque & quintus quisque bello ascribitur: & tum imensa aduenit multitudo. Cæterum quomodo castra ordinantur, & quo pacto Imperator septus constitoditur, omnia hæc melius visu discuntur.

## DE RELIGIONE TUR-

corum ritibus, ac more viuendi  
domestico in vniuersum.

**E**Xigit res ipsa, ut posteaq̃ militarē disseruimus Turcorum disciplinam, qua domi forisq̃ utuntur, nunc de quotidiano ac domestico loquamur viuendi ritu. Atq̃ primum omnium de religione ipsorum

forum, quæ ita longe lateq; radices egit, vt maximâ  
 Aſiæ, maiorem Aphricæ (nam & Saraceni Maho-  
 metis religioni addicti ſunt) haud parua denique  
 Europæ partem occuparit infana iſthæc ſcabies.  
 Hanc Mahometes ille pſeudopropheta inuexit, mi-  
 ſeramq; gentem ac ſtolidam ſeſellit lege ſua ineptiſ-  
 ſima, ſi modo deliramentum & accruus mendacio-  
 rum (quæ Alcoranus ſuus continet) lex dici debet.  
 Oſtendimus enim cum de hoc ſeducatore loquerer-  
 mur ſuperius abunde, quemadmodum callidus iſte *fo. 1. 2. 3.*  
 veterator opera Sergij Monachi perfidiſſimi opus  
 ædiderit, cui titulum fecit Alcoranum, quo lex ſua  
 continebatur. Qua perſuadebat nonnullas ineptias  
 fatuæ plebi, non vt religionem vllam aut diuina  
 præcepta animis hominû infereret, à quibus animus  
 eius longè erat alienus, vtpote qui ſceleſtiſſimus om-  
 nia contempſit per peſſima quæq; vitia veluti ſus  
 in volutabro verſatus, ſed vt ſub ſpecie religionis  
 decepta miſera plebe, imperium ſibi vendicaret, re-  
 gnumq; cōſtitueret. Aſtutus enim carnifex ſine reli-  
 giōe ſciebat nil ſeſe proficere poſſe, quæ animis ho-  
 minum naturaliter penè inſta videtur. Hinc gladio  
 legem ſuam confirmauit. Qui enim legem ſuam  
 recuſarent, hos enſe ferroq; interficere iuſſit. Licet  
 Vt eſt Alcoranus ſuus plenus mendaciorum, nunc  
 Chriſtianam probat legem vehementer ſummisq;  
 præconiis efferat, nunc vero Moſaicam. Atque vt  
 his laudibus decipiat Chriſtianos, in albo veſtitos  
 nominat, ac vnunquenque in ſua ſecta ſaluari pla-  
 ne aſſerit. Sunt autem qui hunc librum legis Alco-  
 ranum ob præceptorum collectionem dictum, at-  
 que Alſurcanum ob diſcretam capitulorum ( quæ  
 Arabes azoras vocant ) ſeparationē, à Mahome-  
 te collectum ſcribant, opera Sergij Neſtoriani.

Quibus

# IO. CVSPINIANI

Quibus etiam tum accessit Jacobita Balteira, præterea Hebræus quidam Phinies, & Abdia nomine Salon, postea dictus Abdala. Alij vero tradunt mortuo Mahomete, quatuor diuersos libros legis Alcorani titulo repertos. Quidam Merban filium Elheckæ autorem scribunt. Quidam Elgug virum potentem octuaginta quinque sententias libro detraxisse, & nouas totidem adiecisse narrant. Legimus etiam apud quendam Arabem Christianum, Sergium Monachum e monasterio suo ciectum, mœcham applicuisse, & Nestorianam hæresim (eius enim sectæ erat) vt illis assentiretur, seminasse, Idololatrasq; ad fidem Christianam cōuertisse. Inter quos Mahometes fuit: qui à Iudæis tamen tribus astutis, ne synecrus fieret in fide, persuasus, nouam legem addidit. Cum autem defunctus esset Mahometes, Hebræi Hali filium Habitalix (cui Mahometes dimisit collectiones suas) persuadere laborarunt, vt & ipse prophetam se faceret, ac de libro legis quæ vellet tolleretur, adiceretq; noua quæcunque placerent. Sic miranda est & magna inter Arabes de huius libri autore variatio atq; disceptatio. Communis tamē sectæ huius factio credit, Alcoranum à Mahomete scriptum, & à Deo sibi inspiratum, tam sanctas leges continere, vt esset legatus ac propheta gentis Arabicæ, qui ab erroribus eam reduceret per reuelationes sibi à Deo concessas, vt his seruatis legibus expectarēt in paradiso remunerationem, dicerēturque in hoc mundo Mussilmanni, hoc est, beati. Vt cunque tamē res se habet, cum hic liber multis scateat nugis ac inexcusabilibus mendaciis, multi ac magni ingenio atq; doctrina viri excellentes, Græci ac Latini, viuus, vt aiunt, rationibus hunc examnantes librum, confutarunt, ac condemnarunt.

Ioannes in primis Damascenus, qui paulò post introitum huius sectæ fuit, acute ineptias illas refutavit. Tum Ioannes Segobiensis Hispanus transtulit Alcoranum, ac contra deliramenta ingeniose commentatus est. Petrus Abbas Cluniacensis post Basileæ Nicolao de Cusa Cardinali hunc Alcoranum translatum tradidit, ac librum quendam alium de generatione Mahometis, & duodecim successoribus eius in regno, cum centum quæstionibus de doctrina eius. Hunc vir sagacissimus ut intelligere posset, Constantinopolim perrexit, ac in Pera doctos fratres sciscitatus de dubiis, ubi rediit, librū scripsit de Cribratione Alcorani eruditissimum, qui impressus circumfertur cū aliis eius operibus oppidò quàm eruditis. Excitatus & Dionysius Carthusiensis, opus insigne contra Alcoranum Nicolao Pontifici nuncupavit. Alij præterea fratres plures, Cardinalesq; quidam S. Sixti. Omnes tamen Ricardus ordinis prædicatorum, quem alij Ricoldum vocitant, qui Arabicis literis in Baldaco operam dedit, superare ingenio visus est: In Baldaco enim generale studium eius sectæ est. Vbi inhibetur publice Evangelium legi ac Philosophia, timētes ne Alcoranus post contemnatur. Superfluum igitur esset, quæ de religione sanxuit Mahometes, longioribus argumentis, & refellere & improbare: satis est veluti digito quædam religionis præcepta signare. Cur vinum indixerit, cur vxores plures concesserit, abunde superius enarrauimus. Geniales enim delicias vitæ, obseruatoribus legis suæ vndique, & hic & in Paradiso post mortem liberalissime semper promissit. Docuit autem orationes quinque in die offerre, quæ lex sua media esset inter Mosaicam, quæ ter in die iubet orare, & Christianam quæ septies. Ut autem



## IO. CVSPINIANI

mundiciam perfectam allequeretur, statuit, manus, brachia, os, nares, aures, oculos, capillos, infimos pedes mundari. Voluptati id magis corporeæ conuenit, quàm animæ purgationi, quæ alio indiget lauacro vt mundetur. Iussit in domum Dei illicitam semel quæ in Mecha est, peregre proficisci, illamq; inconfutilibus tegumentis circumdare: Tum saxa per media fœmora retro proficere. Quæ consuetudo ab Indis ad Arabes manauit, & à Mahometo corroborata permansit: ad Jito tantum lintheo ob verecundiam, Veneri inservire per hoc clâ insinuans. Dicebat autem primum parentem è Paradiso eiectum hanc domum struxisse, & posteritati ad Abrahæ usque tempora pro loco orationis consignasse, sacrificiaq; oblata illic esse, usque ad Mahometis Ismaelitisq; tempora. Hinc domus hæc pro orationibus deputata fuit. Narrat in Alcorano fabulosissime, quomodo vna nocte ab oratorio Mechæ in sanctam domum Hierosolymam iumento delatus sit, vt hinc in cœlum Duce Gabriele ascenderet: quemadmodum vetulæ pueris sœlent aniles narrare fabulas, faciens iumentum, vt lingua humana. Cæterum multa huius sectæ deliramenta Abbas Ioachim, dum in Apocalypseos librum commentatur, deridet: eorumque prognosticatur dementiam ex Ioannis Euangelistæ verbis.

Vnde ex hoc Alcorano edocti Turci, hunc hodie observant viuendi morem, vt frater ille, qui duos & viginti annos illic seruierat captiuus, prodidit Inprimis imagines omnes, seu pictas seu sculptas abhorrent ac detestantur vsque adeo, vt Christianos quoniam his oblectantur Idololatrias, dæmonumque cultores & vocitent & firmiter credant.

Superstitionem insignem et potissimum ridendam

Christia



Christianorum censent, qui arma atq; insignia sua in templis, & in sacris suspendunt, cum ipsi ne sigillo quidem vtantur, etiam in literis regiis, contenti nudis literis si nomen adsit mittentis, aut syngrapho, cætera inutilia vanaq; reputantes. Ex eadem causa vsum campanarum nequaquam admittunt, illis ipsis etiam Christianis qui sub ditione eorum viuunt. Neminem enim cogunt fidem negare suam, nec magni æstimant persuadere alicui vt abnegata priori religione, nouam assumant.

## RELIGIO TVRCORVM

specialis, & de sacerdotibus eorum, ac peregrinis.

**Q** Valis sit hodie Turcorum professio particularis, frater is qui captiuus duos et viginti annos miseram seruitutem, oblitus patriæ linguæ, Turcorum idioma plenè assequutus est, ac literaturâ, qua etiâ sacerdotio dignus visus est multis, opusculo quodam expressit. Quod ne periret, excerpti & notatu digniora decenti breuitate conscripsi. Professio itaq; super quam fundata est lex Turcorum hæc est. Hillayl haha hillalach Mehemeth erczullach, id est, Deus est vnus & Mahometes est propheta eius maior. Vbi sub specie pietatis dum se vnus Dei cultorem pollicetur, clam venenum miseris infundit animabus pseudopropheta iste Mahometes. Credunt enim Turci primum magnum prophetam à Deo missum fuisse Moysen, cui datus est liber Tefrit, quem nos Pentateuchum dicimus, ac homines omnes qui hanc legem custodierunt, fuisse saluatos. Cum autem lex illa per socordiam ac hominum malitiam fuisset corrupta, magnus iterum Propheta à Deo missus Dauid, librum Tzabur attulit, quem nos Psalterium vocamus.

K :

Sed

## IO. CVSPINIANI

Sed iterum ad interitum eunte plebe, Iesus tertius Propheta magnus à Deo missus, nouam legem cū libro cui nomen Ingilis, hoc est, Euangelium, causa salutis apportauit. Deficiente vero & hac lege, quartus electus est propheta Mahometes, qui legem cū libro cui nomen Alcoranus est, à Deo accepit. Hæc itaque lex Alcorani primum præceptum hoc habet, vt nemo cuiuscunque sexus, dignitatis ac emimentię fuerit, prouectam assequutus ætatem, extra matrimonium vitam agat. Deinde magno rigore quinquies in die præcipit orandum, horis et temporibus assignatis certis. Prima eorum oratio patria lingua Dangnaniās vocata, per quatuor Erket, & duo Czalamat perficitur. Est autem Erket geminata inclinatio, cum totidem prostrationibus. Czalamat vero est ipsa secreta oratio, quam sedendo perficit post quodlibet Erket, cum salutatione à dextris & sinistris, et impressione pacis, quam vtraque manu in faciem obducendo facit. Fit hæc oratio in ortu solis mane, nullo habito respectu artificialis horologii. Secunda oratio quæ circiter meridiem fit Orlenaniās dicta, continet decem Ercket, & quinque Czalamat. Tertia oratio Kyndinaniās lingua gentili nuncupata, in declinatione solis vespertino tempore fit, cōplexa octo Ercket & quatuor Czalamat. Quarta oratio Achsamnaniās vocata, quinque Ercket & tria Czalamat in se tenens, circa occasum solis fieri consuevit. Vltima & quinta cæteris prolixior (nam quindecim Ercket, octo Czalamat complectitur) post coenam tardiori solet fieri hora, dicta Iaczinonias. Has orationes vnusquisque cum Parrochiano suo in proprio templo tenetur orare, nisi occurrente impedimento legitimo, ob quod in alio loco hæc explentur. Quandoquidem licet cti

et etiam neglectas supplere, si non debitum tempus fuerit seruatum. Dies veneris, vt superius annotauimus, est apud Turcos celebris, quemadmodū apud nos dies solis, quo attentius orant: non tamen vacant ab vllō labore. Singulis autem in ciuitatibus principale est quoddam templum, patria lingua Enemesgit appellatū, quo die Veneris omnes conueniunt, Rex quoque in primis, & alij Principes. Oratione meridiana perfecta, fit prædicatio & eleemosynarum regaliū distributio. Vix autem dici potest quanto silentio sacras suas orationes perficiant. Habent etenim inquisitores, qui accusatos de orationum omissione multis afficiant ignominiosis: vt per urbem circumducentes, ac tabulam cum caudis vulpinis collo appendentes, non sine multa pecuniaria dimittant, potissimum si orationes illas tempore suæ quadragesimæ intermittant. Præparant autem se, vt paratiores sint ad orationem faciendam lotionem, quæ apud eos triplex est. Prima gentili lingua Zcoagirmeg vocitatur, quæ perfusio est totius corporis cum aqua tam diligens ac curiosa, vt nullus penitus in vniuerso corpore locus illotus maneat, alioqui inualida esset lotio. Solent ob id radere pilos in omni parte corporis, barba in viris excepta, & crinibus in capite mulieris. Quos tamen multo studio lauant, & pectinibus crebro discriminant, vt aqua penetrare possit. Incidunt præterea vngues manuum ac pedum, & vtuntur ob hanc rem circuncisione, vt hæc lotio non sit inualida, ne sub præputio sordes remaneant. Non enim in remedium alicuius culpæ talis fit circuncisio, vt Hebræi facere consueuerunt (quandoquidem originale peccatum apud eos ignoratur) sed quandam ob superstitutionem, Nam probri loco ducunt, si quis cui-

## IO. CVSPINIANI

quàm dicat Czunetsz, hoc, est, non circuncise. Solè enim cæteris ignominie loco dicere : Vos incircuncisi, quasi dicant immundi homines. Quanquã maior pars filiorum sine circuncisione moriantur. adeo nulli saluti putant prodesse circuncisionem, si superstitio tollatur. Vt igitur ad lotionem reuertamur, primam putant pernecessariam post quamcũque pollutionis maculam, vel etiam naturalem.

Nec enim cuiquam loquitur, vel aliquo tractatur, si possibile est, etiam vix ab vilo cernitur, nisi prius in aquamersus aut, perfusus aqua mundetur. Sunt itaq; in ciuitatibus insignioribus balnea, quibus cõtinue vtuntur. Vbi nõ sunt, secretum locum aliquẽ ad lotionem præparatũ habent in domibus, vt possint aqua perfundi priusq; domum exeant. Pollutũ enim uero si agnoscant, Tschump per contumeliam vocant, per quod immundiciam tanquã execrabilem reprehendunt. Altera lotio vulgo Tachriat dicitur, quæ necessaria est cum opus naturæ exerceatur, vel ventositates erumpunt. Tum enim aliquo secreto loco verenda abluunt. Maxima etenim solitudine curant, tam domi, quã foris vel castris, dum naturæ opera perficiunt, ne corpus denudent. Vtuntur nanque scæmoralibus amplis, quibus solutis (nam ante aperiuntur) reiciunt curati in terram vestes sine corporis nudatione, vt vix quispiã quid agat deprehendi valeat. Erectus enim & stans nunquã quis cernitur naturæ opera exercere: Piaculũ id foret maximum. Inprimis tamen cauet, ne faciẽ in meridiem vertat hoc agens, quo se orantes vertere consueuerũt. Tertia lotio Abdas dicitur, alij Ap tam vocant, quinque sensuum organis pernecessaria : qua manus & brachia ad cubitos vsque abluunt, dehinc os, nares, & totã faciem ad aures vsque.

Tum

Tum manu cum aqua superducto capite, descendit ad pedes, ablutisque cruribus ad tibias hæc lotio proficiscitur. In omni loco licitum est hanc facere, nec necessum ut precedat vnamquamque orationem, nisi immunditia aliqua hæc exigeret. Satis est enim vna lotio ante orationes omnes, si caueatur immunditia omnis. Licet aliqui ob maiorem cautelam ac deuotionem frequentius eam repetant.

Ieiunium habent in anno semel per mensem integrum. Accipiunt enim lunationem vnam inter duodecim lunationes anni communis, in qua ieiunant. Cum enim annus solaris non concordet in mensibus cum anno lunari sine embolismo, huius ignari supputationis, duodecim lunationes pro anno capiunt. Mensis igitur ieiunii eorum nunc in hyeme, nunc in æstate contingit. Abstinēt autem ipso ieiunii die ab omni genere cibi & potus. Noctu autem quoties libuerit, crapulantur. In fine ieiunii vnum Pascha celebrant, in quo memoriam mortuorum agunt peregrinantes, ac commeatum secum deferentes, quo vescantur. Osculantur se inuicem mutuo, & bonum imprecantur Pascha alter alteri. Post quadragesimū autem diem ab hoc alterum Pascha celebrant, quo eorum peregrini ad Mecham veniunt cum multis aliis nationibus, quæ huic sectæ adhærent. Etenim Arabes, Saraceni, Tartari, quandoque etiam Christiani, qui ob id maximopere venerantur, tanquam victores & viri dignissimi, multisque vtuntur priuilegiis, cognominati Hatschilai, annuatim visitant memoriam mortuorum, & sepulchrū Mahometis in Mecha ciuitate, quæ XL. dierum itineris spacio à Hierosolyma distat, venerantes. Quod iter camelis ( quoniam terra est

## IO. CVSPINIANI

aridissima & hinc arenosa admodum) perficitur, & Soldano in hunc vsum ordinatis, Sūt iis peregrinis duo constructa xenodochia, quæ nos hospitalia dicimus, in itinere vnum, quod Czeinmêczercij lingua dicitur patria, capacissimum multorum hominum, exædificatum in locis desertis, vbi habitatores non sunt. Alterum in ciuitatibus Ymarat cognominatum. Sunt autem a regibus & principibus extructa, & possessionibus dotata plurimis, vt redditibus illic ali possint abunde bis in die, non modo peregrini aduentantes, sed & studentes quidam ascriptitij, & sacerdotes nonnulli, qui pro fundatoris anima officium quotidie dicunt.

Gymnasia præterea habent, in quibus leges ciuiles a regibus editæ pro regno conseruando docent, in quibus qui proficiunt, honorantur, & ad iudicandum ac populum gubernandum eliguntur. Insigniores Muderis, minores Minetsthum vulgo dicuntur, minus vero docti Taurisman. Quibus sufficit, vt Alcoranum sciant, & ceremonias quæ ad orationem & cultum legis pertinent, bene intelligant: exempti a seruitute, & liberi ab oneribus communis populi. Iudices enim Registrarij & Iurisperiti, qui Caliphe dicuntur, alijs sunt pro necessitate prouisi stipendijs. Nullam tamen artem liberalem addiscunt. Ab omnibus honestis disciplinis & scientiis sunt ita alieni, vt nec nomina noscant, nec mysteria ac sacramenta ceremonialque legis suæ aliqua ratione confirmare possint, innixi solis consuetudinibus.

Sacerdotes eorū nullam habent occupationē circa curā aiarum, vt nostri. In audiendis confessionibus, exhibitione sacramentorū & custodiendis reliquijs ac ædibus sacris: quandoquidē nullas habēt.

Nihil



## TVRCORVM RELIGIO.

Nihil enim ecclesie eorum à domibus differunt cõmunibus, vt nec sacerdotes à communi populo. Sacerdotes namq; nec meditationibus, nec studiis literarum vacāt, sed vxoris solatio & filiorũ communiq; familiæ. Iumenta enim curāt, mercantur, vsuam capiunt in possessionibus, venationi incũbunt, aucupio & canibus operā nant: Nihil est eis illicitum prohibitum ue. Qualis enim lex ac cultus, tales & sacerdotes & ministri. Quamuis enim multam corā hominibus religionem simulant, clam tamen omnibus se flagitiis immergūt. Literas pecunia corrupti scribunt libertatis, vt serui capti fugiāt. Magicas itē vanitates literis signant, ne quis in prælio vulneretur, aut ense aut sagitta. Quas litas gentili lingua vocant Haymayly, multis omnino nequitiiis coinquinati.

Habent autem religiosos multos habitu exteriori differētes; & arte diabolica (cuius filij sunt) miranda facientes: quibus rebus miserā plebem, dæmone malo suffragante, decipiunt. Quidā enim incedunt nudi, operientes verenda tantum: tantam præ se ferentes patiētiam, vt quasi impassibiles, neq; hyemis sæuitiam frigore, neq; æstatis ardorem calore sentiunt: stigmata, cicatrices, incisiones cutis, vlcerationes æquē ferentes, si quis faciat, insensibiles penē. Quidam eò deueniunt abstinentiæ, & tantam induunt perfectionē, vt rarissimē cibū ac potum sumāt, nonnunquā penitus sine cibo & potu degant. Alij magnam paupertatem professi, nil de terrenis rebus cogitāt, nec in crastinum aliquid reseruant. Alij rursus perpetuum silentium tenent vt muti, Czamutiar dicti, nullam cū hominibus conuersationem habentes: ac ne prouocati quidem summis iniuriis ac tormentis ad loquendū cogi possunt. Dicunt alij se



# IO. CVSPINIANI

visiones ac reuelationes, alij raptus ac extases super  
 naturales habere. Quicunque autem in hoc statu de  
 gunt, Dermischler nominantur, signaq; diuersa pro  
 fessionis gestant. Aliqui in capite pennas, quibus si  
 gnificant se meditationibus ac reuelationibus dedi  
 tos. Aliqui inaures, quibus notant obedientiam in  
 spiritu, propter raptus frequentiam. Nonnulli cathe  
 nas in collo aut brachiis, quibus violentiam, quam  
 in extasi patiuntur, notificant. Nonnulli habitū va  
 riis coloribus ex peciis cōsutum, quo paupertatem  
 representant. Varios tamen habentes viuendi ritus  
 Quoniam aliqui inter homines cōuersantur, alij se  
 orsum congregati in modum villæ, plerique in ne  
 moribus ac locis desertis. Quidam in ciuitatibus  
 aquam baiulant in vtribus, ad bibendum optimā,  
 nihil inde mercedis exposcentes, sed hospitalitatis  
 officium exhibentes. Habitāt aliqui circa sepulchra  
 mortuorum, & ex oblationibus populi viuunt. Hi  
 omnes non seruant leges Mahometis particulares,  
 quia vxores aliqui nō habent, nec lotiones nec ora  
 tiones secundum ceremonias prædictas faciunt.

Fœminæ autem quædā his sese religiosis clam com  
 miscentes, dicuntur natos sine virili semine parere,  
 qui nefesoglij vulgo vocātur: Quanquā diabolico  
 id fieri suggestu feratur. Quorū semper duo in ma  
 gna illa ciuitate, quæ Bursa corruptè, Prusia ab anti  
 quis dicta, capillis vel vestimentis suis omnes infir  
 mitates dicuntur depellere: quia eorum & actio &  
 vita mirabilis & supernaturalis censetur. Ob id  
 Christianis illudentes, minime mirum esse dicunt,  
 si IESVS Christus ex Maria virgine natus di  
 catur. Omnes verò religiosi illi, qui Dermischler  
 vulgo nominantur, in magna habētur veneratione,  
 quasi sanctorum superstitēs ac successores, regniq;  
 totius

totius conseruatores, & amici Dei ac Mahometis: Horum opinio est, legem nihil prodesse, sed gratiam Dei qua hominem saluari oportet, quæ sine merito & lege sufficiens est ad assequendam salutem, quam ipsi Rach Matallach nominant. Sed nulla ratione, nulla autoritate opinionem suam, prodigiis tantum & signis asserunt, multos in sui fauorem trahentes, potissimum qui spirituales & deuoti sunt. Sunt qui Czofilar appellatur, quasi meditatiui vel spiritualibus exercitiis dediti. Hi quasi successores Prophetarum & patrum, qui hanc sectam fundarunt, magnæ autoritatis habentur, traditiones patrum allegantes, & per meritum homines saluari asserentes sine gratia & lege (quod Pereketallach vocant) in tanti orationibus particularibus, exercitiis spiritualibus, vigiliis, & meditationibus. Nunquam enim orationem intermittunt continuam, quam ipsi Izillaraimach vocitant. Noctu conuenientes in circulo cõfidunt, ac commotione caput per aliquod tempus repetendo dicunt Laylachillalach. Subiungunt deinde crebro item repetendo Lahu. Tandem repetunt iterum Huhu, & quasi exanimis cadunt & obdormiunt. Hos maxime illi venerantur, qui generis antiquitatem & stemma nobilitatis referunt, Efflier Embieler dicti, quorum genus eorum alterius nationis commixtionem non accipit, nec à patrum sanctione huius sectæ vnquam recessit. Sunt præterea qui Horife, quod hæresim sonat, patria lingua dicuntur, asserentes quenque in sua lege saluari à Deo data, quum tales æquè bonæ sint seruantibus: nec vlla sit alteri præferenda. Hi quasi schismatici & Turcis suspecti, nonnunquam deprehensi affliguntur. Quando quidem occultè docent, & Christianorum ecclesias subeunt, aqua quæ benedicta se conspergunt,

signo

# IO. CVSPINIANI

signo se crucis muniunt, legemq; Christi tã bonam  
 q̃ Mahometis asserũt. Religiosi autem Turcorum  
 festiuitates quasdam agunt, vel propter vota popu-  
 li eis oblata, vel ad assequendã pluuiam, serenitatẽ,  
 victoriam, vel propter prædecessorũ memoriam.  
 Quæ quidem festiuitas Machia, ludus autẽ quem  
 faciunt Czamach patria lingua dicitur. Congregã-  
 tur enim finitimi vnius regiõis, occidẽtes (si habet)  
 animalia. Si minus, ex leguminibus & oriza coe-  
 nam instituunt. Refectiõne peracta, qui primus in-  
 ter eos est tympano accepto, modulatur: cæteri sur-  
 gentes, ordine ludunt quadã regulara totius corpo-  
 ris agitatione, motibus honestis omnium membro-  
 rum & valde decentibus, secundũ modulationem  
 mensuræ instrumenti musici. Tum in modũ verti-  
 ginis quodã motu velocissimo circulariter rotatio-  
 ne ac corporis reuolutione (in qua vis ludi cõsistit)  
 ita celeriter reuoluunt, vt homo ne sit an statua haud  
 facile discernas, ostendentes se in hoc quasi superna-  
 turalem habere corporũ agilitatem. Licet autẽ quis-  
 piam eos possit in cæteris ludi gestibus imitari, hæc  
 tamen reuolutionis rationẽ, quantumuis agilis, ne-  
 mo facile sequetur. Finito ludo surgunt omnes, &  
 ordine cõfuso imprecationis voces pro salute eorũ,  
 à quibus eleemosynas acceperũt, emittunt. Aiunt  
 Prophetas antiquitus iis ludis vsos, quum Dauid  
 dicatur ante arcam Domini lusisse. Loquuntur au-  
 tem inter ludendũ sermones quosdã obscuros à pa-  
 tribus sibi traditos, qui ad eos dũ in raptu & extasi  
 sunt, in spiritu loquuti sunt. Qui quibusdam breui-  
 bus sententiis materiam complectuntur de qua tra-  
 ctant, versibus & rithmis, quibus mysteria ceremo-  
 niarum suarũ spiritualiter explicant. Ob id sacerdo-  
 tes alij hos inuisos habent tanquã simulatores, imo  
 proban

probātes ipsorū & ludos & imprecationes tanquā  
inutiles, quum legem minime obseruent: Licet ma-  
ximam vitæ sanctimoniam tā dictis q̃ factis ostē-  
tant, Angeliq; ex moribus, non homines iudicātur.  
Quamuis enim spiritualis maiestas de facie expri-  
mitur, sit tamen superbix venenū occultum intrin-  
secus. Volunt enim ab omnibus obseruari: offensi  
parū, indignationem Dei imprecātur, sæpeq; vindi-  
cta subsequi visa est: omnes itaque cauent, ne hos  
offendant.

Mortui enim illi in numerum Sanctorum refe-  
runtur, & signis quibuscūq; ac mendacibus prodigiis  
quum venerētur, plebem seducūt. In tota verò Tur-  
cia primæ venerationis habetur, cui nomē Sedicha,  
si, quod interpretatur sanctus victor, vel victorio-  
sus inter sanctos. Cuius sepulchrū est inter limites  
Caramannorū & Othomānorum. Quem tanta re-  
ligione colunt, vt neminem desiderio suo fraudatū,  
qui opem illius implorari constantissime credant:  
Præcipue si bellorū ac victoriæ vota fiant. Ob quā  
rem, maxima donaria à Principibus quotānis viri-  
tim ad huius sepulchrum deferuntur.

Est alius apud hos sanctus Hattscipettesch co-  
gnominatus, hoc est, peregrinationis adiutor, quem  
implorant peregrini.

Qui verò Ascik passa dicitur, patronus amoris  
extat, & in matrimonio inuocatur prolis causa, vel  
in partus periculo, vel maritatis litigantibus.

Vair passa, discordantibus concordix patrocini-  
um conferre dicitur, nunc se iuuenem, nunc senem  
hominibus ostendens.

Schleych passa conturbatis & tribulatis solati-  
um præbere dicitur.

Chidirelles viatoribus necessitatem patientibus  
auxilio

## IO. CVSPINIANI

auxilio esse solet. Quem in forma viatoris equo infidentem apparere inuocantibus aiunt.

Venerantur & quidā, qui pecorū & ceterorum animalium curā habent, & qui pro pluuiā aut serenitate allequenda inuocātur, quorum alter Goiuehmirschin, alter Bartschumbassa nuncupatur: his butyro litant & calido pane, quem passama vocant.

Fuit inter religiosos illos quondā suspicio Regis de proditione, quocirca indignatus Amyras, hoc est, Rex, omnes comburi iussit. Quum autem senior ex illis pro excusatione multa dixisset frustra, primus ardētem introfuit furnum intrepidus, illæsusq; manens, incendium restinxit, ac miraculo illo Regis iram mitigauit, vt se suosq; a mortis redimeret periculo. Omnes illius posterī hunc tanquam sanctum venerātur, eiusq; soleas, quæ in furno cū ipso intactæ manserunt, pro testimonio veritatis hodie ostendunt. Omnia tamen hæc velamine simulationis obteguntur. Nam quæ faciunt sacerdotes prædicta, reddere causas nequeunt, de futura vita omnes æquē dubij. Antichristum Tetschel vocant, & frivola multa de purgatorio cōminiscuntur, absurdaq; multa fabulantur de inferno, è quo dicunt Mahometem post iudiciū cuiuscunque sectæ homines omnes liberaturum, ob auctoritatem magnam, quā apud Deum gerit.

### DE CÆTERIS MORIBVS

domesticis Turcorum.

**N**Vlla maior cura Turcos subit, q̃ vt plures homines capiant & abducant, vendantq; & lucrētur. Nam Barbarū genus sæua rapacitate aurū appetit, ob nullamq; rem magis Regē observant, q̃ vt aureos præbeat indies nummos: Licet in regiones natos miro amore sint affecti. Nec audēt regium sanguinem

guineim persequi, nisi regia domo natus quispiam, in propinquum impetū crudeliter primum faciat. Ob id Regi suo valde obsequiosi, quum iubentur, dicto citius ad bellum exeunt. Si quando hostibus congregiuntur, ingenti clamore & sono tympanorum voces addere, vt terrore multitudo sit, consueverunt. Tum Mahometem deum suum inuocāt, corpus lauant purgantq̃, priusquā praelium ineāt. Tum quotidie in aurora ac solis occasu fistula & tympanis cantant, de futura victoria exultātes. Principes autem Turcorum, quum mutua sese reuerentia afficiunt, ter digito labellum cōpescere solent. Mos deniq̃ est apud Regem Turcorū, ut Oratores ac Legatos ipse audiat, sed Principes qui Bassæ dicuntur, tanquā interpretes ac intercessores ad Regem referunt, more regum Persarū, familiaritatis vitæ grata, quæ fastidium parit. Quantū autem reges in vita venerātur, tantū iis mortuis in tumultu ac seditionibus excitādis sunt parati. Aeraria diripiūt, domos spoliāt, & nihil q̃d ad locupletandū proffit, omittūt. Mercatores in oppidis habēt, qui priuilegiis à Rege muniti, captiuos quoscūq̃ emūt, vendunt, impignorāt, redimūt, iuxta regalia ipsorū decreta, sine cuiuscūq̃ obstaculo. Bellū quoq̃ ea causa adeūt, vt homines mercētur, ac publicē in foro vendāt vt pecora, ingeniosissimi ad noscendum, qui viribus valeant, cui labori adaptandi. Tum palam sine pudore homines nudi vtriusque sexus prostituuntur, currunt, ambulant, saltant, vt hinc ætas, virtus, robur discernatur. Si qui inobedientes aut verecundi pudenda tractari recusarint, colaphisantur, & flagellis cæduntur. Hic filius venditur matre vidente, hic mater abducitur in confusionē filij, hic marito erubescēte vxor vt scortū eluditur, alioq̃ viro traditur.

Hic vxor



## IO. CVSPINIANI

Hic vxor maritū videt aratro alligari. Hic paruuli ē finu matris rapiuntur (Abducunt enim nō prouectæ modo ætatis homines, sed paruulos & lactātes infantulos) Deniq; nec dignitatis, nec sexus, nec ætatis, vel minima habetur ratio. Miles, paganus, sacerdos, plebeius, nobilis, ignobilis pari libra æstimantur. Serui empti mancipantur teterrimę seruituti, tanquam perpetuis carceribus: vbi nulla spes amplius libertatis, sed labores intolerabiles cū maximis opprobriis. Auidissimē enim omnes, seruos & ancillas possident, quia credūt egestatem se nullā visuros, si seruos habeant. Quoniam quum serui multiplicantur, cū ancillis iungunt cōnubio. Villas ergo totas exadificāt, & agros iis colunt, ac inde ditantur. Serui itaque nil aliud cogitant, aut nulla alia de re colloquuntur, nisi de consilio fugiendi. Heri hoc animaduertentes, cibum subtrahūt, ne viaticū parent. Raro autem fuga elapsi, euadunt, præsertim qui vltra mare abducuntur: cā solliciti sunt Turci requirendi inueniendiq; profugos, Inuentis & reductis, duplicatur miseria. Si iterum reducātur profugi, cruciantur & affliguntur sine omni humanitate. Nūc enim victus, nunc habitus negatus, mortem accelerat. Quibusdam cōpedes, quibusdam cathenæ annectuntur. Sunt quibus nares, aures, neruos pedum abscindūt, vt deformes noscātur. Prudentiores tamen seruos vt retineant, pacto & termino seruitij statuto, Iudici ordinario illius loci præsentant, acceptoq; syngrapho de libertate assequenda securos reddunt. Perfecto tempore seruitutis, iudex Imperiali autoritate donat libertatem literis publicis (quas instrumenta solennia consueuimus appellare) tum licebat olim patriam petere. Nunc non licet etiam assequuta libertate, sed liberū est in Turcia quæcunq; negotia obire.



oblire. Quandoquidem in itineribus impediuntur, edicto Regis, ne patriam petant. Sunt tamen sacerdotes, qui accepta pecunia a seruis, adulterinas literas miro astu fabricant, quibus nonnulli fortuna propitia euadunt. Sunt item fures quidam, qui se mercatores fingunt, ut seruos & ancillas fugitivas abducant, & in remotioribus locis vendunt: & hinc iterum furtim abigunt, donec propinquiora & finitima loca contingant, cum accepta pecunia, literas donant, quibus possint (si habuerint fauentem fortunā) euadere: Licet paucissimi ad patriam reuertantur.

Verum ex Bosna, Albania, Sclauonia, adiacentibusque regionibus, ob paupertatem (quia ob annua tributa ac vectigalia ad summā egestatē redacti sunt) quum se nutrire vix possint, sponte ad Turcos veniunt & seruiunt, nonnunquam in magna multitudine: qui facile persuadentur, ut perpetuo maneat.

Horum maxima est copia in Adrianopoli regia urbe, quia facile linguam patriam ediscunt. Licet Sclauonica passim penē omnes videntur lingua, & Imperator & curiales. Ex hac multitudine Turcus decimam colligit, & ē Græcis quibusdam adhuc Christianis, ut sibi custodes corporis Ianizaros efficiat, ut supra abunde narrauimus. Sic itaque tria genera hominum Christianorum in captiuitate Turcorum inueniuntur. Primum est illorum, qui in pura simplicitate vitam agunt, nihil de factis eorum aut solliciti aut curiosi, timentes ne ab erroribus decipiantur, Christianamque suam religionem pro virili in seruitutis iugo custodiunt. Alterum genus illorum, qui curiosi se secretissima quæque indagant & scrutantur. Atque hi pericula nonnunquam experiuntur, dum incaute se ingerunt. Id autem faciunt, ut errata ac deceptiones huius perfidæ sectæ in scripta redigant, posterisque

L mittant,

## IO. CVSPINIANI

mittant, ne seducantur. Sic plures legimus captos, qui omnem illorū superstitionem curiose disquirentes, hæc quæ scimus nobis nota reliquerunt.

Tertium genus medium quoddā tenet. Quum enim illi incaute eorum facta considerant, ab erroribus eorum capiuntur, fidem suam perdūt Christianam, & superstitioni se addicūt. Quorum magnus sibi est numerus, quoniam ad dignitates deinceps & diuitias perueniunt. Hoc facit simulata illa simplicitas, quam in vestitu, habitu, equitatu ostendūt: deridentes in primis Christianos, qui vestium varietate gaudent, quum apud ipsos tam viri q̄ scæmīq̄, tam nobiles quā ignobiles, nihil curiositatis aut leuitatis in habitu ostendant: Quod item in equitatu faciunt, quum prælium ineunt. Quinimo & Imperator illorum nonnūquam videtur cum duobus aut tribus balneum ingredi, ac templum religiose adire, ubi nō in cathedra ac solio regali, sed in terra substratis tapetibus sine reliquo ornamento, vt cæteri, sedet. Ante omnia autem student Turci mundiciæ. Omnia enim suspecta de mundicia reiiciunt. Ob id & vinum minime bibunt, quod olim causa magni mali angelis fuit, qui inebriati vino, coitum cuiusdam pulcherrimæ mulieris petierūt, & iter ad cælum docuerunt. Ipsi verō in puteum quendam profundissimum damnati sunt. Sed & carnes porcinas non comedunt, qui dicunt hominem illis immundum fieri. Et vinum in terra calidiore, vt in Arabia, parum habet voluptatis, quum frigidis delectentur potius poculis. Nec in parte domus ubi comedunt, aut canes aut pullos admittunt, ne loca fœdētur. Nec si vas aliquod, vel canis vel pullus contingat, ex eo amplius vescuntur. Solent enim pullum fuscū ligatum diebus septem ac amplius tenere,

nere, vt purum tantū granum comedat. Nec morticinis vefcuntur, aut fanguine fuffocatis. Nifi enim ferro viderint gulam animalis fecari, carnes non comedunt. Hinc etiam poſt quamcunque pollutionem, vt ſuperius latè diſſeruiſimus, balneantur ac mundantur. Simplicitatē præterea oſtendunt ædiſiciis ſuis, nullam penitus habentes delectationem in conſtruendis domibus: licet ſint auro atq; argento ditiffimi, ſuperfluitatem tamen eſſe iudicant.

Raro enim ex lapidibus, frequenter ex lignis domus conſtruunt. Rident itaque mirum in modum Chriſtianos, quum tanta vident ædiſicia: quæ ideo putant extructa, quaſi credant ſe perpetuo victuros. Nobiliores autem æſtatis tempore relinquētes vrbes, in campo ſub papilionibus degunt, venationibusq; vtuntur. Qui verò pecudibus operam dant, nullas penitus habent domos, ſed cum pecoribus terras pro pascuis quærunť: Hyeme calidiora & inferiora loca, æſtate ſuperiora, quamuis ditiffimi ſint in auro. Tuguriis exilibus contenti: oſtendentes ſe mundi peregrinos. Luſores pro pecunia quocunq; genere ludi, ignominia afficiunt, ac deinceps grauiori ſupplicio puniunt. In terra comedentes omnes ſedent, nec ſcammis nec ſedibus vtentes: Quadam tamen decenti compoſitione, multum naturæ ipſi deferentes. Menſam habent ex corio ceruiſino, plerumque attonſo ac rotundo, latitudine quinque aut amplius palmarum, cum circulis ferreis, quibus introducta corrigia inſtar buſſæ clauditur, aperitur & portatur. Diſcalciati autem & in templis & in menſa ſedent. Inhoneſtum enim videtur, ſi ſedeat aliquis calceatus. Vtuntur ergo genere ſolcarum (quas planellas dicimus) ipſi ſua lingua bathmag vocant: His ſcæminæ præcipue vtuntur.

Vbi verò sedent, tapetibus loca sternunt, vel lancia  
vel scurpeis vel iuncinis. Exigente tamen necessitate  
ob humiditatem vel immundiciam, tabulata à terra  
parum eleuata ponunt.

Quod vero ad augendā prolem attinet, licet vni  
cuique secundū legem duodecim habere vxores le-  
gitimas, ancillas verò sine numero quot libuerit.  
Et secundum eandem legem omnes filij & filia an-  
cillarum habentur æqualiter hæredes cum vxorū fi-  
liis. Solent enim pluribus in locis ac villis singulas  
habere vxores. Nam ob inquietudinem ac iurgia,  
raro in vna domo duæ simul manent vxores. Pos-  
sunt autem dimittere vxores quando volunt. Quo-  
niam ligamen illud matrimonij, quod suo idioma-  
te Kebni vocāt, in potestate viri esse dicunt, nō mu-  
lieris. Interuenit tamen huic etiam matrimoniali  
vinculo sacerdotis autoritas. Æqualiter penè etiam  
omnibus vtuntur, cōcipiendę prolis gratia, ne amo-  
rem impetuosum in aliquam transfundāt, licet duo-  
decim habeant. Vtuntur formine simplicissimo ha-  
bitu, nullum luxum representante. Nec vnquā sine  
velo aut aperta facie, in conspectum virorū, vel do-  
mi vel foris prodeunt. Mitræ caput tegunt, extremi-  
tas veli faciem tegit, vt soli oculi emineant. Hoc tā-  
villanæ q̃ nobiliores faciunt. Nulla enim in publi-  
cum prodit nobilis, nisi subtili velata sit serico. Vt  
homines ipsa videre possit omnes, à nemine autem  
facies eius videri. In die Veneris, quæ apud eos sa-  
cra est (vt diximus) ad meridianā horam nobiliores  
vxores templū ingrediuntur. Vbi locus secretus so-  
las mulieres capit, quæ viri vel nō debeant, vel non  
possint adire. Colloquium viri & mulieris in pub-  
lico, perrarum est. Rarissimū maritum cū vxore se-  
dere aut equitare, in publico, Cauent enim in domi-  
bus,

bus, ne coram familia vllū lasciuiæ indicium ostendant: tanto rigore nō modo in familiam, sed vxores quoq; vtuntur. Nobiliores Eunuchis vxores suas custodiunt, ne viris aliis misceantur. Magna seueritate omnino erga mulieres vti consueuerunt, etiam consanguinei. Facta enim desponsatione, sponsus vsq; in nuptiarum diem non comparet in faciem socii aut socrus, quod item & sponsa obseruat. Tanta est apud istos verecundia, qua non modo plebeios, sed & sapientes decipiunt, vt apud ipsos conuertantur. Conuersis sacerdotibus & religiosis ad se, multas prouisiones faciunt, vt cæteris exemplo sint. Sic multi videntur religiosi Minores, Prædicatores & cæteri, qui fide Christi abnegata Mahometem adorant, miseramq; plebem seducunt. Hæc omnia tendunt in deceptionem, quemadmodum tota lex Mahometis deceptionibus est plenissima: In his enim est fundata, & amotis his, tota corruit. Nam quæ de circuncisione ac lauacro præcipit, eò tendūt vt Hebræos Christianosq; decipiant. Cætera omnia quæ lex illā (si modo deceptio lex dicenda est) complectitur, de mundicia, carne porcina, vino, & id genus aliis, vt luxum expleant & Veneri inferuiant, excogitata sunt. Omnia aliā simulata & ficta, vt vno verbo complectar singula. Si quis verò latius quæ contra hanc legem dici possint scire desideret, Nicolaum Cusam in Cribratione Alcorani addeat: Et pulchram relegat, sed longam Pij Pontificis ad Mahometum Turcum epistolam, quæ incipit: Scripturus autē quæ pro tua salute, &c. In quæ potiores legis Mahometis deceptiones recēsentur, & ridendæ ineptiæ. Sed in ea oratione quoq; habita in conuentu Mantuano, Texto Calend. Octobris, Anno Christi Millesimo, quadringentesimo quin-

## IO. CVSPINIANI

quagesimonono; Pius Secundus Pontifex maximus vanitates legis Mahometicæ plures numerat: Ad hortans simul Principes ( quod & in bulla magna facit, quæ sic exorditur: Ezechielis Prophetæ magni sententia est, &c) & vniuersos Christianitatis Proceres precibus flagitat, vt contra Turcos proficiscantur, & bellum sumant. Suasit quidem, sed nõ persuasit Orator ille Pius & Põtifex. Et ob id semper latius serpsit hoc malum, vsque in ætatem nostram. Negligentiãq; Principum res iam eò deuenit, vt neque Pontifex neque Cæsar, nec Reges nec Principes, nec ciues nec communitates de Turcis cogitent, loquantur, aut consultant. Dormimus omnes in vtranque aurem securi. Vereor sanè ne nos excitaturus Turcus olim oscitantes ita obruat, vt ne spatium quidem fugiendi nobis relinquat. Ego quod possum omnem moueo lapidẽ, singula oculis subiiciens. Felicis Petantij commetarium, quibus itineribus Turci sint aggrediendi, veluti Corollarium subiungo. Quo cum magna olim mihi fuit familiaritas, quum Oratorem Cæsaris Maximilianij Budæ agerem. Hic etenim & ad Basazethem secundum & Zelymum aliquoties iuit Orator, & planè multa Turcorũ nouit, quæ oculis vidit. Sed iam ò lector hunc audias.

**FELICIS PETANTII CANCEL**  
larij Segniæ, quibus itineribus Turci sint aggrediendi: Ad Vladislauum Hungariæ  
& Bohemiarum Regem.

**A**CCEPIMVS serenissime Rex, maiores nostros quum de inferendo bello consultarẽt, prius itinera quibus tuto in hostes pergerent, multorum & scriptis & documentis accuratius inuestigasse. Qua ex re sæpe compertum est, eos fuis-  
lidio

lidioribus copiis, amplissima regna atq; opulentissimas Prouincias ocius fuisse adeptos. Ea propter operæpretium erit maiestatem vestrā commonuisse, quos terrarum limites, quāsue gentium regiones adeat, in Turcos expeditionem affectās. Et quamuis decenti & matura persuasione ad prouisionem ruinæ Christianę opus esset exordiri prolixioribus verbis, tamen status perturbatissimus rerū me prohibet, eoq; maxime, quod maiores nostri (quorum exemplis innitimur) in huiusmodi arduis & maturē nauandis rebus, impigri ac semper citissimi extiterunt. Igitur dimissis oris maritimis, quæ versus Asiam nauigantibus patent, referam qui tramites ex Septentrionali plaga in Thraciam et Orientem dirigant. Primum igitur ex Pannonia ad Histri & Sauri confluentem traicitur in superiorem Mysiam, prope Belgradum oppidum, ubi duæ concurrunt viæ. Altera superior in Thraciam siue Romaniam, altera inferior ad Dardanos & Macedones mittēs. Sed superiorem viam sequendo, patētibus campis Godomiri, præter celebre phanum Reslane, Regū atq; Principum illustratū sepulchris, nō procul pertransito amne maioris Muraure, relictisq; sinistrorsum agris Brailoue, per pagum Branicerum pergitur ad Nisum, olim (vt ex ruinis cernitur) ciuitatem peregregiam, nunc instar vicī redactam, à Turcis & Bulgaris habitatam. Adiacent altissimis montibus ex finitimo Rhodope progressis fluuio Nisaua, à quo denominatur, magnaq; venalium copia rerum inter alios Mysiæ & Triballorū pagos censetur præclara. Abest à traiectu Belgradi cxx. milibus passuum. Ex ea ascendendo ad vicum Pirochi situm in mōtanis, peragrato vasto mōtis Curiorouize iugo, arduo atq; difficili, cū ob profunda cir-



# IO. CVSPINIANI

cum eminētium rupium concaua, tum propter densiſſimū nemus longioresq; amphractus, ſit per quin-  
 quaginta milliaria acceſſus ad Sophiam Metropo-  
 lim Triballorū, Emporium noſtris ſeculis memo-  
 randum. Iacet in plano ſpectans ab Oriente inferio-  
 rem Myſiam, hoc eſt, Sagoriam, ex Cyabro flumī-  
 ne circa Bionium & Nicopolim oppidū porrectā  
 per limites Hiſtri ad mare Ponticum. A Meridie  
 Thraciam, ab Occaſu & Septentrione Cordiſcos,  
 Triballos, & excelfos montes Vaſglize alpes.  
 Hinc Rhodope præ aliis q̄ plurimis q̄s habet, veri-  
 ticibus eſt eminentior, quaſi omnibus finitimis mō-  
 tibus imperitans. Quod ex ipſa Græca denomina-  
 tione planè innuitur. Per cuius aſperos & anguſtiſ-  
 ſimos aditus, biſduo pertrāſitur ad plana Philipopo-  
 lis vel Romanię. Hac Romani Aſiæ quondā impe-  
 rium ſibi vendicātes, iter habuere: quorū inſigne ad  
 hæc uſq; tēpora in mōtis medio marmore ſ erectū  
 colūnis conſpicitur. Hinc & Gotefredū de Bulio-  
 nis, dum terrā promiſſionis recuperaturus pergeret,  
 ad Helleſponti ſiue Callipolis traiectū ex ſuperiori  
 Myſia transcendiſſe memoriæ proditum eſt. Hiſce  
 etiā anguſtiis Vladislaus Pānoniæ et Poloniæ rex,  
 olim ab Amuratho Turcorū Principe obſeſſus, re-  
 trocedere, & in Pannoniam ire fuit compulſus. Ex  
 Philipopoli via triſdui & campeſtri continue ad la-  
 tus Marize ſiue Hebri fluminis, peruenitur ad Dri-  
 nopolim, vocatā apud priſcos Odrifum ſiue Hore-  
 ſtiada. Ea quantum pulchritudine & geſtarū glo-  
 ria rerum inter omnes Thraciarū vrbes ſemper cla-  
 ruerit, hinc vel maxime deprehēditur, q̄ eius ſoci-  
 ditate veteres Bithyniæ reges allecti, ex Aſia in Eu-  
 ropam cōmigrantes, ipſam ſibi domicilium atq; im-  
 perij ſedē diu ante Byzantię expugnationē tenuere.

Ab ea

## VIA IN TVRCIAM.

77

Ab ea in Propontidem & Hellespontum siue Cal-  
lipolim, miliaria sexaginta : In Constanunopolim  
vero CXX. computantur.

## ALTERA VIA INFERIOR QVÆ

ex eodem Belgrado per Dardanos et Tri-  
ballos montes Emum transgressa  
prope Hebrum, cum supe-  
riori via cōiungitur.

**A**Ltera inferior via est, accessu perfacilis. Patet  
enim ex Belgrado ad limites Mysiæ & Dar-  
danorum CCLXXX. millibus passuum, progre-  
diens circa Osternize oppidum, & Rauanicense  
monasterium. Adducit primum ad Morauam, o-  
lim Moschium dictum, ad latus arcis Crusceue flu-  
entem, quandoque imbrium exundatione inuadabi-  
lem. Dehinc ad Basilicam albam et Appennini mō-  
tes Mysiam inuicem separans. Rascani enim primi  
huius prouinciæ populi feroces ac bellicosi, eam  
partem incolunt, quæ ad Drauum, Sauum et Histrū  
flumina spectat: Valachi montana, genus hominū  
agreste. Hi gregibus tantum pollent & armentis.  
Aliam autem quæ ad Dardanos, Macedones, &  
Triballos vergit, Seruiarū gentes habitant, usu mi-  
tiores, & syderum aspectu benigniori : eò quòd  
magis ad meridiem tendant, & frequentiam cōme-  
antium mercatorum habeant. Pertransitis itaque  
montibus, sequitur planum Dubotize, frequenter  
inhabitatum. Sed dimisso aliquantisper ad leuam  
tramite, qui ad villam magnam Procopiæ & Ni-  
sum dirigit, non procul offert se vallis Cossouiza  
cum Labo flumine per medium eius decurrente,  
procedens ad latissimum Cossouum campum, ce-

# IO. CVSPINIANI.

lebratum toties diuersarum gētiū certaminibus.  
 Verum ex multis quæ hic præclare gesta in anti-  
 quis narratur Annalibus, pauca in huius campi me-  
 moriam repetam. Galli olim Græciā atque Asiā  
 occupaturi, illic primo tumultuantes, cum circum-  
 nitimis populis prælium iniere, nō sine magna strage,  
 vt ex eorum monumentis apparet. Precibus in-  
 que vix inducias obtinuerant, donec traditis sepul-  
 turæ occisorum corporibus, à prouincia abirent.  
 Præterea anno iam cētesimo quinquagesimo Amu-  
 ratho Turcorum Regi magna cum barbarorum  
 multitudine ex Thracia in Mysiam irruenti, Laza-  
 rus Despotus huic cum multis milibus obuians, fu-  
 it occisus, paucis ex suo exercitu superstitiis, apud  
 Turcos victoria remanente: non incruenta tamen,  
 perempto ibidem eorum Rege. Vbi eius adhuc in-  
 testina marmoreo condita tumulo iacent. Cadauer  
 enim in Bursiam siue Byrsiam Bythiniz Metropo-  
 lim deportatum est, cum aliis ex Othomannorum  
 familia Regibus sepeliendum. Postremo hic fuit il-  
 la infausta & omnibus seculis execranda clades, Io-  
 annis Huniadis genitoris diui Matthiæ, Pannonio-  
 rum Regis, ex conflictu habito cum Amuratho et  
 Mahomete Calepino eius filio, qui fuit pater Mo-  
 derni Turcorum Imperatoris. Huius campi plan-  
 ties protendit circiter septuaginta millia passuum vsq;  
 ad vlsam Cuzamici et fauces Clissuræ quæ ad Sco-  
 piam ducit, posita inter duo flumina Sithnizum &  
 Labum, vallata vndique montibus. Quorum ex-  
 trema perabundat vicis & pagis, habens ad latus  
 opulentissimum pagum Pristinam, qui ob maxie  
 mam vbertatem fuit quondam Mysiæ dominis in-  
 summis delitiis. Est insuper ad decem milliaria No-  
 uomantana ciuitas, Germanorum colonia. In primo  
 cipio

cipio nancq; Saxones in Myſſia partibus metalla & argenti materiam reperiere. Caterum iuxta Horauize lacum & paludes, diuertendo ab ea via quæ ducit per Binzum Morauiam ad montes Ciuiciæ intra Myſſiam & Dardanos iacentes, itinere vniſus diei ab ingreſſu Clifſuræ, patet acceſſus ad Scopiam, caput Dardanorum, & terminum Macedoniæ. Hæc ciuitas eſt ferax & abundans omnibus precioſis terræ fructibus, plena diuitiis, diuerſorū peculiare Principis, irrigua ſalubri flumine Vardaro, ſcaturiente ex iugis altiffimis Orbelli montis, qui imminet Macedoniæ, Triballis, Myſſiæ, Dalmatix ac Epyro: propterea oportuna ad conuocandū exercitum. Inde iter arripiendo per planitiem Geggiligone, vallem Corropnize, balnea Beoꝝbuſci, pontemq; Strimonis, dirimentem Macedones à Triballis ſiue Bulgaris prope villam ripæ rubæ perluftratis campis Samoceni, ſyluis & vaſtis ſolitudinibus montis Eni vocati, apud Triballos eius accolæ Coſtegnazo, difficili admodum via deſcenditur ad Marizam, hoc eſt, Ebrum fluuium, & campos Philipopolis ſiue Romanix. Vbi hæc via inferior diſtans à Scopia CCXXX. millibus paſſuum, coniungitur cum ſuperiore ex monte Vaſſigliza, ſiue Rhodope, ad hæc plana progrediente.

### TRACTATVS DE CO- gnomine, & Situ Romanix.

**R**omania autem, de qua paulò ſuperius mentio-  
nem fecimus, eſt regio aprica, affluens omni-  
bus quæ ad humanū expediūt vſum. Ab Romanis  
olim ob immenſam ſitus amcenitatē diu inhabitata.  
Vnde propter frequētes in ea prouincia Romanorū  
coloni

## IO. CVSPINIANI.

colonias, & præsertim Constantinopolim, quasi altera Roma vulgo nominari consuevit. Eius longitudo à littoribus Ægei æquoris & Strimone fluuio CCCXC. millibus passuum progressa, ab Oriente Ponto, à Septentrione Histri ambitu non longe à Rhodope, iuxta Ciabrum amnem cum inferi ori Myssa finitur. Latitudo vero ex vicinis Emiliatibus incipiens, ad meridiem CLXXX. versus Calliopolim protenditur.

### ALIVS LOCVS, VNDE

ex Pannonia traicitur in My-

ssa, iuxta Saslon oppidum

**S**ecundus autem locus unde ex Pannonia transeat in Myssam, est prope Saslon, siue Sabacum oppidum, non procul inde, ubi Drina ex Dalmatia decurrens, Sauo immiscetur. Ultra Sauum duæ sequuntur prouinciæ Beligna & Maza: relictis ad dexteram flumine Albo, & his montibus, Sacro, Chribernico, Crupno & Saeza: & tunc iter ad famosum vicum Vaglem, montesq; Larzi, exercitiis propter currus & alia impedimenta immeabiles. Ex parte sinistra sit progressus ad vadum maioris Murai, abluentis ibidem Crusseuam arcem, adhærendo semper aliis itineribus superius memoratis.

### VIA QUÆ EX PANNO-

nia per Transsylvaniã mittit

versus Thraciam &

Pontum.

**E**ST & iterum tertium iter oportunius minusque laboriosum, ducens ex Pannonum finibus in Thraciam, & ad alia loca vicina Ponto. Verum quia tam ipsos Pannonos, quàm reliquos trans Danubium commorantes populos illud minime latet,

cum

eam ex concursu commeantium inuicem mercato-  
rum, tum ob continuum bellum, quod circa oram  
Histri & eas regiones Turcos propulsando exer-  
cent, pauca tantummodo ad hanc viam necessaria  
aggrediar. Buda itaque abest à Varadino LXXX  
milibus passuum, interjacentibus Cummanorum  
locis, & flumine Tibisco. Hinc ad R hium oppidū  
prope Chrissiam amnem, est via vnius diei semper  
campestris. Ex eo patet accessus per vallem longā  
in Colusuar, siue Themisuar: Inde ad Sibinium pa-  
ri spacio itineris & perfacili. Hæc ciuitas est princi-  
palis ex septem castris, quæ regio vulgo Transsylua-  
nia siue Herdelia appellari consuevit. Bello insupe-  
rabilis: paritenim strenuos ac fortissimos milites.  
Est in ea Huniad oppidum, loci natura munitissi-  
mum, vnde Ioannes pater diui Matthiæ Regis ori-  
undus fuit. Qui fuisse hic primum Turcis, eorum  
Duce Mecusbecho interfecto, melioribus semper  
auspiciis victoriam prosequendo, adeo hostibus ter-  
rori & suis admirationi exitit, vt omnium senten-  
tia in regni gubernatorē deposceretur. Ex Sibinio  
sequitur corona siue Bresouia, vltimum oppidum  
Transsylvaniæ, adiacens montibus qui diuidunt e-  
andem prouinciā à maiori Valachia seu Dacia.  
Hinc tertia die aditur Targouiscus Metropolis Va-  
lachorum, & sedes peculiaris Principum inaccessi-  
bilis: non muro, non mœnibus cincta, sed fossa,  
vallo, & aggeribus tantum, cum sudibus præacutis  
externis positis, sita inter paludes obductas lutosas  
sylvæ & lacunis aquarum, ita quod hyeme tota pe-  
nè circumfinitima regio immeabilis sit. Hæc est pro-  
vincia Dacia dicta apud veteres, Romanorum co-  
lonia. Vnde eius aborigines hac etiam nostra tem-  
pestate passim Latino vtuntur colloquio. Est ea gens  
barbara



## IO. CVSPINIANI

barbara, crudelis, diuinationibus & auguriis dedita, rapinis semper & prædæ inhians. Ex his locis declinando viam, ad traiectum Bidini & Nicopolis dirigentem, ad leuam offert se Vasilum castrum, medium ferme consistens inter Valachiam Maiorem & Minorem, siue Moldauiam, vbi sæpe cum Turcis certatum est. Dracula enim cum paucis sed electis militibus, Mahometum Turcorum Imperatorem, potitum iam Maiori Valachia, et ad minorem occupandam maturantem, hic ad secundam vigiliam noctis aggressus, conuersum in fugam, ad Danubium cum magna suorum cæde & ignominia regredi coëgit. Hic denique Stephanus Moldauiae Princeps, Suleimanum Bassam & Ducem Romaniae sic prostrauit, vt ex triginta Turcorum milibus, pauci admodum ( qui fortè velocioribus equis infederant ) euaserint. Ex Vasillo circiter triginta millia passuum pertransitur Hister ad Brisagum siue Braillouum oppidum, vltra quod occurrit Graecia, procedens vltra septem ora Danubij vsque ad Pontum, vbi est campus Varne, celebratus primo conflictu Imperatorum Sigismundi & Ducis Burgundiae. Postmodum cæde Vladislai Pannoniae & Poloniae regis, atq; Legati Apostolici.

## VIA PER QVAM EX

Varbosania itur versus  
mare & montes  
Corbauig.

**R**eliquum est, vt quam breuissime enarretur, ex quibus Dalmatiae partibus Turci irruant in Germaniam, et in alias circumfinitimas nationes. Est igitur in ea prouincia locus qui Varbosania dicitur, caput et sedes principalis Ducis eius gentis.  
Quod



Quò omnes ex Asia & Europa barbari, prædæ ac rapinarum auidi confluunt: propterea quòd inde facilius discurritur, siue ad oram maritimam, seu per Licham & montes Corbauix in Liburnos, Histros, Lubianam & forum Iulium. Velez monte Adrio, qui fermè medius inter Bosnam & sinum Adriaticum consistit, ad Croatiam declinando in Carniolam, Ciliã, Carinthiã, Stiriã, vsq; ad Austrię penetrat fines. Sed ex declinatione itinerũ, quibus ad eas transitur gentes, vbi quæq; dictarum sit regionum plenius apparebit. Hostes itaq; ex Varboslania ad planitiem Thime siue Sethiæ distantem. 180. millibus passuum & ad alia loca proxima mari discurrere volentes, & si plures aditus habeãt, duos tamen continuis excursionibus sibi magis cognitos, & quasi faciliores frequentant. Altero circa Visochij Ganzã & Prosor oppida descendunt ad Clissã, Spaletũ, Thraguriũ & Scibericũ altero autẽ longius ad Cluci arcẽ porrecto preti, Bisftrizã intrant in Italiæ plana patetia vsq; ad fretũ, diuimẽs insulas ab Inulcem d promontorio Corbauix, cæterisq; mediterraneis locis. Verũ regrediẽdo ex istis campis ad Cluci oppidũ, & mōtes, vnde in hæc litora diuertitur, duæ offerunt se viæ. Alia versus Bichachiũ et Hun, siue Humani flumiũ, pergens Alpinum Corbauix per angustias plerisq; in locis, trãstũ difficili & arcto, vix pedibus peragrãdo: dimissis ad leuũ Nouij & Buchari oppidis, cum Histria, Tergesto, & Montefalcon ferũtur. Ex limitibus Posnæ ccccx. millibus passuum ad Hissuntium amnem.

## VIA QVÆ EX CLVSI OPPL

do versus Hun flumiũ progreditur,

&amp; per quam itur in

Germaniam.

Sed fu

**S**ED superiorem viam tenendo, traiciētes Hun-  
fluuium ad latus Bichachij, relicta Cruppa ad  
dexteram semper, locis campestribus, spacio quin-  
quaginta miliarium offendunt omnem regionem  
Croatię circa Modrusum, vsque ad Crappam &  
Sauum fluuios. Hinc etiam in Lubianam excursio-  
nes fieri possunt per eosdem montes Corbauia, via  
stricta, lapidosa & aspera. Post Cuppam amnem  
sequitur Metlica, in cuius sinibus est mons arduus,  
transitu difficilis, porrectus ad quatuor miliaria.  
Vbi paruo admodum p̄sidio, iter hostibus p̄clu-  
deretur. Inde ad Sauum & ad Carniolam transcur-  
rūt, & vltra Sauum per Ciliam, Carinthiam, & Sci-  
rlam, prouincias Drauo flumini adiacentes, depo-  
pulaturi. Dexterā Muram fluuium & Austriam  
adoriuntur.

VIA EGNATIA EX EPI

ro siue Dyrachio, per Emathiam  
in Thraciam progrediens.

**D**VXI pręterea peropportuum fore, si nostre æta-  
tis hominibus simul atque posteris notum fie-  
ret, per quę itinera olim Romani exercitus ex Epi-  
ro in Macedoniam, siue in Orientem transibāt, prę-  
sertim cum & assidua bellorum vastitate, & tem-  
porum vicissitudine nomina vrbiū & locorum  
obliterata, omninoq; hodiernis Christianis militi-  
bus incognita existant, Proinde dux sunt vię, alte-  
ra Egnatia ex Dyrarchio in Orientem, quam Stra-  
bo Geographus ad Ebrum fluuium Thracię, per  
millia passuum quingentos atque triginta quinque  
mensus est. Altera autem ex Apollonia, quę Cun-  
dauiā a monte Illirici denominatur, in Macedoni-  
am ducentos sexaginta septem, Thessalonicam vs-  
que progrediens. Sed prior Egnatia, ex Dyrachio  
per

## VIA IN TVRCIAM. 8.

per Pharfalicos & Emathix campos, linquendo sinistrorsum Fandam fluuium & montes Ducagmorum circa Lysum Emathix, quondam nobilissimam ciuitatem, & frequētissimos Vrachix & Dibripagos, pergens ad Belgradum oppidum, ferme medium inter Emathiam, Thessalos, & Macedones, dimissis ex parte dextera Thessalix montibus, leua vero Drina fluuiio, peragratis syluis & nemoribus finitimorum montium, descendit in planitiem Macedonix, extensam versus Ebrum & Thraciam.

## VIA CANDAVIÆ MA.

ritima ex Apollonia, ad fauces Propontidis  
extensa.

**S**ecunda vero via, quæ Cădauiā dicitur, ex Apollonia, vnde sumit initium Epirus, ad sinum Ambratium, præter Aulonis siue Valone lacum, procedens dextrorsum, adiacet sibi gētes Epiroticæ, quas Siculum mare alluit. Hæc regio vulgo Arbanus nuncupatur, diu sub Aranitorum dominio habitacum Acheloo, vel secundum accolæ, Pachicolamoponne è Pindo decurrente coniungitur.

Illic terminus Epiri ab eo per Accarnanes ad Euium seu Phidarim fluuiū, qui in os sinus Corinthiaci influit, dirimētis Ætholiam à Peloponneso, ad Anthirium flumen Isthmi pertinet. Verum tota hæc via superius memorata continuo extenditur per oram maritimam, aditu quibusdam in locis aspero, & longius à mari ambiendo, ob crebros prominentes in hæc littora montes. Ea post Isthmū ab Ægeo excepta pelago, per Locros, Phocēses, Boetios, Atticos, & Megarenses Græciæ maritimos populos,

M circa

## IO. CVSPINIANI

circa Euboeæ atq; Theſſalonicę ſinus, dimiſſa ad le-  
uâ Lariffa, descendit, vſq; Theſſalonicâ clariffimâ  
Macedoniæ urbem. Dehinc rurfus ad latus eiufdẽ  
frẽti, verſus meridiem, Athos montem declinando  
per plana et montes, Strimonem tranſgrediens (qui  
Macedones à Thracibus diuidit) locis ſemper ma-  
ritimis ad Emio oppidum extenditur, vbi Ebrus  
Thraciæ fluuius Ægeo immetgitur æquori. Hinc  
duo patent itinera. Alterum per ſexaginta miliaria  
verſus Andrinopolim, alterum autem ad leuam per  
pontem EGINE, ſupra paludes et lacus miro artificio  
tribus millibus paſſuum extenſum, præbetur acceſ-  
ſus ad Callipolim. Ex ea in occaſum diuertendo,  
facile ad fauces peruenitur Propontidis, ſive Dar-  
danellum.

## EPILOGVS EXHOR.

tatorius ad inuadendum

Turcos.

**H**æc ſunt itinera, à Romanis olim toties pera-  
grata exercitibus, nunc à Chriſtianis obnixi-  
us affectanda, ſi pulſis ex Europa barbaris, perpe-  
tua pace potiri concupiſcunt. Non eſt itaque ex-  
pectandus hoſtis, neque dimicandum cum eo in li-  
mitibus & gremio Italiæ: in Epirum ſive Macedo-  
niam tranſportandæ ſunt copiæ, vno atque eodem  
monumento. Hinc & ex Pannoniæ oris bellũ Thra-  
ciæ inferendum eſſe nemo iam ambigit. Non deſu-  
turum enim militem, neq; com meatũ, imò omnia  
neceſſaria præſto fore. Aderũt ex circũſinitimis pro-  
uinciis vndiq; fideles populi, ſolam expeditionem  
Chriſtianam præſtolantes, parati hoſtes vndiq; ad-  
oriri, q̃primũ ſenſerint Chriſtianorum caſtra Hi-  
ſtrum, & ex Italia exercitum Adriæ fretum traieciſ-  
ſe: Hæc

se: Hæc est vna atque extrema via debellandi hostē.  
 Legimus nanque Alexandrum Magnum cum Da-  
 rio Persarum Rege in Asia decertasse. Xerxes ne ab  
 Atheniensibus in regno suo circūueneretur, prior ip-  
 se Græciam inuasit. Hānibalīs quoq; vna atq; eadē  
 sententia semper erat, vt in Italia bellum gereretur:  
 neq; ab ea victor iā prius reuocari potuit, q̄ trāsato  
 in Africam bello. Cæsari etiā tanta in opprimen-  
 dis hostibus celeritas inerat, vt plerunque ipse famā  
 sui aduentus præueniret. Sed prætermittenda sunt  
 tot exterarum gētium exempla. Solummodo vnū  
 relinquitur dignum memoria ac celebrandum po-  
 steris documentum Ioannis Huniadis, qui nunquā  
 passus est Turcos aduersus Christianos expeditio-  
 nem mouisse, quin eos in ipsa Thracia aggredere-  
 tur. Cuius præclara ac sanctissima pro defensione  
 orthodoxæ Reipublicæ incœpta, nostræ  
 tempestatis Principes imitari De-  
 minus IESVS CHRISTVS  
 Deus Optimus Ma-  
 ximus faxit.

M 2 CON

# CONSTANTINOPO- LITANA EXPVGNATIO

cum exhortatione ad bellum Turcis  
inferendum, eodem  
autore.

## CONSTANTINVS VLTIMVS



CONSTANTINVS Septimus Ma-  
nuelis filius, Ioanne fratre sine filijs  
defuncto, successit in imperium, ab  
initio Princeps animi ingētis. Rex  
enim Peloponnēsi, ante susceptum  
Imperium, sæpius cum Turcis con-  
gressus, eos fudit fugauitq̃, ac eis oppida vi abstulit  
& expugnauit: vnde Draconis cognomentum ob  
militarem virtutem accepit. Sed vbi Amurathes  
Turcorum Tyrannus Heracleam oppidum muni-  
tissimum expugnauit, murumq̃ qui Græcos in Pe-  
loponneso tutos seruaret, defecit, adeo animo cōster-  
natus est, vt omnis roboris sui immemor tributū  
Turcis daret, ac timore perculsus cederet, cū antea  
Isthmum, quem Hexamilium Græca voce nuncu-  
pant, instaurandum curasset, quodam Christiano-  
rum singulari successu: tributumq̃ Turcorum Ty-  
ranno reddere abnegasset. Verum Hungaris et Po-  
lonis ad Varnam ingenti prælio victis ac cæsis, pe-  
cunia ab Amurathe multatus, murum diruere ius-  
sus est. Quem postea locum Veneti tumultuario os-  
pere munire adorti, nihilo meliore euentu vfi sunt:  
sed vt vulgo dici solet: Nulla calamitas sola, alterā  
enim alia parit. Sic Constantinus Imperator, siue a-  
nimo suo excidens, opinione sua deceptus: siue spon-  
te sua infaniens, haudquaquam vnioni, quæ sub fra-  
tre

tre suo Ioanne Palæologo Imperatore cum Eugenio Florentię conclusa fuit, consentire voluit. Et ob id Gregoriū Patriarcham priori Iosippo suffectū, quodd iuxta fidei veritatē ambularet, domo eiecit, bonarū ecclesiæ surripuit. Nicolaus itaq; Quintus, qui tum summum egit Romæ Pontificem, Isidorū Episcopum Sabiniensem Cardinalem, virum industrium, natione Græcum, & qui Rutenorum Ecclesiam iamdudum rexerat, mittit percontatum, quam ratione Græca natio Legatorum suorum conuenta Florentię cum Latinis habita, reiiceret. Pelle xerat tum sua persuasione, & Imperatorem & Senatū in rectam semitam, cum Turcorum iam ingēss impetus, veluti inundatione quadam tempestuosa Duce suo Mahomete Amurathis filio, Constanti nopolim obsederat.

Est autem hæc vrbs inclyta prius Byzantium, antea Lygos dictum, à Lacedæmoniis, Pausania Duce, in angustissimo Europæ Asiæq; Euripo condita, quibus ab Apollinis Pythij oraculo dictum fuit, vt contra cæcos sedes locarent, id est, Megarenses: qui Calcedonē sterili solo, omīssa locuplete ripa, eregione cōdiderunt, Strabone autore. Pisces. n. ex Euxino in Propontidē illati, vbi ad Chalcedonēse littus incurrere, territi à candicante saxo, quod à vado ad summa pelluceat, aduersum Byzantij promontorium ex ea causa Chrysoceras appellatum, præcipiti petunt agmine. Itaque annis captura Byzantij, Calcedoniensibus penuria. Hanc urbem è ruinis Constantinus Magnus, qui Imperij sedem ex vrbe Roma in Orientem transtulit, ad Parthorum excursions compescendas, nouis menibus cinxit, diuinitus admonitus, sublimibusq; turribus ac magnificentissimis ædibus ita exornauit, vt habitaculum Deo-



## IO. CVSPINIANI

tum potius quàm Imperatorum crederetur. Dion septem turres tanta arte constructas in ea commoratur, vt si quis vni inclamasset, aut lapidem immisisset, sonitus ex omnibus redderetur æqualis, ita vt ex singulis proprius exaudiretur. Hanc cum imperator Nearomam nominari vellet, vulgus à conditore Constantinopolim vocauit. Hanc Mahometes iniquo ferebat animo in medio Turcorum sitâ, suo non parere Imperio: animumq; adiecit, vt eam subigeret, quò progenitores suos omnes superaret & fama & nomine, qui sæpius tentantes, à cœptis turpiter resiliere coacti sunt. Castello igitur iuxta litus ad ostiũ Bosphori mira celeritate extructo, belum contra fœdera ac iussurandum mirabili coacto exercitu (trecenta enim millia fertur habuisse militum) induxit, & simul gerere cœpit, frustra Græcis opem à Christianis principibus implorantibus.

Terra igitur ac mari regiam aggressus urbem, cunctis ac latentibus fossis altissime actis, & aggere extructo tam excelsa, vt muros excederet, cum turres ad mouisset ligneas, mœniaq; conquassasset, Græcis strenuè pugnantibus, Ioannes Iustinianus Genuensis (qui solus urbem nuper defendisse ferebatur) vulneratus, cum vt medicum adeat per portas, quæ obseratæ erant, ne fugiendi facultas militi esset, introisset, Græcissimi irrumpunt. Is autè paulò post inglorius Peræ occidit. Soli duo Theophilus Palæologus Græcus & Ioannes Sclauus Dalmata fugere turpe putantes, cum Turcorum multos obtruncassent inter cadauera hostium cecidère. Constantinus Imperator dum ad portam trepidus se recipit, fugientium trepidatione oppressus, in portæ angustis conculcatus cecidit, paludamentoq; eius cadauer agnitum. Scribunt aliij Constantinũ ex desperatione ma-

num si

num sibi iniicere voluisse, antequam regiam egrederetur. Id cum Christiani hominis non esse paulo diligentius secū reuolueret, suos hortatus ut se ferro transfigerent. Sed iis recusantibus, postis Imperatoriis insignibus, posteaq̃ barbarum vidit intra mœnia receptū, timēs ne viuus in hostium deueniret potestatem, neve tantæ vrbis excidio superesset, mutatis vestibus in aduersum agmen inuectus hostili manu mortem oppetiit. Verū quoquo modo perierit, post disturbatos bombardarū ictibus muros, fœdēq̃ disiectos, capramiq̃ vi atq̃ expugnatam urbem, ne Perenses vicinis opem ferrent expugnati, Constantini Imperatoris caput Mahometis iussu abscissum, ac pilo affixum, per urbem & castra ad ludibrium circumuectum ac gestatum est. Quarto & quinquagesimo obsidionis die, vrbis vis summa capta, ingens cædes edita, in oēm sexum atq̃ ætatem sæuitum, pueri, virgines, matres ad stuprum raptæ: supra cædibus, cædes stupris additæ. Nihil illuc citum toto triduo fuit in vrbe. Templū ingens ac sacrosanctum Sophiæ, Iustiniani Cæsaris opus, spoliatum omni sacra supellectile ac donariis sanctorū, omnibus patuit spurcitiis: lupanar factum scortorū, & equorum stabulū. Edixit autem Tyrannus post captam urbem, ut regia supellex, oīsque sacrarū ædium ornatus, monumentaq̃ illæsa seruariantur, neve milites ea diriperent. Inuenta sunt tamen in cœnobio (quod vulgus de Petra appellat) dextra præcursoris Sancti Ioannis, ac monumenta Saluatoris nostri, spongia, calamus, ac lanceæ ferrum. Cuius acies lima secata à Cōstantino VI. Carolo Magno Francorū regi donata erat. Quæ superb⁹ victor inter regias gazas asseruari iubet. Quanq̃ autē multi magno ære has sanctas reliquas redimere sæpius annixi

## IO. CVSPINIANI

forent, adseruata tamen sunt à Turco ob mulierem  
 quendam Graiam, quæ regis libidini inter pellices  
 patuit, cū à cultu Christi nō defecisset, quæ sese exor-  
 luturā pretiū pactioni offert, ne ad Occiduos transe-  
 ant sacræ Byzantium reliquiæ. Sed ante hoc edi-  
 ctum, Martyrum ossa canibus suisbusq; sunt obie-  
 cta, Sanctorum imagines luto sunt defœdatæ, ferrō,  
 que laceratæ. Et quod merito ignauiam nostrorum  
 Principum mouere debeat, simulachrum crucifixi  
 (proh pudor et dedecus nobis æternum) tympanis  
 præeuntibus per fora, per plateas, per vicos, ex vr-  
 be ad castra rapiunt, sputo, luto, iaculis incessunt, pi-  
 leo imaginem capitis dehonestant. En Christiano-  
 rum crucifixum Deum, summis blasphemis & cō-  
 uiciis per irrisum inelamitant. Cruci etiam eulo-  
 gium inscriptum passim legitur: HIC EST CHRIS-  
 TIANORVM DEVS. Eaq; omnia sunt repræsen-  
 tata, quæ in illum Iudæorum gens olim impia pa-  
 trarat. Putantes maiestatem summi ac maximi Dei  
 Domini nostri Iesu Christi, quæ impassibilis est, &  
 eius perfectionis, vt nec laudibus efferri, nec conui-  
 ciis fœdari possit, dehonestare. O immensum scelus,  
 quid potest excogitari horribilius? qd dici crudeli-  
 us hac seuitia, quā ipurcissimi & perfidissimi Turci  
 impune egerūt? Eruti deinceps ciuiū thesauri ab-  
 fconditi, quos si in communē vsum vertissent, non  
 triumphasset sceleratus victor de Christiano sangui-  
 ne. Triduo itaq; misera vexata ciuitas, atq; ad arbi-  
 triū impotētissimi victoris cūcta direpta. Inde qd  
 quid regij sanguinis, mares fœminæq; illustres su-  
 persuere, aut inter epulas prægrauante vino, fœdē  
 iugulantur, aut victoris libidini (quod morte gra-  
 uius) reseruantur. Rirelucas, quem alij Lucam No-  
 taram vocant, qui post Constantinum Imperatorē  
 secundus

# CONSTANT. EXPVGNATIO. 8,

secundus erat, cęso ante oculos maiori filio, altero ad illicitos vsus referuato ( duo enim alij eius filij bello ceciderant ) in cōuiuio ante Tyrannum securi percussus est, cum aliis filiis duobus, Isaacio & Ioanne, illustri probitate adolescētibus: Quum supplici voce humiliq; fletu Tyrannum perfidissimum rogasset, ne castum atq; pudicum puerum Iacobum, quę abominabilis raptor suę spurcissimę libidini destinarat, a paternis cōplexibus auelleret. Isidorus Cardinalis, qui tum Cōstantinopoli erat, vt scripsimus, in tumultu primo captus, cum veste mutata cognitus non esset, trecentis sese redemit aspris. Id genus nummi est passim omnibus notum. Dum desæuiisset sanguinarius carnifex, cōuiuatus & mero præter solitum inebriatus, contra legem sui Mahometi optimates ciuium ( qui in Augustissimum Sophiæ templum veluti in Asylum confugerant ) educti in conuiuio sunt iugulati. Sunt tum multi Genuensium, Venetorū, Latinorumq; partim gladio cæsi, partim auro liberati. Est eregione Constantineopolis, ciuitas Pera sita trans sinulum illum, qui vtriq; que populo portum efficit, vetus Genuensium colonia. In qua olim Galatę populi habitabant, ad quos Diuus Paulus olim epistolas scripsit. Hi Perenses cognita Byzantium clade, Mahometo de ditionem fecere. Muri contra fœdera diruti, bona direpta, fœmine ac viri ludibrio habiti, eandem experti sunt ferarum sæuitiam, vt Constantinopolitani. Eodem enim die literas dedit Tyrannus ad Subassidem, id est, tribunum militum Galatię, quibus iussit Latinos ad vnum omnes occidi. Quam facinoris atrocitatem quum Subassis obstupefceret, ob idq; paululum retardasset, vt qui ad vesperam factum iri instituerat quod esset imperatum. Interea

# IO. CVSPINIANI

temporis Mahometus, qui vinū obdorimitādo euo-  
muisset, per literas cōtrarium mādāt. Tantarum au-  
tem cladium enormitas hinc processit, q̄ tā s̄auus,  
immanis ac scelestus Tyrannus, insignes victorias  
sālm aliquot assequutus, eō insolentiae venit, vt mul-  
tos partim veneno, partim ferro enectos, quos su-  
spectos tyrannidis habuit, tantā sibi omnium cōm-  
parauit obedientiam, vt nemo ne hīscere quidē au-  
deret, interitum aut pericula mandata formidans.

Hinc tanta creuit potentia, hinc fines ampliandi im-  
perij cupido tyrannum incessit. Memini me puerū  
octennē, post illam cladem quæ adhuc recens erat,  
inaudiuisse, quum mensæ paternæ astarē, & crudeli-  
tatem s̄auitiae ab aliis enarrari audirem, fuisse quen-  
dam Cōstantinopolitanū ciuem, opibus ac diuitiis  
clarū ac insignem (sed qui prodicione voluit clarior  
insigniorq̄ fieri) & suo Imperatori Cōstātino infe-  
stum clam venisse ad Mahometē, qui ordinatū tum  
habebat exercitū animumq̄ vrbis obsidendæ: ac se-  
cum pactum, si ex filiabus suis (plures enim habent  
Turci & vxores & pellices, ac proinde multos li-  
beros) vnā sibi vxorem desponderet cum ampla  
dote, portā vrbis vnā in sua fore potestate, quam  
illi posset hora qua vellet aperire: Assensisse Tyran-  
num, ac proditorē id præstitisse. Quum itaq̄ tridu-  
um illud s̄auitia omni crudelius præterisset, ā Ty-  
ranno vxorē & prodicionis præmium postulasse.

Cui Tyrannus: Meruisti, inquit, qui rem promissā  
integrē præstitisti, dignā te & facinore tuo mer-  
cedem. Iussitq̄ magnum auri afferri pondus quod  
illi daret. Sed quia, inquit, filiam meam tibi vxorē  
cum dote (quæ præsens est) poscis, quum Christia-  
nus sis, vitam hanc exuas oportet. Moxq̄ iussit car-  
nificem cutē totius corporis illi detrahere, inseruitq̄  
illi ci

illi cineres cū sale calidos, moxq; lecto cooperiri iussit, vt noua illi cutis succresceret, quo aptior fieret ad nouā nouæ seclæ spōsam accipiendā: quasi indignū iudicaret proditorem suæ patriæ vel exoleto scorto. Scripsit de captiuitate Cōstantinopolitana Vbertinus Pusculus ciuis Brixianus, quum ex hoc prælio Romam euassisset, versibus libellum. Nec non Ioannes Bocatius de Cartaldo, vbi multa de Turcis inscribuntur: & alij Neotherici. Est autem hoc vetustissimum Græciæ imperium, quod mille centū ac nonaginta amplius annis stetit. In quo tot Principes Christiani floruerūt, tanta religio viguit, tot Diuorum templa, tot sanctorum reliquiæ conditæ erant. Vbi vrbs Romæ semp æmula, paucissimis diebus deiecta ac crudeliter subuersa, Anno nre salutis Millesimo, quadringentesimo quinquagesimotertio. iij. Calend. Iun. Qui dies funestissimus ac religiosissimus esse nobis semper deberet, non sine lachrymis Christiano populo memorandus: Quum Nicolaus quintus, tum Pontifex Romanæ præflet Ecclesiæ, Fridericus autem tertius Imperio Romano potiretur. Est præterea in hoc excidio illud admirandum, quod hanc urbem Constantinus Magnus Imperator ex Helena matre progenitus, miro ornatus extruxit, & è ruderibus nouam penè reformauit. Quam Constantinus octauus, qui eiusdem nominis matrem Helenam habuit, Turcorum iugo subdidit. In qua nunc per septuaginta penè annos non sine graui & pudendo dedecore Christianorum Principum, Mahometes primum, Baiazethes dehinc eius filius, tum Zelymus Syriæ & Ægypto formidolosus, post Solomet imberbis tyrannus dominantur: effrenem libidinē in cunctos exercētes sititimos populos, siue sacerdotes sint, siue pudicæ honestæ

# IO. CVSPINIANI

honestæque scēminæ. Quibus non pro caloniis  
aut lixis, vt olim Romani, sed pro iumentis vtun-  
tur: his vehunt, his arant, his fodiunt terram, his ab-  
iectissima quęq; exercent & erubescēda ministeria.  
Quod si ad pœnas ac supplicia peruentum est, per  
extremos corporis cruciatus ducuntur, excoquantur,  
veribus suffiguntur, secantur, rota insuntur. Hæc  
Christiani Principes sciunt, audiunt, sentiunt, vidēt,  
& animo tardissimo patiuntur. O infœlix socor-  
dia, ô nimis misera Principum Christianorum scē-  
licitas. Nunquid illud scitis notum omnibus Poë-  
tæ Prouerbiū?

Nam tua res agitur, paries cum proximus ardet?  
Nunquid videtis ô Principes socordes vniuer-  
sam Asiam à Phœnicibus & Medis, ad Helleston-  
tum vsq; Turcorum parēre tyrannidi? In Europā  
vero, iam annos aliquot Hellesponto superato, ac-  
cessisti sunt à Theodoro Cantacuzeno aduersus ge-  
nerum suum, quem execrabilis & socer & tutor,  
Constantinopolitano imperio fraudauerat, dum si-  
mulant fallacissimi latrones Turci, auxilium se latur-  
os illi de Iyroseni, Callipolim & Cheronesum pri-  
mo, deinde totam prope Thraciam occupant, My-  
sos, Macedonas, Thessalos omnes, Bœotios, vni-  
uersam Græciam, Ætolos, Epeirum, Illyricos ad  
intimam vsq; Dalmatiam, teterrima seruitute pre-  
munt. Insulæ plures, quæ à sinu Adriatico ad mare  
iacent Ponticū, vastatæ iam sunt & desolatæ. Sed  
nec modo quiescunt, aut vlla ex parte remittuntur ef-  
feratæ beluæ, sed quotidie magis ac magis (vt sunt  
& prædæ & credis auarissimi) nunc in Getas, qui  
trans Istrum incolunt, nunc in accolas Hungaros &  
Germanos impetum faciunt. Nostri autem Princi-  
pes, aut illos contemnentes, aut negligentes, in hæc  
decidunt



decidunt calamitatem ac dedecus, vt suis sensibus, sua ratione priuati, nesciāt quid agant. Hungari, quorum regnum antemurale & Christianitatis clypeus vulgo appellatur, inter se tam factiosi, tā discordes, tam segnes, vt in tanta rerum affluentia, ex argento coenent, ex auro bibant: Capita auro onerant, & torquibus & catenulis colla, pectora monilibus & fibulis ornant aureis ac argenteis: pedes item calcariis ex argento condecorant, toti splendidi. Nec dum luxus finis, onerantur & bestiae ac equi phaleris argenteis & aureis. Nec nobilis censetur, qui nō abacum instruit auro argentoq; onustum. Alias autem nationes contemnunt, nec sinunt suppetias nisi coacti afferre. Quod si tulerint rogati, tum in eos desuunt magis quā in canes, quos alias natura odit, planē furibundi & dementes. Ac priusquā se talibus spoliarent diuitiis, potius omnia sua Turco reseruant, breui omnia ablaturis. Vt olim Constantinopolitani ciues suo Imperatori auxilium negantes, oia Turco seruabāt spolianda, vt scripsimus. Hūgaris finitimi Germani, in conuiuiis bellaces & strenui: praesertim quā noctes ac dies bibēdo æqua uerint, ac oēs cyathos exiccauerint, nullas possunt nuptias, nulla conuiuia, nullos celebrare conuētus, nisi ad extremam ebrietatem alter alterum ad pocula inuitet, atq; ita repleat, vt quod dictum etiam pendendum est, coram seruis ac vernaculis rursus potum euomat vinum, sub mensaq; impudice meiat. Et cū semiamens, imō demens potius in stratum collocatur, tum triumphus ingens excitatur, tum risus, tum cachinnus exoritur. Atq; id inter nobiles qui praesse debent reip. eamq; tutari atq; defendere, praecipue sit, nemoq; censetur bellicosus, nisi fiat & ebriosus, Qui enim plurimum potant, iudicantur magis strenui

## IO. CVSPINIANI

strenui ac bellicosi. Olim, etiam nostra memoria,  
 quā nobilium erat cōuentus, veluti pugiles, lucta,  
 disco, cursu, corpora exercebāt, vt fierēt bello aptio-  
 res. Nūc poculis certāt alter alterū superare ac dei-  
 cere. O tēpora, o mores: his igitur artibus, his studi-  
 is vincemus Turcos? Germanis meis ē quibus na-  
 tus sum, & Hungaris quibus cū longo tēpore ver-  
 satus q̄ familiarissime hęc scribo. Nō q̄ censeam vi-  
 tiis alias carere nationes q̄q̄, quisq̄ enim suos patri-  
 mur manes, sed q̄ vellem hos vicinos & finitimos  
 Turcis vnionem quandā inter se inire, q̄ Hungari  
 suam soli luxui seruientem supellectilē ex auro & ar-  
 gento cū amplissimis suis diuitiis in eum conuerter-  
 rent vsum, vt suos debellarent hostes. Et Germani  
 accepta sobrietate, cū Hungaris acies atq̄ exercitus  
 instruerent cōcordiis animis amnestia celebrata,  
 si alter alterū irritasset. Tum Turcus nō modo ali-  
 mitibus nostrarū terrarū arceretur, sed mox ē Con-  
 stantinopolitano deturbaretur Imperio, atq̄ in ali-  
 quē Asiæ angulū, vnde prodiit, reiceretur. Sed iis  
 moribus quibushodie viuitur, planē dubito ne bre-  
 ui lares cogamur patrios trepidi relinquere, aut in  
 miserā venire seruitutē. Sed quid imperij Prīcipes?  
 quid agunt? Sæpius vocati in comitia & a Fride-  
 rico Cæsare & Maximiliano, vt generalis in Tur-  
 cos fieret expeditio, antequā de cessione decernitur  
 vter alteri prælocādus, quibus subselliis alterū præ-  
 cedat, annus transit. Tum sūt hastiludia, tum adipa-  
 les cœnæ. Veniunt Oratores Romani Pontificis  
 Principes adhortātes, vt lapsę succurrāt Christianę  
 Reipub. Offerit Pontifex cruciatā, offert indulgen-  
 tias, vbi pecuniæ a misera plebe sunt corrosæ: instāt  
 fœneratores, qui paulō ante suos nummos in luxū  
 Principum mutuarūt, & vsuram mutuatę pecunię  
expo-

exposcunt. Soluuntur vestes scortis coëmptræ, & sumptus hospitibus abliguriti: Tum nulla postea Turcorum memoria. Religiosi autem Principes sacrosancti (de quibus loqui piaculū est) quibus in annuos redditus centena milia nummum vix sufficiunt, ex pingui pane CHRISTI caudatis velutibus & purpureis galeris Christianam profitentur religionem. Tres episcopatus connectunt, ac abbatias in comedenda (commenda volebam dicere) potius catamitos ac scorta alunt quā milites, qui pro CHRISTI fide tutanda, arma induant. Interim Turcus tanquam voracissima belua Ionium mare ingressus, Asiæ primum littora depopulatus est, ac minorem Asiam occupauit: Ciliciam, Anneniam, Phrigiam possidēs. Traiecto mari Macedoniam, Thessaliam Epeirum, Dalmatiam cum Illyrico depascitur: & Europæ claustris fractis, Hungariam mox ac dein Germaniam vorabit. Num id videtis Principes? Num clausis oculis more Adabatarum id cernitis? Detrahite nubē oculis, qui ophthalmia laborant, & videte primum Christianorum cum Turcis infelicem ad Nicopolim conflictum, Duce Sigismundo Hungarorū Rege. Qui anno virginiei partus fuit Millesimo trecentesimo nonagesimo sexto. Vbi magna Christianorum strages facta, multi Duces capti, Sigismundus nauicula fugiens salutem quæsiuit.

Attendite quid sub Alberto quinto Archiduce Austriæ Romanorum, Hungarorum & Bohemorum Rege, Anno CHRISTI Millesimo quadringentesimo trigesimo nono acciderit, Christianis cum Turcis confligentibus. Vbi penē omnes qui non fuga euaserunt, corruerunt.

Animaduertite deinceps ô Christiani Principes, crudeliss

1444.

crudelissimam cladem Christianorum apud Varnam sub Vladislao Hūgarorum & Polonū Rege, quæ anno humani generis redēptionis accidit, Millesimo quadringētesimo quadregesimoquarto, quā mox subsequuta est, M. CCCC. LIII. Constantinopolitana ruina, sub Friderico Tertio, quam iam scripsimus. Quæ omnia negligentia & socordia nostrorum Principum euenerunt, Christo Deo nostra scelera sic puniente. Quandoquidē cum mentio sit Turci inter conuiuales Principū sermones tā pueriliter, tā leuiter de Turcis vt de muscis loquuntur, cū tamē nemo vanē debeat de suo hoste loqui, ita pericula perpessa hæcenus a Christianis nihili fiunt. Quòd si hæc omnia vos non mouent, numerate post captam Constantinopolim, abductam plebem ex Hungaria, Bulgaria, Croatia, Germania, et adiacentibus regionibus. In quas incursiones Turci nullo non anno cum impetu facientes, homines vt pecora ad seruitutem semper abigunt crudelissimi latrones. Nōne autem illud cordi est recipiendum, quòd anno virginei partus Millesimo quingentesimo vigesimo primo, post Cæsaris Maximiliani mortem, Carolo V. imperante, Solomet Turcorum imberbis & imbellis tyrannus, superato Histro, Sauo ac Drauo, fortissimas munitiones Nādaralbam, quod & Belgradum & Taurinum dicitur, tum Sabatz fortissimam arcem cum viginti duobus castris, oppidis, & villis per milliaria pene xl. duobus vix mensibus occupauit, nemine repugnan-  
te, nemine patrios lares defensante. Ac mox sequenti autumno quinque millia hominum ex Croatia abduxere impij latrones. O miseri principes, quoad dormitabitis, quoad segnes arma vestra rubigine consumi patiemini?

1521.

Et tu ô Magne Pontifex L E O, leonis fortis  
 ſimi naturam quando indues? Quando crucem  
 CHRISTI in vexillo erectam, abiecto Pon-  
 tificali faſtu, manibus per orbem circumduces, præ-  
 eunte Carolo Cæſare Auguſto enſe ſuo nudo, vt  
 vtranque aquilam ſimul iungat & connectat?  
 Quando cæteros orbis Reges ac Principes gladiis  
 accinges, vt hoſtem Chriſtiani nominis trucident,  
 pedibus conterant, à ſeruitute captos liberent? Ex-  
 cita ô Cæſar Carole (vim nominis tui imitatus) ſæ-  
 ua Germaniæ arma quibus præes, fortia Anglorum  
 pectora quod potes, magnas Francorum vires cū  
 quibus bella geris, maximos Hiſpanorum cenſus  
 quibus imperas, vt has beluas conſumas, & Græ-  
 cia recuperata, imperialem ſedem alteram aſcen-  
 das, Orientiq; ſimul & Occidenti imperes. Quod  
 ſanè fiet, ſi cum Chriſtianiſſimo Rege, & Roma-  
 no Pontifice viam inueneritis, qua Caprimulgi illi  
 Eluetij ac opiliones, quorū arbitrio vniuerſa Chri-  
 ſtianitas bello æſtuat, dum ſuæ cupiditati nunc Cæ-  
 ſar, nunc Pontifex, nunc Francus, nunc alius Rex  
 aut Princeps non ſatiſfaciat, in eam redigantur obe-  
 dientiam, vt ſe ſubditos & paſtores agnoſcant, di-  
 cto audientes, non Regibus ac Principibus imper-  
 rent: Vt iam annis non plenè ducentis, abiecto iu-  
 go, conſueuerunt, aut vt infelix lolium radicitus ex-  
 tirpentur. Præſtat montes illos eſſe deſertos, quàm  
 fece illa hominum deſertā facere Chriſtianitatem.

Olim quum iuſtum gereretur bellum, ciues reli-  
 ctis vxoribus & liberis, ſuo Imperatori obtempe-  
 rantes, quæ bonos viros decerent agebāt honeſtiſſi-  
 me. Nūc vero mercenarij iſti milites, è quorum nu-  
 mero & lanceati ſunt pedites, rē ſuam lucro metien-  
 tes, ſuos Duces hoſtibus vendunt, proditiōis præ-

# IO. CVSPINIANI

tium sexaginta millia nummū aureorum pro mercede inuerecūde recipiunt: Virtutis loco ducūt, Reges & Principes fallere. Eō cupidissimi fœneratores rem suam deduxerūt, vt nullus rex bellū aggredi audeat. Nō etiam infantibus stipēdia in cunis largiantur. Ob id exteros hostes Turcos aggredi veritum est Principibus, quum domi & in vestibulis lateant hi carnifices, qui nō sinunt nos cōtra crucis hostes arma sumere. Sed quid gratis hæc affero, q̄ in triuiis quotidie decātantur? Plura possem in medium afferre, vt vos ō Principes ad arma contra hostes fidei sumenda excitarem. At nulla oratione cōpta ad persuadendū opus est, sed armis. Plures sunt dictę elegantissimæ orationes ā viris eruditissimis, Pio, Campano, Philelpho, Callimacho, & alijs q̄s recensere inutile est, quę etiam lachrymas quibusdā eduxerūt. Sed iis non vincūtur hostes, armis opus est, ea affer ō Cēsar, & Christianę calamitati succurre cū tuis imperij Christiani Principibus. Quod si certa erga Deum fide Principes nostri pugnaret, sine dubio diuinitus etiam victoria illis ā cœlo daretur, vt olim Constātino magno, dū Maxērium, dū item Licinium Christiani nominis hostes, illū ad Miluium pontē, hunc in agro Byzātino armis obtriuuit, vt suo loco scripsimus. Sed cum nostri Principes mutuo se laceasant, quid aliud q̄ bellū est ciuile putandum? Si modo nostra Christiana religio vna est Respublica, vna ipsius Dei vrbs, cuius nos ciues sumus omnes, quid ergo intestino odio pacem quærimus? dum furta, rapinas, raptus mulierū & puerorū sine discrimine ætatis ac honoris cōmittimus? Quasi cōtra hostes fidei pugnaturi, neq; templis, neque aris parcimus: Imō sacrilegi ne mortuis quidem. Sic cacodæmones mentes nostras perstrin-

# CONSTANT. EXPVGNATIO. 90.

gunt & oculos velis obducūt, vt relictis veris hostibus Turcis, atq; Christiani nominis inimicis, in nos nostrorumq; membra armatas & sanguinolentas cōuertamus manus. Si autem proposito veluti scopo, Deo immortalī optimo Maximo, omnes actus nostros in illū dirigeremus, nō esset nobis mēs tā hebes, tā obnubilata, tā cæca, quin ea videremus quæ eò nos ducerent, vnde salutē, non pœnitētiā sperare liceret. Nam, vt & Græcanico prouerbio dicitur: Factū stultus etiam cognoscit: & Euentus stultorū dicitur magister atq; misera prudentia. Expergiscimini igitur iam Principes, expergiscimini, ne oues Christi vobis cōcreditas, lupo deuorandas omneis condonetis, arreptis armis, abiciite somnū. Tempus est. Somnū Epimenidis ac Endimionis septuaginta circiter annos dormiuiſtis: Truculentam beluam prosternite, affligite, percutite, maciāte, & acerbissimo supplicio mulctate: Ne ardēs illa pestis ac funesta latius indies serpat, flammarumq; vortices inextinguibiles exuscitet, nēue annus vigesimus quartus, proxime venturus, supra mille quingentos afferat diluuium hominū horrendū ac stupendum, quē homines ob aquarum inundationem pertimescunt: Sed potius tranquillitatē, quī iam sequitiam pestis crudelissimæ & bellorū rabiem, satis superq; experti sumus. Quod ipse solus potest Deus Optimus Maximus, qui Cæsarem cū suis Principibus vniri faciat, vt & vni pastori, vnum reedificetur ac cōstituatouile. Exurge itaq; ô Carole Cæsar, quū post tot regna hæreditaria, tibi Deus Optimus Maximus etiam Romanū addidit Imperium. Æqua Constantinū Magnum, qui signo crucis hostes vicit: Imitare Theodosium, qui ardore fidei inimicos Christi prostrauit. Pone ante oculos Heraclium,



## IO. CVSPINIANI

qui crucis lignum vendicatum humeris detulit. Incede vestigiis Caroli Magni cognominis tui, qui tot annis pro fide Christi pugnās, insignes reportauit victoriās. Nō tibi opus est, qui tot regnis imperas, vt Godefridum de Bulliono imiteris, qui vendito patrio censu, cum immenso exercitu Asiam expugnauit, sepulchrumq; Christi Christianis restituit. Tot habes regna, tot prouincias, tot regiones, tot populos quibus imperas, vt nihil nisi vnione Principum Christianorum opus sit. Id quod saepe auus tuus Maximilianus Cæsar, suspirās à Deo precatus est anxie: & vt sibi liceret vindicare Christianitatis perpeffa incommoda, atq; post contritos & venenatos illius Othomanni dracones, pestiferāque eius profapiam, Deo immortalī suam reddere animam optauit. Id quum Deus illi abnegarēt, eius supple vices. Pone ante oculos Athenarū vrbem, omnium scientiarū inuentricem ac domicilium, oppugnatam, Constantinopolitanū imperium excisum, & ab hostibus Christi possessum, Chalcidis & Euboia direptionem, Ydrunti expugnationem. Cogita, & Deum supplex ora, vt olim taberlanus ē Persia Scytharum Dux Bajazethen Turcū superbissimum deuicit, inclusum cauea, & aureis vinctū cathenis circumduxit, ita ope Dei Optimi Maximi IESV Christi, quem tanto ludibrio prosequuntur spurcissimī latrones, isti, Solometum Turcorum tyrannum, quem nuper obstupuisse, & veluti in ecclasi positum dicūt, quum Nandarallæ sanctę cuiusdā virginis corpus insolēs victor post captam arcē attrectasset: veluti olim Mahometū secundū, cum imaginem Beatissimæ virginis cum S. Ioanne in cælo aspexisset in obsidione Rhodi, cathenis ferreis, non aureis per Christianitatem circumducas,

osten

ostendasq; te ideo in solium locatum Aquisgrani,  
vt Christi hostes subigas ac prosterneas, ne virus su-  
um latius disseminent. Vide ne cum Tartaris falla-  
cissimi hostes Turci arma iungant, ac ruptis Chris-  
tianitatis obicibus, Hungaria atq; Polonia, inun-  
dationem in Imperium faciant ( cum enim mihi  
dapsiles non sint diuitiq; minutulos hos quadrantes,  
id est, hanc admonitionem offero ) timens ne ple-  
bem nostram improuidam miseramq; & imbelles  
gentes trucident, vt olim saeuus Attila, qui cum su-  
is Hunnis ex Hungaria Franciam & Italiam eua-  
stauit insperato. Id fiet, si Christi nomine inuocato,  
bellis ciuilibus sedatis, fastu sacerdotali posito, Prin-  
cipibus vnitis, aciem coges, & vexillum Christi  
circumduces, pastoribus istis foedissimis ac bubul-  
cis Asiaticis, quos multi formidolosi homi-  
nes insuperabiles existimant, manus  
conferas in nomine eius, qui  
victoriam largitur se-  
timentibus.



## ANNOTATIO.

In fine & illud annotabimus, quòd terra, quam hodie Turciam vocamus, plures comprehendit prouincias. Est enim Iconia, in qua Iconium caput gentis. Capadocia, in qua Cæsarea. Isauria, in qua Seleucia. Ionia, ubi est Ephesus. Paphlagonia, in qua Germanopolis. Hoc quicquid est terræ, quæ hodie Turciæ habet nomen, nō vna gens inhabitat, sed Turcæ, Græci, Armeni, Sarraceni, Iacobitæ, Nestoriani, Iudæi, Christiani. Atqui hi omnes Turcarum imperata ferre coguntur.

Typis Ioan. Graphæi.







